

Hist. 5464.

5469-74



5469-5474

II

HISTORIA

G

XI

65.

M. GOTTFRIED BALTHASAR SCHARFF.
Svidnic. ad SS. Trin. Rev. Min. Sen.

R SCHARFF.
Min. Sen.

D. A.
MO
ETRU
REG.

BI

AUC

IN NO

AT

JO.
D.

DE RE
MONETARIA
VETERVM ROMA-
NORVM, ET HODIERNI
APVD GERMANOS IMPERII,

Libri duo.

MARQVARDI FREHERI
Consiliarij Palatini.

Accedit

NICOLAI ORESMII EPISCOPI LEXO-
niensis (qui fuit Præceptor Caroli V. cognomento Sapientis Regis
Gallie) de origine & potestate, nec non de mutatione mone-
tarum, liber subtilissimus: cum succincto tractatu
eiusdem argumenti GABRIELIS BYEL:
& Notis in utrumque locuple-
tissimis.



LVB DVNI *Sic vocat sua Heiboltz*
Apud Gothardum Voegelinum.
c l o l o c v.

MONETARIA

ROMA

ANNO DOMINI 1754

SEPTUAGESIMO

QUINTO

SEPTEMBRIS

PRINCIPIS

PRINCIPIS

PRINCIPIS

PRINCIPIS

PRINCIPIS

PRINCIPIS

PRINCIPIS

PRINCIPIS

PRINCIPIS

PRINCIPIS

REVERENDISSIMIS ET SERE-
NISSIMIS S. ROM. IMPERII PRINCI-
PIBUS ELECTORIB. AD RHENV,

D. IOHAN. SVICARDO MOGVNTINO

D. LOTHARIO TREVIRENSI

D. ERNESTO BAVARO COLONIENSI
Archiepiscopis, & Archicancellariis &c.

D. FRIDERICO PALATINO RHENI,
Bavariæ duci, Archidapifero &c.

Dominis suis longè clementissimis.



Vo's singulos coram affari tre-
miscerem, vt scripto appellem
iunctos, Præcelsi Principes, fiden-
tem facit materia: quæ est de in-
strumento humanæ societatis v-
tilissimo, deque insigni principatus non infi-
mo, id est Monetâ. Nam & ab omni ævo ad
Principes ea nominis vultusque vulgandi ra-
tio propria pertinuit, & administrationem rei
propemodum sanctæ præ aliis in Republica
cordi habuerunt. Neque verò Ecclesiæ præsu-
les suâ curâ inferiorem aut indignam censue-
runt, quin & fomitem illum peccâdi ad suam
censuram reuocarent, & ingenio calamoque
nobilem cumprimis materiam illustrarent.
Quorum quidem monumenta per omnes &
gentes & ætates in hoc genere extiterunt; è pri-

scis, in Græcia Epiphani Constantiensis in
Cypro; è mediis & imis, in Gallia Nicolai O-
resmi Lexouiensis, & postea Roberti Cœna-
lis Abrincensis, in Germania Iohannis Dal-
burgii VVormatiensis Episcoporum, in Italia
aut Hispania Antonii Augustini Ilerdensis
demumq; Tarraconensis Archiepiscopi, ma-
gni nominis & virtutis virorum. Cæteros e-
nim qui in hoc campo versati sunt, non faci-
lius quàm Homericarum nauium nomina e-
numerauero. Post quorum omnium diligen-
tiam si quid nobis insuper non vulgatæ obser-
uationis repertum videtur, nō erit amicorum
consilii, quorum impulsu illud nunc profero,
quod me debeat pœnitere. Id verò quidquid
est opellæ, neque alii quam vobis, Principes ve-
nerandi, deberi, neque aliter quàm iunctis of-
ferendum existimaui: quos ab Augusto culmi-
ne secundos, & primas Imperii destinās, præ-
ter collegii Septemviris vinculum, ipse Rhe-
nus peplo suo, ceu peculiari quodam fœdere
implexos tenet; instituto vt à maioribus inde
accepto, ita constanti fide & fraterna coniun-
ctione feliciter hætenus propagato, & æter-
nū sanctè conseruando. Vos nobilissima
Europæ ora, viris armisque & opibus artibus-
que florentissima, quæ Romanis olim sub Pri-
mæ & Secundæ Germaniæ nomine possessa,
non

non minus quam cis-Rhenana Teutonia do-
minos agnoscit. Rhenus pater, cuius olim ter-
ribilem ripam inde Defensores, Ballistarii, A-
cincenses, Armigeri, Martenses, Vindices, Pa-
censes prætexebant; hinc feræ & indomitæ
gentes Nicri & Mogani Loganiq; accolæ pre-
mebant, nunc medius & securus vestra arua
secat: vestra castella Augusta antiquitate nobi-
lia, Moguntiacum, Bachiaras, Confluentes,
Tuitium, tranquillus & incruentus prælabi-
tur: vtramque ripam & Romanam & Germa-
nam agnoscens non dirimit, sed ornat: nec
iam lusoriis infestus, sed lembis & onerariis le-
tus, & proprias dotes fundit, & vltro citroque

Longinqua omnigena vectat commercia terra.

Quibus non donis abundans! siue Bacheia
munera miremur, illa tot populorum gulis ex-
petita; siue quæ sitipiscis delicias, quem Rheni
aduenam ciuem Venantius Pictauensis Epi-
scopus vocat: siue adeo quibus Hermus Ta-
gusque superbiunt, rutilantis metalli ramen-
ta. Quod quidem præter vernaculum testem
Otfridum VVeissenburgensem Monachum,
qui auriferas Francorum arenas laudat, & Æ-
neam Senensem Cardinalem, neque Græcos
olim ignorasse Nonnus Panopolitanus & ipse
antistes Edessenus indicio est, in Dionysiis
ita scribens:

Νηρεὺς μὲν τὰδε δῶρα πολύτροποι, δῶκε δὲ χρυσοῦν
Περσικὸς Εὐφρήτης πολυδαίδαλον εἶδος ἀρχαῖης,
Χρυσὸν Ἰβηρ πῶρ' Ῥῶν: ἐχέπαιων δὲ μετέλλαν
Ἡλυσεν ἱκέλα δῶρα γέρον Πακτωλὸς Ἀέριον.

Neq; aliunde nimirum repetenda aureæ mo-
netæ origo, cui à Rheno nomen natum, à ma-
ioribus vestris ceu III viris quibusdam pro-
cusæ, & cæterorum deinde Ordinum imita-
tione frequentatæ. Quem morem etiam num
retinentes, aureos argenteosque nummos aut
coniunctim, aut eadem lege modoque, sum-
ma certè præ multis aliis integritate publica-
tis; & saluberrimo consilio institutos con-
uentus (quibus mihi interesse aliquando con-
tigit) examinandis taxandisque omne genus
pecuniis diligenter habetis; & fluctuantiam
diu rei nummaria, quatenus morbi pertina-
cia admittit, remedium afferre satagitis: le-
gum bonarum non minus hac etiam parte
vindices acerrimi, quàm cætera salutis pacisq;
& tranquillitatis publicæ custodes vigilantissi-
mi. Quando autem iia Comitiorum senten-
tia tulit, ut quæ super hac re Circuli singuli in-
ter se, quæ coniuncti pleno senatu in commu-
ne consulenda censerent, ad Moguntinum
prius Præfulem Germaniæ Archicancellarium
ὡς ἡ Λατίνων βέβλη' Φωνή, ὡς δ' Ἑλλήνες εἶπεν, ἀρροφένον (ut
de eo Nicetas Choniates loquitur) pro more
referantur; tuæ in primis Celsitudini, Illustris-
sime

sime Præsul, hæc etiam qualiacunque si reue-
renter offerrem, non nisi rite & ordine me fa-
cturum putavi: magna spe fretus, in re bona
velle ues conatus, ut à priuato homine, nec
tam forte istarum rerum intelligente quàm
patriæ certè & veritatis amante profectos, a-
pud tantos Principes non minus æquitate &
comitate laudatos quàm dignitate & poten-
tia suspiciendos, locum aliquem non meriti
sed gratiæ reperturos. Quod sanè non poterit
mihi animum non addere, ad ampliorem hu-
ius argumenti tractationem, sub Pomponii
nomine dudum promissam, tandem absol-
uendam: vbi modò prius affectos de Romano
Imperio, itemque de Germanica lingua com-
mentarios, imò iam plenè maturos & claustra
indignantibus, fauente Domino in lucem pro-
tulero. Valete Clementissimi Principes. Lu-
boduni, iiii. Non. Mart. Anno Messiaë nati
MD CV.

*Reuer. Et Sereniss. VV. Celsitud.
subiectiss.*

MARQVARDVS FREHERVS.

ELENCHVS CAPITVM

LIBRI I.

- I. De antiquis Romanorum numismaticis, an & quae fuerint monetae.
- II. Definitio Monetae exposita.
- III. Leges nummariae Romanorum.
- IIII. ~~Philosophi veteris Aeneas de re monetaria monitis ad Theodosium~~
Aug. eiusque filios Honorium & Arcadium Cass. Cum Notis.

LIBRI II.

- I. De Romana Reip. declinantis moneta: nominatim de Byzantiis.
- II. Veterum Francorum Gothorumque moneta, Denarij, Solidi, Libra, Fextones.
- III. Varia variarum gentium monetae enumerata: nominatim de Florenis, Ducatis, Taleris.
- IIII. Hoderna Romani Imperii apud Germanos leges nummariae.
- V. De praerogatione harum legum, praecipue in minuta pecunia & sua li. ~~Causa fluctuantis rei monetaria detecta~~, & remedium unicum.





DE ANTIQVIS PRINCIPVM ROMANO- RVM NUMISMATIS.

CAPVT I.

N VLLA in re, ausim dicere, populi Romanit tantam aut sollertiam industriamque extitisse, aut in propaganda longè lateque & ad omnem posteritatem consecranda sui memoria ambitionem, quanta in sola re numaria & toto monetarum numismatumq; genere obseruari potest. Nam ne de infinita & prope incredibili eorum varietate dicam, quæ tanta est, vt quot numos, tot singulares & diuerſas formas obseruare liceat; vt liquido confirmare possim, in immensa eorum copia, quæ partim apud antiquarios homines vidi, partim ipse habeo, vix semel atque iterum me duo numismata conspexisse, quæ licet inscriptione annoque atque adeò vtriusque (vt sic dicam) paginæ icone conuenirent, gemina tamen sibi essent, id est, ab eodem artifice eodemque instrumento cusa & efformata: Quale quæso illud est, quod omnes pene res sacras profanasque, domi militiaeque gestas, quotquot vllis historiis & annalibus commédare, vllis marmorum & monumentorum apparatu exprimere & celebrare potuerunt; easdem plerásque omnes, atq; etiam plu-

A res

res quàm vllò in alio veterum memoriarum genere reperiantur, nūmorum orbibus inculpere & includere studuerunt: genere monimenti non tantum compendiosiore & faciliore, verum etiam ad famam rerum latè longèque dissipandam commodiore; & ad posteritatis memoriam longe durabiliore. Nam & ad eos populos, qui Romanæ vr̄bis aut aliarum ornāmēta, virorumque fortium statuas, & principum arcus columnasque, & templa Deorum videre non potuerunt; iam tum illatus per commercia nummus omnia illa suo orbe complectens; cumque nummo ipsa rerum fama penetrauit: & ad nostram ætatem, quæ vix insignium tot monumentorum pauca & lacerâ fragmina, annaliumque auctores partim mutilos & dimidiatos, partim fœdè corruptos malèque habitos retinuit, multis etiam omnino caret; numismatum ingens & admiranda multitudo peruenit, etiam selectissimorum, & adhuc satis integrorum, vt quædam ab incudē adhuc recentia velutique aspera videantur. Quæ seu in veterum vr̄bium excisarum ruinis & parietinis, seu in thesauris & flauissis illo æuo hac illac reconditis, sepulchrisque & vr̄nis funeralibus sæpe numero inuenta sunt & inueniuntur; seu in iplis veterum ædificiis (quod memorabile mihi visum) inter singulorum lapidum commissuras hoc ipso consilio inserta, etiamnum à curiosis hominibus eruuntur & depromuntur: Vt vix credibile possit videri, tantam vim etiam cusi auri argentiq; & æris, è terræ visceribus sine fine erui & hauriri. Sed faciebat singularis illa veteris legis Cornelie numariæ cautio & sanctio, non minus notatu digna, quàm hactenus à nostris hominibus parum animaduersa; qua conflare & dissolvere nummos p̄obos non minus interdictum erat, quàm imp̄obos falsosq; cudere & monetam adulterare. Paulus 1. Sentent. Tit.

xxv
argen
perit,
ter ad
nis ef
profla
Gelli
infect
uisset
ratos
pian
teos n
legit
cto e
priu
Lam
in m
isset,
cessu
mar
tern
vsa
nera
cui
Pri
dei
fier
sul
rit
ius
rit
pe
m

xxv. in princ. *Lege Cornelia tenetur, qui nummos aureos, argenteos adulterauerit, lauerit, conflauerit, raserit, corrupe-* *L. Cornelia nummaria.*
perit, vitiauerit, vultu ve Principum signatam monetam pra-
ter adulterinam reprobauerit. Vt enim *flare nummos* Latini est nummos fingere, fundere, formare; quod & *proflare* Plinius vocat, unde & *Flauissas* veteribus dictas Gellius auctor est, quod in eis non argentum rude & infectum, sed flata signataque pecunia condi consueuisset: & *Flaturarios* homines pecuniæ formandæ operatos Impp. vocant L. v i. C. Th. de falsi monet. Vlpianus in L. i x. D. ad Leg. Cornel. de fals. *qui ve argenteos nummos adulterinos flauerit*, quod apud Græcos ita legitur, *ὁ δὲ ἀπὸ τοῦ ἀργύρου ποιεῖται*: Ita *conflare* profecto est eius rei contrarium agere, & quæ flata erant prius, igne subacta rursus in massam redigere, vt apud Lampridium in Alexandro: *Quartanos iam formatos in moneta detinuit, expectans vt si vectigal contrahere potuisset, & eosdem ederet: sed cum non potuisset per publicas necessitates, conflare eos iussit, & tremisses tantum solidosq; formari.* Resoluere idem vocat in eodem: *Formas binarias ternarias & quaternarias & denarias etiam, atq; amplius usq; ad bilibres quoq; & centenarias, quas Heliogabalus inuenerat, resolui precepit, neq; in usu cuiusquam versari.* Non licuit itaque iam tum per legem Corneliam nummos Principum conflare; quod & constitutionibus deinde interdictum fuit, ne iniussu Principum à quoquam fieret, l. i. C. de auri publ. prosecut. l. 12. 13. C. Th. de susceptor. præpos. l. i. C. Th. si quis pecun. conflauerit. ne nimirum ipse icon & rei impressæ memoria, cuius fine & contemplatione pecunia formata erat, periret. Eadem ratione qua nec statuas & imagines Imperatorum consecratas conflare citra maiestatis crimen licuit. l. 4. in fine & l. 6. D. ad Leg. Iul. maiest.

(in qua ea verba, aliudve quid simile admiserint, non possit quis aptius quàm de conflatis nummis interpretari) Tacitus lib. III. *L. Ennium equitem Romanum maiestatis postulatum, quod effigiem principis promiscuum ad usum argenti vertisset, recipi Caesar inter reos vetuit.* Nisi forte cuius memoria damnata esset. d. l. IV. D. ad Leg. Iul. maiest. Hoc genus vt statuas, imagines, clypeos deiici, detrahi, confringi, aboleri solitos: ita etiam nummos conflare Dion de Caio testatur lib. 60. τῆδε τῶ Γαίῳ μνήμη ἀχθόμενοι τὸ νόμισμα τὸ χαλκῶν πᾶν ὅσον τὴν εἰκόνα αὐτοῦ ἐκτυπώμεναι εἶχε, συγχωνδύλωσιν ἐργασάν. Idque quod de nummis minimè conflandis dico, vsque adeò verum est, vt etiam posteriores Principes quamuis declinante Imperio & filco pauperiore, potius tamen quàm priorum principum nummos conflarent & suo iconio recuderent, monetam deteriore argento, & (vt quidam Poeta loquitur) venæ secundæ facere maluerint: quæ *Maiorina* illa dicta videtur, à Constantio Imp. L. VI. C. Th. de falsa mon. Secus ac hodie, vbi non tantum priorum principum monetæ à successoribus plerumque recuduntur, sed & aurifabris omne pecuniæ genus cōnflare & in promiscuum manupretii vsum conuertere impune liberumque est. Atque hæc (vt opinor) vel præcipua causa esse potest, quod tanta veterum nummorum copia salua remanserit: non tantum qui integri & notabiles sint, sed & multorum qui omninò detriti & inaspicui: adeò vt & Iustiniani tempore plurimi veterum aureorum solidorum in vrbe Roma & aliis Italiæ partibus inuenirentur, vt ipse scribit in pragmatica sanctione ad Vigilium Episcopum Romæ cap. xix. multoque magis Valentiniani. l. i. C. de veter. numis. potest. & adhuc nostro seculo multi tantam eorum vim possideant, vt priscorum illorum

Crasso-

Crassorum & Lucullorum census eo ipso pecuniæ numeratæ genere æquare posse videantur.

Interea verò dubitari apud nos etiam à doctis video, utrum totum illud nūmorum genus Cæsareos vultus & à tergo exquisitissima variis modis signa impressa habens, illo ævo in promiscuo & quotidiano monetæ & commerciorum usu fuerit? Qua de re si sententiā meā roger, hoc tantū dicere habeā, Aut nullā apud veteres Romanos monetam fuisse, aut certè hāc fuisse qua de agimus: & quidē æneā (quod illi minimè admittere volunt) vel maximè. Nec tamen (ut hoc prius expediamus, quod à nullo prius annotatum videmus) omne nūmi genus ab eodem profectum fuisse videtur. Totum enim ferè genus æneorum numorum Senatus auctoritate in gratiam & honorem Principū cūsum formatumque fuisse stantis Imperii temporibus deprehendi. Senatus siquidem consulto ut statuæ, effigies, arcus, & id genus aliā; ita & numi Principibus modò primum electis & inauguratis, modò alia atque alia gerentibus decerni soliti. Dion. lib. x l i v. de Iulio: *πρὸς δὲ τέτραις τριτρίαις, πατέρας τε αὐτῶν τὴν πατρὸς ἐκ πωνόμασιν, καὶ εἰς τὰ νομίσματα ἐνεχέοντες*. Herodianus in Severo: *ὁ δὲ Σεβήριος καὶ πρὸς τὴν συγκλητὴν τὰ αὐτὰ ἀνεγκων, ὡς ἂν μᾶλλον αὐτὸν εἰς πίσιν ὑπαγάγοι, νομίσματα δὲ αὐτῷ κατὰ αἰσθησέει, καὶ ἀνδρῶντων ἀναστάσει, τῆς τε ψοπῆς, καὶ λαῖς τὴν νομίσαν χάριν ὀφειλόμενος*. Et ita quidem, ut causa decernendi in ipso nummo nōnunquam notis literisque exprimeretur, veluti in Augusti: *Ob civis servatos. Quod per eum respublica in ampliore atque tranquilliore statu est. Quod via munita sunt.* &c. Sed cūdebatur Senatus iussu æreus tantū numus, ut ex Dionis loco supra allato videre est, ubi omnem Gaii nummum, æneum tantum, conflatum Senatus iussu refert.

S. C.

Græci numi.

Aurei & Ar-
gentei.

Electrei.

Cuius rei certissimum argumentum est, quod omnibus ferè æneis, quocunq; æris genere flatis, nota S. C. impressa cernitur: idque in omnibus Latinis nūmis (in Græcis enim nūmis apud eas provincias cufis, quæ per præfides regerentur, idem non apparet) ad id usque temporis, quo per triginta Tyrannos respublica miserandum in modum lacerata fuit, deinceps verò Senatus auctoritas paulatim evilesceere cœpit, constanter servatum observare licet: quas tamen notas in nullo aureo argenteove numo adhuc videre mihi licuit. Nimirum quia aureos argenteosque ipsi Imperatores suo arbitrio in aulicis & palatinis monetis cudebant, & (ut auctor quidam vetustus sed Anonymus, Notitiæ Imperii subiectus, loquitur) *potentia Regalis pro licentia spectem suam in auro tantum argenteoque signavit: qua pro reverentia figura nullis usibus proficiens ad honorem regium sacrata permansit.* De auro primum fidem facit Plinius Lib. xxxiii. cap. iiii. ubi de aureo numo loquitur; *paulatim* (inquit) *principes imminuere pondus aureorum; minutissimè Nero* (ita corrigentibus adfentior) *ad XLV. M.* Et Papinius in epitaphio Hetrusci, qui quæstor fuerat Domitiani:

Quod domuum celsis niteat laquearibus aurum:

Quæ Divum in vultu signi formanda liquecat

Massæ, quid Ausonia scriptum crepet igne moneta.

De argento fidem facit Suetonius in Octavio: *Tantum mox fiduciam fatis Augustus habuit, ut thema suum vulgaverit, numumque argenteum nota sideris Capricorni, quo natus est, percussisset.* Et Philostratus de Apollonio lib. i. drachmæ argenteæ à Tiberio signatæ meminit. Addo & electreos à principibus signatos, quippe auro argentoque remixtos. Lampridius in Alexandro: *Alexandri habitu numos plurimos figuravit, & quidem electreos*

Electreos


Et reos aliquantos, sed plurimos tamen aureos. Hoc loco nescio an non Traianum excipiam, cuius etiam in aureis & argenteis, etiam qui denariis maiores, semper ferè *Traiani Imp.* hæc inscriptio visitur, *S. P. Q. R. optimo Principi.* Quod ex singulari eius principis modestia factum credibile est; qua etiam statuas & honores deprecatum legimus, quam tantopere Plinius Secundus in Panegyrico deprædicat. Tandem verò oppressa penitus per Principes republica, Senatusque auctoritate veluti capite deminutâ, factum est; ut omne nûmi genus etiam æneum quodvis à Principibus ipsis cuderetur. Et hinc est, quod in posteriorum Principum, circa Constantini tempora, nummis æneis nunquam amplius S. C. nota illa pristina cernatur: Sed aliæ potius, locum significantes monetæ Palatinæ, ubi cusi essent: veluti: PTR. & P. TRE. & T. & TR. & TRS. & TR. P. S. quæ *pecuniam Treueris signatam* innuunt: Quippe cum & Libellus Digniratum (qui sub posterioribus Imperatoribus confectus videtur) *Procuratoris Monetæ Trevirorum* meminerit, & in lapidibus quoque *in Trevirorum monetæ Triveri* a mentio inveniatur. Eadem ratione qua & P. L. V. G. *pecuniam Lugdunensem*, & A. Q. P. S. *Aquilæ pecuniam signatam* in eiusdem generis nummis denotat, & sic de reliquis.

Et hæc cum ita sint (ut ad rem redeam) nullus equidem dubito, quin omne illud genus aureorum, argenteorum, æneorum, numorum monetæ & pecuniæ usu vulgo fungeretur: & quidem eo magis, quo magis ad honorandum principem, resve gestas famæ & posteritati consecrandas factum esset: quippe cum non alia melius ratione in manus & ora hominum pervenire posset, quam per commerciorum & quotidiani usus libertinam facultatem. Quod ne longius repetamus,

tamus, satis intellexit vel Rex ille Italiae Theodericus, Gothus licet & qualiscunque Romanorum imitator, cum apud Cassiodorum in formula Comitum Sacrarum largitionum lib. v. l. cap. v. l. l. ita scribit: *Supplicum fortunas per te erigimus: Kalendis Ianuarius affatim dona largimur, & letitia publica militia tua est. Verum, hac liberalitatem nostram alio decoras obsequio, ut figura vultus nostri metallis usualibus imprimatur, monetaeque facis de nostris temporibus futura secula commonere. o magna inventa prudentum! o laudabilia instituta maiorum! ut & imago principum subiectos videretur persuadere per commercium, quorum consilia invigilare non desinunt pro salute cunctorum.* Idemque libro vii. cap. xxxii. *Moneta debet integritas quari, ubi & vultus noster imprimitur. Quidnam erit tutum, si in nostra peccetur effigie? Si mundum, quod ad formam nostra securitatis adducitur. Claritas regia nihil admittit infestum. Nam si vultus cuiuslibet sincero colore depingitur, multo iustius metallorum puritate principalis gratia custoditur.* Auctor ille anonymus, Philosophus tamen, in opusculo quodam ad Honorium & Arcadium Impp. (ut videtur) scripto, & notitiae Imperii subiecto: *Sequentior aetas aeris redundante materia, quam publicus iam recusabat mœnium ornatus, diuturni ut prior monumenta mendicata, as validum ipso pondere pretiosius figuravit: cuius species pro qualitate (ut diximus) ponderis diuturnior fuit. Sed potentia regalis pro licentia speciem suam tantum in auro argentoque signavit: qua pro reverentia figura nullis usibus proficiens, ad honorem regium sacrata permansit. Aeris autem materia, quae iam praecopia vilior erat, ad dona militaria & varia populorum commercia signabatur.*

Solidi.

Extra dubium itaque habeo, aureos veterum Imperatorum nummos, illos ipsos (quorum toties in nostro iure mentio) Solidos fuisse.



Argenteos verò , denarios , quinariosque , & libellas
sempellasseque tam certò fuisse ; quàm consulares ar- *Donarii*
genteolos, fuisse illos ipsos Bigatos & Victoriatos quo-
rum Plinius meminit, & Serratos , quorum Tacitus,
dubitari non potest.



Maiores verò aureos argenteosque pro ponderis sui
ratione ad tertiarium rationem redactos computa-
tosque fuisse.

Ad æreos autem quod attinet , quos Auctor
ille *pondere ipso pretiosiores* eleganter & verè scribit :
(quis enim nō videt, decem asses , vel quinque dupon-
dios ab unius denarii argentei pretio , si metallum so-
lum æstimemus, longè abesse) observavi tria eorum es-
se genera, quæ frequentius occurrant. Vnum ex ære
cyprio flatum, non spissum valde, & tale, ut omnes
prope eius generis nummi in magnitudine & ponde-
re probè inter se conveniant, nisi quatenus unus magis
altero terræ (in qua tot seculis deliruit) acrimoniâ &
ærugine erosus & tenuatus esse potest: eos Asses fuisse *Asses*
mox docebo.



Trientes.

Raróque illo genere minores ex ære hac ætate invenire contingit; quamvis olim & semisses trientesque & quadrantes, & alia id genus rauduscula minima etiam uncialia & semiuncialia ex ære cusa essent: & quædam adhuc eiusmodi rauduscula, sed paucissima, etiam antiquorum principum visantur. Credo quod propter exiguitatem suam temporis & terræ iniuriâ vel maxima ex parte consumpta & penitus exesa sint.

Dupondii.

Alterum est genus magnitudine non magnopere ab illo differens, sed duplo crassius, pondere fere duplo, & ære (nō cupro) flavo constans: in quo & ætergo, ferè ut in priori assium genere, singularia plerumque sigilla impressa videre est. Eos ego dupondios fuisse duosque asses valuisse affirmo.



Et si quod inter hæc duo genera medium invenitur, eos sesquialles fuisse crediderim, quorum quidem mentionem

tionem facit Didymus apud Priscianum. Tertium denique his maius & amplius, & inter eos nummos qui à Senatu cusi, notamque S. C. impressam habent, omnium maximum, figuris etiam plerunque insignioribus, variisq; complurium personarum notis insignitum est, ære & ipsum meliore flavoq; constans: quod sesterrios fuisse assevero, non tam mea coniectura ductus, quàm insigni Plinii loco, quo hæc modò dicta omnia comprobantur, lib. xxx v. cap. i i. ubi de ære agit: *summa gloria (inquit) æris nunc in Marianum conversa, quod & Cordubense dicitur. Hoc à Liviano Cadmiam maxime sorbet, & aurichalki bonitatem imitatur in sesterriis dupondariisq;, Cyprio suo assibus contentis.* Vnde perspicuum est, errare etiam eos, qui sesterrios sub principibus tantum argenteos fuisse scribunt. Cum non tantum Vespasiani temporibus ex ære Mariano cusos Plinius modo dixerit: ex quo genere est iste, & alio loco à nobis exhibitus.

Sesterrii.



Sed visantur plurimi ex ære Corinthio, optimo illo & (ut cum Prudentio loquar) aurulento efficti, quod metallum (ut Tullius i i. Tusculanarū ait) tardius æruginem contrahit, seu propter sui bonitatem, seu ob quantamcunque auri portionem remixtam. Quam adeò ob causam, quod legimus, *sesterrii pretium tandem crevisse ad quatuor asses*, cuius rei etiam vestigium extat

Aur Corinthium.

B 2 in l.

in l. ult. C. de donat. id ipsum existimare quis possit, etiam ad æneos illos sestertios vel maxime pertinuisse; cum quidem non posset non eius metalli bonitas cæterorum nûmorum pretium vincere. Eadem ratione qua Plutarchus in lib. de Pyth. orac. ubi de ære Corinthio differit, memorat fabrum quendam ærarium Corinthi cum in cistam multo auro repletam incidisset, metuentem ne palam hoc fieret, paulatim aurum abscidisse, & æri sensim permiscuisse; idque mirabili cõtemperatum modo colorem pulcrum fuisse adeptum, magnoque idcirco pretio venditum. Et sestertios magnos satis amplosque fuisse; argumento potest esse Iuvenalis locus; nulli pondus & magnitudinem mirantibus, Satyra I v. — *nullum sex millibus emit*

Aequantem sanè paribus sestertia libris.

Et hinc nimirum factum est; cum sestertiorum illi nummi omnium ut maxime insignes, ita in usu frequentissimi essent, vt tota olim apud populum Romanum calculi ratio in omnibus publicis privatisque negotiis non ad aliam quàm sestertiarum rationem plerunque semper revocaretur.

*Medaglioni
Medasillons.*

Neque hoc loco dissimulandum est, esse etiam æneorum nummorum genus, prægrande illud & solito maius ponderosiusque (Metalliones vulgo vocant) & plerunque res notabiliores insignioresque insculptas habens, non tantum apud provincias Græcas vel Asiaticas, sed etiam urbem Romam in Cæsarum honorem proculsum, in quo nunquam S. C. nota visatur. quo vno argumento statim extraordinarios agnoscas, ubi videris.

Prorfus



Prorsus ut (si quid coniecturâ assequi valeamus) non tam ad quotidianum pecuniæ usum , quàm eo potius effectum eusumque ab ipsis Principibus videatur , ut congiarii loco populo distribueretur , pro donatio militibus ducibusque præberetur , vel in theatro circoue aut in triumphalibus pompis missilium vice per φιλοτιμίαι (vti Harmenopulus ait) spargeretur ; aut aliàs propinquis , amicis , senatoribus , equitibus , pro strenis aut apophoretis , quavis denique causa donaretur : neque eo minus tamen , si usus ferret , publicè expen-

di pro ponderis ratione & valore, quaternis puta senisve aut octonis assibus, & sic quintussium, octussium, decussium aut centussium vicem fungi posset. Cum præsertim nefas esset vllum nummi genus, imagine Principis signatum, in commerciis recusare.

Neque etiam hoc negaverò, fuisse semper quoddam nummorum genus, quod non tam in promiscuo pecuniæ usu versaretur, quàm potius ob raritatem aliquam vel memoriam asservaretur, neque faciliè expenderetur: adeò ut etiam in eodem genere constitui u-

Numismata non monetaba. sum fructum posse Pomponius I C. scribat. l. xxviii. D. de usufr: *Numismatum aureorum vel argenteorum veterum, quibus pro gemmis uti solent, usufructus legari potest.* Eorumque numismatum meminit & l. i x. §. i v. D. ad exhibend. l. x x v i i. §. i v. D. de auro argent. leg. Et Plinius lib. x x x i i i. cap. i i i. *Qui nunc Victoriatus appellatur, inquit, lege Clodia percussus est: antea enim hic numus ex Illyrico advectus mercis loco habebatur.* & Volusius Mærianus I C. in lib. de Asse: *Peregrinus (inquit) nummus loco mercis, ut nunc tetradrachmum & drachma habebatur.* Ex quibus tamen omnibus locis apparet, ea numismata peregrini & exotici generis magis quàm Romani fuisse; Daricos puta, Philippeos, Atticos, idque genus alios. Sanè sub posterioribus Principibus non omnem nummum in publico usu fuisse, manifestè apparet ex l. i. C. Th. si quis pecun. confl. & l. 2. ubi ita statuunt Arcadius & Honorius Imp: *Centenarialem tantum nummum in conversatione publica tractari precipimus, maioris pecuniafiguratione submota. Nullus igitur Decargyrum nummum aliò audeat commutare, sciens fisco eandem pecuniam vindicandam, que in publica potuerit conversatione deprehendi. Quæ verò hæc nummorum genera fuerint, nondū mihi satis liquet.*

DEFINITIO MONETÆ EXPO- SITA.

CAPVT II.

PLacet definitio monetæ apud Paulum L. i. D. de contr. emt. *Materia forma publica percussa, usum dominiumque ex quantitate magis præbens, quam substantia.* Forma publica est, quæ imposita à Triumviris æri, argento, auro flando, feriundo; aliisve magistratibus monetælibus iam inde Lege x. i. i. Tabularum creatis: *Minores magistratus æs, argentum, aurum, publicè signant.* aut postquam maiestas imperiumque à populo in principem translata est, à principe ipso, quæ auctoritatem nummo tribuit: nam privata forma quæ est, adulterinam esse necesse est. Denique forma publica est iconium publicum, quod habetur & exercetur in officina monetæque publica vel palatina. l. v. i. §. qui cum in moneta. D. ad leg. Iul. pecul. nam & ipsa officina sive *ἀργυροκοπέον* vocatur Moneta ibi, & in l. i. i. C. de fal. monet. l. i. i. i. & v. i. C. Th. eod. Macrobius. 2. in som. Scipio. *semen locari intra formandi hominis monetam.* quamvis Moneta propriè sit ipse character & sphragisterium, iconium (vt Suetonius vocat) quo nummus insignitur, ceu sigillo annuloque bulla. Harmenopulus: *Μονῆτα καλεῖται τὸ ἀρχέτυπον σφραγιστήριον ἢ βελωτήριον, μετ' ὧν ὁ τ' ἐκμύων τύπεται. Διαχωρίζεται.* Tota enim monetæ faciendæ ratio hæc est, ut primò ipsum metallum ignibus excoctum & temperatum (*flare* id vocamus, Plinius *proflare*) præparetur: deinde in lamellas æquales concidatur, quæ *κέρματα* dicuntur: tum denique iconio & typario cudatur, feriatur, percutiatur & signetur. Quæ omnia eleganter, licet non suo ordine, expressit Lucanus:

Primus

*Primus Theſſalica rector telluris Ionos
In formam calida percussit pondera massa,
Fudit & argentum flammis, aurumque moneta
Fregit, & immensis coxit fornacibus ara.*

Quinimo etiam pleraque vetera numismata, ærea præsertim illa magna & extantia (quæ *Medallas* & *Medalliones* vulgò vocant) primum quidem liquefacto metallo typis formisque infusa & rudius formata, deinde demum incudi reddita, & iconio ferreo sive chalybeo incuso & adacto signata, nec aliter tam crassa & extantia ita accuratè excudi potuisse ab artificibus didici: quamvis & hi obscuram sibi illam rem, & inimitabilem veterum ea in parte solertiam esse fateantur. Idque illis verbis significatur, *Flando, feriundo*, quæ in ipsis etiam antiquis nummis his literis expressæ visuntur A. A. A. F. F. Quod non ita probe in adulterinis servatum fuisse animadvertere licet. Adulterinorum enim (ut & de his aliquid addam) etiam olim nimium quam multum passim subinde irrepebat nummorum: adeo ut vel hodie plurimi falsi & mendosi etiam inter antiquæ notæ argenteos aureosque nummos inveniuntur, qui cum bracteati extrinsecus speciem aliquam præ se ferant, intus tamen ærei & sic suppositicii deprehendantur; ut artis non exiguæ esset eos posse discernere. Plinius lib. xxxiii. cap. ix. *Miscetur as falsa moneta. Alii è pondere subtrahunt, cum iustum sit lxxxiv. è libris signari. Igitur ars facta denarios probare. Mirumque in hac artium sola vitia discuntur; & ut falsum denarii spectetur exemplar, pluribus veris denariis adulterinus emitur.* Et hinc tam frequens Adulterinorum nummorum in iure & alibi mentio. L. xiii. C. Th. de susceptor. præpos. *non solidi, pro quibus adulterini sæpe subduntur.* Hi non materia tantum deteriores erant probis,

probis, quippe ea ipsa re compendium falsarijs illis
 quærentibus: sed nec forma tam bona, cum plerique
 flarentur tantum & funderentur ad imitationem
 verorum, non etiam ferirentur, forte quod iconium &
 forma falsarijs deesset. Vlpianus L. i x. D. ad Leg.
 Cornel. de fals. *qui argenteos nummos adulterinos flaverit.*
 Idem *ingere* vocat hoc quod dico L. v i i i. eod. Imp.
 Constantinus L. i i. C. de falsa mon. *Si quis nummos
 falsa fusione formauerit.* Licet nonnulli & percuterent:
 L. x i x. D. eod: *Qui falsam monetam percusserint, si in
 totum formare noluerunt, suffragio iuste pœnitentia absol-
 vuntur.* Ideoq; olim in cautionibus plerûq; addebatur,
ut probi numi solvantur, qui non sint subæratî, in quibus
 nulla sit lacuna, nulla deminutio iusti ponderis, vt L.
 lecta. D. de reb. credit. *probam pecuniam reddi.* L. Titius.
 D. de constit. pecun. & in formula fœderis Antiochi
 Regis apud Liuium x x x v i i i. *Argenti probi Attici,
 talenta duodecim millia dato.* & sæpe apud Demosthe-
 nem in syngraphis: *ἡποδευῶν τὸ ἀργύρεον δοκιμὸν.* Plus
 addebatur in manumissione sacrorû causa auctore Fe-
 sto; *Puri, probi, profani, sui*: quia nec solutio pecuniæ
 impuræ vel reprobæ, vel sacræ vel alienæ liberat debi-
 torem.

Ea autem nummi forma, ex quo (vt dixi) in princi-
 pem omnis potestas translata est, vultum fere Princi-
 pis habet cum inscriptione; vt stante republica Con-
 sulum nomina, non tamen vultus, sed Romæ plerunq;
 galeatæ alteriusve pro arbitrio numinis. Idq; ita per-
 petuum est, vti non alio melius è re nata argumento
 Phariseorum rebelles Romanis animos damnare Do-
 minus potuerit, quàm ex ipso denario censui debito,
 habente Tiberii Cæsaris *εἰκόνα καὶ ὀνόματι.* Pru-
 dentius.

*En Caesar agnoscit suum
Nemisma nummis inditum,
Cui nummus omnis scribitur.*

Vnde Iuuenalis Satyr. 14. monetam ita definit.

Concisum argentum in titulos faciesque minutas
& Satyra VIII. *lance beata*

Dacicus aut scripto radiat Germanicus auro.

Quantitas ea est, quam paulo ante dixit æqualitate sua, quod publicam ac perpetuam æstimationem habet, difficultatibus permutationum subuenire. Quia rerum nimirum omnium incerta, fluxa & variabilis est æstimatio, ut Plato inquit: τὰς μὲν χρείας ὅποι τις ἐκ γῆ-
ρῳ καὶ νόμῳ καὶ ἡδοναῖς καὶ ἔστι καὶ τύχῃς ἀνὰ καὶ κἄτω εἰς
τὴν ἡμετέραν καὶ ἀπὸ τῆς μεταβαλλόμενης. Nummi perpetua
& certa est æstimatio, ut ait Vlp. in l. 3. D. de in lit. iuran.
adeo ut omnibus rebus vernalibus possit adequari semper commodissimè: omnes enim res pecunia æstimantur. L. pen. C. de constit. pecun. Ideo nummum vsum dominumque ex quantitate ait præbere magis quam ex substantia. In nummis & pecunia non corpora spectantur, sed valor & potestas: ut pecunia valeat & censeatur non lamella, sed æstimatio & indicatura. l. 1. §. non solum D. ad leg. Falcid. l. 1. D. de contrah. empt. l. 29. & l. 94. D. de solut. Res cæteras ex substantia non quantitate, quia quantitas & valor earum perpetuus non est: sed (ut Tullius loquitur) precia earum sæpe iacent. Nummi precium est perpetuum, ut eiusdem ponderis nummi eodem semper valore censeantur, æqualitate quadam admirabili, etiam si diuersorum sint vultuum; ne Philippi (puta) pluris sint quam Antoniniani. L. 111. C. de veter. numism. potest. Theodos. nouel. xxv. de pret. solidi. Leo philos. Nouel. 111. si modo in pondere convenient, quod

quod solent. Hæc est illa æqualitas, quam etiam Barbaris fuisse admirabilem Plinius & Solinus scribit: *Stupuisse regem Taprobanes pecuniam, quæ cum liberto Annii Plocami capta fuerat, quod tamen si signata disparibus foret vultibus, parem tamen haberet modum ponderis*, (vel ut Plinius loquitur) *quod pares pondere denarii essent in captiva pecunia, cum diuersæ imagines indicarent à pluribus factos. Cuius æqualitatis contemplatione Romanam amicitiam flagrantius concupiuit*. Et quàm aliquando Nicephorus Phocas quod contra legem moremque maiorum violasset, tetartero excogitato, non parum subditis incommodasse scribitur: *Νόμος καὶ ἔθες*, inquit Cedrenus & Zonaras, *ὄνταν πάντα χαρρακτῆρα βασιλέως, εἰ μὴ τῷ εὐθιμῷ ἐλαττοῖτο, διωάμιν εἰσφέρειν καὶ ἔχῃ ἰσότημον, ὃ τ' ἐαυτῷ περὶ κεκρυμμένην ἐνομοθέτησεν, ὑποβιβάσας τὰς τ' ἄλλων. Εἰς ἧς αἰτίας & μικρῶς ἐθλίψε τὸ πῶς ἦσαν ἐν τοῖς λεγομένοις ἀλλαγαῖς*. Et hoc vult ipsa Monetæ effigies, quæ eadem plane figura pingitur qua Æquitas, cum bilance & cornu copiæ, in nummis Hadriani, Domitiani, Diocletiani, Constantis,



Et in nummis Probi & Crispi Imp. tres tales diuæ effictæ cernuntur, tria (vt puto) monetæ genera ex auro, argento, ære significantes, singulæ cum bilance & cornu Amalthææ: quorum hoc significat, nummo omnia esse parabilia; vt & Philemo comicus, *argentum esse cornu Amalthææ*: illa æqualitatem illam cudendæ mone-

ta; vt eiusdem generis & gradus numi eodem pondere ad amiffim cudantur; qui eiusdem ponderis sunt, eodem valore perpetuò cenfeantur.

LEGES NUMMARIÆ

ROMANORVM.

CAPVT III.

I.

TRIVMVIRI MONETALES AVRVM, ARGENTVM, ÆS PVBLICE SIGNANTO. Vetustiffima XII. Tabularum sanctio. Pomponius L. 2. D. de orig. iur. §. Eodem tempore: & triumviri monetales, aris, argenti, auri flatores. Qui his notis noti: III VIRI. A. A. A. F. F. Tullius epist. 13. lib. 7. Treuiros vites cenfeo: audio Capitales esse: mallet auro, argento, ære essent. Er hi quidem stante Republica magistratus monetales erant. Sub Principibus Procuratores monetæ vel Præpositi, qui sub cura Comitum sacrarum largitionum, & Monetarios magno numero sub se habebant, vt ex Codice, Noticia Imperii, Marcellino aliisque constat. Summa legis est, *Ne quis præter magistratus monetales monetam facere audeat.* Quisquis enim priuatus priuatim facit, falsam vel falso facit: adulter est monetæ, & vindex est Lex Cornelia Nummaria. L. 1. 2. 4. 5. 8. C. de falsa mon. Παρρηγοργιας vocat l. 8. C. Th. eod. graue crimen, quod etiam in legem Maiestatis incidit, vt ibi dicitur, & L. 7. C. Th. de indulg. crim. Quorum artes erant variæ. Alii enim falsa fusione faciebant, d. l. 2. & l. 3. C. Th. eod. quod est fingere nummos. l. 8. & 9. D. ad leg. Cornel. de fals. vbi flauerit est fuderit, vtique deteriores bonis, pro argenteis subæratos, vel stanneos aut plumbeos. l. 9. §. 1. D. eod. Alii etiam percutiebant, falso iconio

nio

nio confecto, vt l. 19. Eod. Alii tingebant, vt loquitur D.l. 8. id est deaurabant, inargentabant, vel aliqua arte colorem conciliabant: vnde *Tinctura* nomen (*Elisir* Arabes vocant) inter illos notum. Pœna autem falsariorum monetæ apud Ægyptios fuit manus amputatio, teste Diodoro Siculo lib. 2. & Græcos, teste Harmenopulo lib. 6. Tit. *πεὶ ἀφ' ὧν πινῶν. §. πεὶ μονήτας.* Basilic. lib. 60. Tit. *πεὶ χαρῶν.* Nouella 34. cap. 13. Logobardor. lege lib. 11. cap. 98. Witigothor. lib. 2. Tit. 5. lege 8. Caroli M. Capitul. Tit. De falsa monet.

I I.

MONETARII IPSI IVSTE SINCEREQUE NUMMOS FACIUNTO. Iustè, à metallo & pondere. Metalla sincerè administranto: *Auri flamma nulla iniuria permixtionis albescat: argenti color gratia candoris arrideat: æris rubor in nativa qualitate permaneat*, ait idem Cassiodor. lib. 7. epist. 32. Itaque peculatus tenebatur, qui in aurum, argentum, æs publicum quid inderet, immisceretue, aut fieri permetteret. L. 1. D. ad leg. Iul. de peculat. Ait, *Publicum*: quia ex priuato metallo nec in publica moneta impune pecunia cuditur. l. 6. 7. 9. C. Th. de falsa mone. Ponderis deinde ratio constet, qua potissimum moneta censetur. *Pondus quinetiam constitutum denariis precipimus debere seruari, qui olim tam pensò quàm numero vendebantur: unde verborum vocabula competenter ab origine trahens Compendium & dispendium pulchrè vocavit antiquitas*, ait idem Rex apud Cassiodor. Hoc est quod loquitur ipsa MONETÆ effigies, eadem planè figurâ qua Æquitas representata in ipsis nummis, cum bilance & cornucopiæ; quorum hoc significet, nummo omnia esse parabilia, illa æqualitatem cusionis, vt eiusdem generis & gradus nummi etiam sub diuersis Principibus (quam equalitatis curâ in

Romana pecunia Regi Taprobanes summæ admirationi fuisse, Plinius & Solinus scribunt) eodem pondere ad amussim eudatur, qui eiusdem ponderis sunt, eodem valore perpetuò censeantur. Id quod sequitur.

III.

NUMMORVM EIVSDEM GENERIS PROBORM OMNIVM IDEM PRECIVM ESTO, etiamsi diuersorum sint Principum. l. 3. C. de veter. numism. potest. etiamsi diuersa orbis figura aut mensura sint, modo pondus idem. l. vnica. C. Th. Si quis solidi circuli. exter. incider. Hac lege violata, & tetartero (quod vocabat) excogitato, male audiit Nicephorus Phocas, vt Zonaras & Cedrenus scribit: νόμος καὶ ἔθες ὄντες, πάντα χαρὰ κτήρα βασιλείας, εἰ μὴ τῷ σαρδμῶ ἑλαττοῦσι, δ' ἰσχυάμιν εἰσφέρειν καὶ ἐχθρὸν ἰσχυμον, ὃ τ' εἰαυτῷ περὶ ἐκείνου ἐνομοθετήσεν, ὑποβηθείσας τὸς τ' ἄλλων: ἐξ ἧς αἰτίας & μικρῶς ἐθάρψε τὸ ὑπόμνητον ἐν τοῖς ἀλλαγίαις.

IV.

NUMMOS LEGITIMOS REPROBARE NULLI FAS ESTO, sub pœna legis Corneliæ capitali. Paulus v. sentent. tit. 25. in princ. *vultuue Principum signatam monetam prater adulterinam reprobauerit.* Arrianus ad Epictetum lib. 3. τὸ ἑ καὶ οὐ νόμισμα οὐκ ἔστιν ἀποδοκίμασθαι τῷ τεραπειτῇ, ἐδὲ τῷ λαχανοπώλῃ: ἀλλ' ἂν δίσκῃς, θέλει ὡς θέλει περὶ αὐτῶν δίσκῃ τὸ αὐτ' αὐτῷ πωλέμενον. L. I. C. de veter. numism. potest. Id quod & multis Principum legibus repetitum est, Theodosii Nouella 25. de prec. solid. Maioriani nouel. i. §. praterea nullus. Iustiniani pragmatica sanct. ad Vigil. Pap. cap. 19. Leo Philosop. nouel. 52. Et tandem adeo Caroli M. Imp. lib. 3. Longobard. leg. Tit. 28. *Quicumq; liber homo denarium merum & bene pesantem recipere noluerit, bannum nostrum, id est, LX. Solidos componat &c.* Reprobos autem nummos recusa-

recusare fas est: qui etiam numerati non liberationem pariunt soluenti. L. eleganter. 24. §. 1. D. de pignerat. act. Imo deprehensi publicè abolebantur, conflabantur, concidebantur. Etymologici auctor: Διακέσθαι, εἶον ἀδοκίμασον ἐστὶ. Διέκεσθον γὰρ τὸ ἀδοκίμον νόμισμα οἱ παλαιοί.

V.

NUMISMA PVBLICE SIGNATVM NVLLVS VIOLATO. Non descalpendo, rodendo vel in orbem attondendo, quod est *radere*. L. 8. D. de falsis. & apud Paulum. d. Tit. 25. sentent. de quo est peculiaris Constantini Imp. lex C. Theod. lib. 9. Tit. 22. *qui mensuram circuli exterioris in solido inciderit & arroserit*. Id est *περίκοπτεω* Basilicis, & *παραψάλλειν*, qui id agunt: de quibus est Titulus lib. 60. Basilic. *πεὶ χαράκτων καὶ παραψάλλων*. Quo crimine infamem quendam Alexandrum Logothetam *ψαλίδιον* siue *Forciculam* à Byzantinis dictitatum Procopius lib. 3. de bello Goth. meminit: idemque grauissimè in publicam pecuniam tractantibus, si eius integritas deminuta sit, improbat Theodatus Rex apud Cassiodorum lib. 1. Epist. 10. Non purgando, siue argentum ab are separando. l. 6. C. Th. & falsa mon. qua re vitari & corrumpi monetam oportebat, quod totum genus iam inde Lege Cornelia severissime prohibitum fuisse supra exposuimus. Paulus d. loco: *Qui nummos adulteraverit, lauerit, conflauerit, raserit, corruperit, vitiauerit*. C. Theod. *Si quis pecunias conflauerit &c.* L. unica. C. de auri publ. prosecutor. *Censemus ne quis absque praecepto viri illustris Comitum sacrarum largitionum, coquendum aurum sumat &c.* Et ad finem eius legis, conseruationem nimirum monetæ Principum, pertinet etiam sequens.

V I.

NEQVE AD EXTEROS. MERCANDI CAUSA
TRANS-

TRANSFERTO. Neque enim frugibus, vino, oleo, liquamine Barbaros instruere licebat. l. 3. & 4. C. quæ res vendi non possunt. l. 1. C. quæ res export. non deb. Multo minus armis telisque & omni ferro. l. 2. C. eod. Minimè omnium auro & pecunia. l. 2. C. de commer. & mercatorib. Et commutare quidem cum illis certis temporibus merces speciesque fas erat. l. 4. C. eod. emere non item, pecunia pro mancipiis aliisque rebus data: multo minus pecuniam ad illos vendendam deferre, ultra quam ad sumptus itineris opus fit. l. 1. C. Theod. *Si quis pecunias confluat. vel mercandi causa trās-tulerit &c.* Nostri quoque imperii lege publica argentum & aurum infectum, sed & vasa argentea præterquam deaurata, item Ducati probi, aurumq; Rhenanum signatum exportari vetatur, sub eadem poena qua falsa pecunia. Comit. l. ix. §. 77. & 84. Deput. §. 31.

V I I.

PECVNIA CVM MORTVIS NE DEFODITOR. Quod est ex XII. Tabulis: *Neve aurum addito.* Quamuis non intermitterent simpliciores homines, & mulierculæ, ut apparet ex l. 14. §. impensa. D. de religio. l. ult. §. ult. D. de auro arg. leg. Ideo mandatis etiam Principalibus interdictum fuit, *Ne pecunia sepeliatur.* L. 4. §. non fit locus. D. ad leg. Iul. pecul. Et in Basilicis Titulus est lib. 45. *Ὅτι ἐστὶν αὐτῶν τὸν νόμον τὸν περὶ τῶν ἀποθανόντων.* Cassiodorus lib. 4. Epist. 34. *Ædificia tegant cineres; columna vel marmora ornent sepulchra: talenta non teneant, qui viuendi commercia reliquerunt. Ibidem-que ait, Culpa genus esse inuuliter in abditis relinquere mortuorum, unde se vita potest sustentare viuentium.*

25

PHILOSOPHI VE-
TERIS ANONYMI DE RE
monetaria monitio, ad THEODOSIVM
AVG. eiusque filios HONORIVM
& ARCADIUM CÆSS.

De inhibenda largitate.

BEllicam laudem & gloriam
triumphorum utilitas semper
imitatur * ararij, ne profusa * f. comita-
largitio semina magis excitet
præliorum. Quæ si providen-
tia Maiestatis imperatorie reprimatur,
non amplius bellorum florebit improbitas,
sed collatorum potius defecta subsidia recre-
abuntur. Quod si largitio immoderata ser-
uanda profuderit, opus delectabilitas * nul- * f. defecti-
lo vetustatis more poterit iam necessitati-
bilis.
bus subuenire. Quamobrem patrum nobis
est paulisper providentia referenda, quam
in rebus egenis habuerint, vel quæ nunc in
tanta facultatum licentia videatur. Re-
ctores superioris vite non otiosis opibus, sed

D

condendis potius mœnibus letabantur, in quorum decorem vniuersam auri argētīq; materiam conferebant. Aëris quoq; copiam in simulacris propriis ad virtutis suae testimonia figurabant. Ut verò emendi & vendendi utilitas, & ut facultas regia largitati suppeteret, in aëris usum ex culta politius terram & igne solidatam, certis quoq; expressionibus figuratam, auro argentoq; reposito usui habuerunt. Sed posteriores fastidientes priscae vilitatis inuentum, formatos è coriis orbes auro modico signauerunt, quibus Regum munificentia, & commutationum necessitas intactis collatoribus utebatur. Sequentior verò atas aëris redundante materia, quam publicus iam mœnium recusabat ornatus, diuturna ut prior monumenta meditata, & validum ipso pōdere preciosius figurauit: cuius species pro qualitate (ut diximus) ponderis diuturnior fuit. Sed potentia regalis pro licentia speciem suam tantum in auro argentoq; signauit: quae pro reuerentia figura nullis usibus proficiens, ad honorem regium sacrata permansit. Aëris autem

materia

materia, quæ iam præ copia vilior erat, ad dona militaria & varia populorum commercia signabatur. Constantini temporibus profusa largitio aurum pro ære, quod antea magni precij habebatur, vilibus cōmerciis assignavit. Sed huius auaritiæ origo hinc creditur emanasse. Cum enim antiquitus aurum argentumq; & lapidum, pretiosorum magna vis in templis reposita, ad publicum peruenisset, cunctorum dandi habendiq; cupiditates accendit. Et cum æris ipsius, quod Regum (ut diximus) fuerat vultu signatum, enormis jam & gravis erogatio videretur; nihilominus tamen à cecitate quadam, ex auro quod preciosius habetur, profusior erogandi diligentia fuit. Ex hac auri copia privata potentium repleta domus, in perniciem pauperum clariores effecta, tenuioribus videlicet violentia oppressis. Sed afflicta paupertas, in varios scelerum conatus accensa, nullam reuerentiã juris aut pietatis affectum præ oculis habens, vindictam suam malis artibus commendavit. Nam sæpe gravissimis damnis

affecit imperia, populando agros, quietem latrociniis persequendo, inflammando odia, & per gradus criminum fouit Tyrannos, quos ad gloriam virtutis tue produxit magis quam succendit audacia. Erit igitur cura prudentia tua, optime Imperator, repressa largitate & collatori prospicere, & in posterum nominis tui gloriam propagare. Denique paulisper felicium temporum reuolue memoriã, & antiqua paupertatis famosa regna considera; qua agros colere, & abstinere opibus norant, qua hac honoris laude per omne æuum frugalitas incorrupta commendet. Certè Aurea nuncupamus, qua aurum penitus non habebant.


De fraude & correctione

Monetæ.

INter damna reipublice non ferenda, solidorum figura aliquantorum fraudibus deprauata diuersa populos ratione sollicitat, & regie Maiestatis imaginem, dum per moneta culpam refutatur, imminuit.

Emendat.

* f. comm. c. ij.



NOTA

NOTÆ.

Condendis mœnibus) Obseruatu dignum est, vrbis Romæ mœnia mirabili magnificentia fuisse; & cæteris omnium vrbium nimio præstantiora: quippe in quorū (vt hic dicitur) decorem vniuersam auri argentique & æris materiam conferebant. *Dignitas publicorum mœnium vrbis æternæ* dicitur in L. 3. C. Th. de calc. coctor. vrb. Rom. *Pulchra mœnia* dicit Prudentius lib. 1, in Symmach. Symmachus ipse lib. x. epist. 34. ad Impp. hosce Theodos. & Arcad. *iuste inquisitionis, qua me cultum spoliatorum mœnium inuestigare iussistis*, Cassiodorus iii. Variar. epist. 21. scribit, *nullibi tantam mœnium pulchritudinem reperiri posse*. Idē epist. 29. ait, *multa in ea vrbe decora mœnium esse*. Et lib. vii. cap. 17. *mirabilem syluam mœnium Romanorum* prædicat: vbi Syluam accipere videtur pro columnarum multitudine, quomodo Sidonius in Burgo Leontij: *arctatis stat saxeæ syluæ columnis*. Idē Cassiodorus in fine Chronici refert, Theodericum regem Gothorum cū Romam aduenisset, *admirandis mœnibus* deputasse per annos singulos maximam pecuniæ quantitatem. Apud eundem Variar. iii. Epist. 31. Theodericus Rex iubet diligenter inquiri in fures, qui *as & plumbum de ornatu mœnium Romæ sustulerant, quæ auctores suos sæculis consecrarant*. Hisce accedat iste Philosophi locus, & quod mox dicit: *æris redundante materia, quam publicus iam mœnium recusabat ornatus*.

Simulachris propriis) Quo nomine Ammian. Marcellinus lib. xiiii. reprehendit Romanos sui sæculi, quod ardentem affectarent statuas, æternitati se posse

posse
quit)
conscie
tiam
mo, v
platei
rum p
parem
adeo
præfe
For
Rom
ses, v
cron
lienun
forma
quod
deple
Eufel
terni
num
Imper
netæig
sa ad
cidia
veriff
stant
incre
lanu
erat,
quoc
Com

posse commendari æstimantes; *quasi plus premii* (inquit) *exfigmentis æreis sensu carentibus adepturi, quàm ex conscientia honeste recteque factorum.* In quam sententiam est & Symmachi epistola 105. lib. 1x. Quinimo, ut scribit Cassiodorus VII. Variar. c. 13. Romæ in plateis erat quidam velut *populus copiosissimus statuarum preciosarum.* Et 14. *Tot ibi statuas fuisse, ut posteritas parem populum arte dederit, quàm natura procreauerit.* adedò ut peculiare ad eas seruandas custodes, & eis præfectus Comes, fuerint deputati.

Formatos è coriis orbes) Numa Pompilius populo Romano pro congiario dedit ligneos & scorteos asces, ut Eusebius in Chronicis scribit, interprete Hieronymo. Seneca lib. v. de Benefic. cap. 14. *Aes alienum habere dicitur, & qui aureos debet, & qui corum forma publica percussum, quale apud Lacedæmonios fuit, quod usum numeratæ pecuniæ præstat.*

Auri argentiq; in templis) Idipsum in Constantino deplorat Zosimus; Eunapius, Libanius; gratulatur Eusebius. Vnicè huc facit locus Iul. Firmici Martini, in lib. De errorib. profan. relig. ad Constantinum & Constantem: *Tollite, tollite securi, sacratissimi Imperatores, ornamenta templorum. Deos istos aut Moneta ignis, aut metallorum coquat flamma. Donaria uniuersa ad utilitatem vestram dominiumq; transferte. Post excidia templorum in manus Dei estis virtute pronecti.* Et verissimum est; quod hic Auctor scribit; post Constantinum Imp. auri usum magis quàm prius vnquam increbuisse. Nascentis Romæ tempore Saturnus & Ianus æneam pecuniam signauerant, æs graue in usu erat, per æs & libram omnia gerebantur; multæ quoque aut in pecudibus aut in ære dicebantur. Sub Consulibus & Cæsaribus argentum potissimum tenebatur,

rebatur, festeriaria calculi ratio & denariaria in vfu: victis quoque gentibus (vt Plinius annotat) in tributo argentum imperabatur, ficuti Carthagini victę & Iudęę. At fub pofterioribus principibus illis Chriftianis aureorum & folidorum & obryzatorum perpetua mentio crepat, omnia ad aurariam rationem redacta, tum tributa & illationes in auro, aurum coronarium: multę adeo per pondo & libras auri infligebantur. Et cum veterum Cęfarum aurei per pauci appareant, horum frequentiffimi inueniuntur. Quin & in pofterioribus Gręcorum hiftoriis fubinde legimus, aurum per centenarios dimenfum & numeratum. Planę Lucretij illud dicas:

Nunciacet as, aurum in fummum fucceffit honorem.

Repreffa largitate) Eo fanę nomine huncce Theodofiu laudat Panegyriſtes Latin. Pacatus: *At te voluiffi incipere cenfuram, & impendia palatina minuendo, nec folum abundantem reiiciendo fumptum, fed vix neceffarium vſurpando dimenfum, quod natura difficillimum eſt, emendaffi volentes. An quis ferret moleſtę, ad Principis ſemet modum coerceri? aut fubtractum ſibi doteret de priuata luxuria? cum videret Imperatorem rerum potentem, terrarum hominumque dominum, parcę contentęque viuentem, modico & caſtrenſi cibo ieiunia longa folantem: ad hoc aula omnem Spartanis gymnafiis duriozem, laboris, patientica, frugalitatis exemplis abundantem.*

Per moneta culpam refutatur) Hoc eſt quod Theodofius & Valentinianus Impp. queruntur Nouella xxv. *Frequens ad nos, Quirites, temerarii auſus querela peruenit, vt in parentum noſtrorum contumeliam, inſigniti ſolidi eorum nominibus ab omni emptore recuſentur: quod diu impunitum eſſe non patimur. Hoc ergo edicto agnoſcat*

vni-

uniuersitas capitale manere supplicium, si quisquam vel domini patris mei Theodosii, vel superiorum Principum solidum aureum integri ponderis refutandum esse crediderit, vel pretio minori taxauerit. Quod pertinet & L. vlt. C. de veter. numism. potest. Ait, per monetæ culpam, dum nimirum vendentes in nummis nescio quid subinde causantur. Quam morositatem eleganter depingit Plautus in Querulo: Quid tam simile, quam solidus solido? Tamen etiam distantia queritur in auro, vultus, ætas, & color, nobilitas, literatura, patria, & grauitas ad scripizulos queritur in auro plus quàm in homine.

Ementis solidum) id est, accipientis, siue is nummularius aut campfor sit, siue alius quiscunq; in foro vernalium. *Vendere* enim nummum dicitur, qui erogat; *emere*, qui accipit. Vlpianus in L. ix. §. i. D. ad Leg. Corn. de fals. *Ne quis nummos stanneos, plumbeos emere vendere dolo malo vellet.* Cod. Th. lib. ix. Tit. xxii. *Omnes solidi vno precio æstimandi sunt atque vendendi, quamquàm diuersa forma sit.* Et ibidem: *vel figuratum solidum ad altera imitatione in vendendo subiecerit.* Cassiodorus vii. Variar. 32. *Pondus etiam denarius præcipimus seruari, qui olim tam penso quàm numero vendebantur.* Hinc argentarij, qui omne genus monetæ repræsentare possent, *venditores pecunie* dicuntur. Symmachus lib. x. epist. 42. *Vendendis solidis, quos plerumque publicus usus exposcit, collectariorum corpus obnoxium est.* Nouella Theodosij xxv. *Ne vnquam intra septem millia nummorum solidus distrahatur, emptus à collectario septem millibus ducentis.* Vt Græcis νομισματοπωλῆς apud Antiphonem, & νομισματοπωλική apud Platonem, idem quod ἀργυρομοιβή & ἀργυρομοιβική, cuius est κατὰ δόξαν καὶ κατὰ κερματίζεν τὰ νομίσματα, iuxta Pollucem. Quod in

Theophane saepe occurrens. totidem locis interpres Historiæ Miscellæ vertit, *Venditores pecuniæ.*

Opifices moneta) Cælatores, fusores, malleatores. *Aurifices specierum, aurifices solidorum, sculptores*, L. VII. & ibi inserta noticia. C. de Palatin. sacrar. largit. Quorum totum corpus & schola erat, Procuratoribus & Rationalibus subditum, hominum genus cum liberis & vxoribus huic soli ministerio addictum & obnoxium. L. f. VII. XII. C. de murileg. monetar. Et ab aliis dignitatibus remotum. L. VI. C. de dignitat. Eorumque tantus numerus & factio erat, vt Aureliano Imper. procuratore suo Felicissimo interfecto, aduersus Principem se extulerint, vnde graue bellum motum quod vix extinguere potuit, Vopisco, Eutropio, Victore, Suida auctoribus.

Commixtionis) non tantum sequioris metalli cum auro vel argento, sed etiam priuati metalli cum publico: qua in re olim non minus quam hodie à cupidis hominibus lucrum per fraudem quæsitum, patet ex L. VI. & VII. C. Th. de fal. mone.



35

DE RE MONETA- RIA GERMANICI IMPERII,

LIBER SECVNDVS.

DE ROM. REIPVBL. DECLINANTIS
MONETA: NOMINATIM DE
BYZANTINIS.

CAPVT I.

DE VETERIS Imperii re monetaria diximus, dum apud Romanos rerum dominos gentemque togatam illud stetit: quod argumentum antea multis tractatum, & in antiquis scriptoribus multum adminiculi habet. Nunc de mutato Imperio, & ad Germanos translato aliquid adiciamus; in quo nummaria res densis tenebris inuoluta, nec aliquid ferè lucis aut subsidii nobis appareat. Dabimus tamen quod possumus.

Romæ imperio declinante, & barbaris nationibus, Gothis, Longobardis, Francis inualescentibus, quando Imperatores apud Nouam Romam residentes, & Exarchos suos apud Rauennam habentes, aliquatenus saltem in speciem in Occidente recognoscebantur (nā per annos illorum imperii & Indictiones tēpora computare ipsa Roma solebat) eorum etiam moneta apud Byzantium cusa, aurea præsertim, per Occidentis provincias, Italiam dico, Galliam & Germaniam frequens

vsurpabatur. *Byzantios & Byzantinos* dixerunt: de quibus mox plura dicam, vbi prius eorum figuram exposuero.

Romani enim Principes vt in cudenda moneta non minimam maiestatis suæ partem posuerunt, eiq; gloriæ suæ monumenta summo studio & ambitione impresserunt; ita postquam Christo Domino nomina dederunt, omissis prioribus illis è gentilitate petitis figurarum characteribus, religionem veram etiam nummis consecrare voluerunt. Constantinus M. ad fidem veram conuersus, Crucis signum vt labaro, clypeoque & galear suæ, ita etiam nummis insculpsit, Eusebio & Sozomeno auctoribus: quod institutum posteritas eius sequuta constanti deuotione seruauit, & diuersis modis expresse, vt apud Lipsium lib. III. de Cruce cap. 15. & seqq. & Anton. Augustinum Dial. 1. Tab. 6. 7. videre est. Postea ipsum etiam Dominum apposuerunt, modò Imperatori ad latus, & diadema ei sua manu imponentem, ad exprinendum scilicet titulum illum, *Θεοῦ υἱός, à Deo coronati*, quem illorum æmulatione Francos etiam vsurpassè legimus: modò auersa nūmi parte, tenentem librum vitæ, cum inscriptione: **I H E S V S. C H R I S T V S. R E X. R E G N A N T I V M.**



Alii verò in totum omiffa sua imagine & titulo, Christum solum insculperunt, cum litteris: **I H S. X P S.**

EMMA-

EMM
SVS
quod
Glyca
ἐὶς ὅλον
νομίσαν
δὲ τῆς δ
καὶ εἰ
tam,
imitat
cem
CHR
Vt pl

Aliqu
cisse,
cap. 2.

Hi
nalib
datio
riis m
de N
mam
sidon
Cleric

EMMANVEL. auersa parte modò has litteras: IHE-
SVS. CHRISTVS. BASILEVS. BASILEON,
quod Iohanni Zimischi Imp. Cedrenus, Scyllitzes, &
Glycas tribuunt: προστάξει καὶ ἐν τῷ νομίματι καὶ ἐν τῷ
ὁσώλῳ εἰκόνα ἐνγράφειν τῆ Σωτῆριδος, μὴ πλεονεκτείναν-
τος ἐν τῇ ἐντολῇ, ἀλλὰ καὶ τῶν ἁγίων, καὶ τῶν βασιλέων. Τὰς δὲ
ἐπὶ τῇ δεξιᾷ: Ἰησοῦς Χριστὸς βασιλεὺς βασιλέων. Τὰς δὲ
ἐπὶ τῇ ἀριστερᾷ: καὶ οἱ κατὰ τὴν ἐκκλησίαν βασιλεῖς. modò crucem quadra-
tam, cum litteris: IHS. XPS. NIK A. quod omninò
imitati Franci, solenne illud in suis aureis circa cru-
cem florentem fecerunt: CHRISTVS VINCIT,
CHRISTVS REGNAT, CHRISTVS IMPERAT.
Vt planè agnoscas, quod Paulinus ad Cytherium canit.

Regemq; Christum confitentur Principes,

Et sceptrum submittunt cruci:

Aliquando & Virginem Theotocon hoc honore affe-
cisse, meminit Balsamon in Nomocan. Phot. Tit. I. l.
cap. 2. & nummi ipsi exhibent.



Hi ergo Byzantini illi fuerunt: quorum quidē in an-
nalibus eorum temporum, & diplomatis, bullis, fun-
dationibus, omnisque generis instrumentis & memo-
riis mentio frequentissima. Historia Florērina à Theod.
de Nihem edita, in Conrado IIII. Promittentes maxi-
mam Byzantium summam dictis Gallicis, si ab eadem ob-
sidione decederent. Ita inc. 10. De iureiur: Quod cum V.
Clericus duos Bisantios nomine Ecclesia de statera se annua-

rim soluturum firmasset. In confirmatione Henrici III. anno MLXXV. apud Trithemium in Chron. Hirsaug. super hac omnia Comes sepedictus Apostolicum privilegium adquisiuit, & constituit ut unus aureus quem Byzantium dicimus, singulis annis Romam ad altare S. Petri ab Abbate persolvatur. Et in ipso privilegio Gregorii PP. quod sequitur: data annua aurei Byzantij pensione postulante. Et apud eundem in bulla Urbani PP. anno MXCv. ad indicium percepta huius à Romana Ecclesia libertatis, Byzantium aureum Lateranensi palatio persolvetur. Et in sexcentis alijs. Hi sunt quos Francogalli *Besants d'or* dixerunt: quorum mentio cum alibi multa, tum notabilis in historia S. Ludouici IX. Regis, cap. 42. *Que si la Roine devoit bailler deux cens mille Besants d'or (qui valloient lors cinq cens mille livres) qu'elle delivrerait le Roy en ce faisant.* Et in quadam fabella ludionis cui nomen Courte Barbe: *Tenez, ie vous donne ce Besant: c'estoit une piece d'or valant environ un Angelot.* apud Cl. Faulchet. lib. 2 de ling. Gall. cap. 86. Vide & Franc. Raguellum in Lexico, verbo, *Besant d'or.* Nec aliud factum puto, quod Vespertioni notæ civitati Maximæ Sequanorum, hodie *Beaumont*, Chrysopolis nomen, velut à chrysinis illis, ob solam soni allusionem fecerit Guntherus Poeta lib. v. Ligurini, de regno Arelatensi loquens:

*Has ibi metropoles & clari nominis urbes,
Chrysopolin placidam, Lugdunum, siue Viennam,
Quæque tuos spumante mari Prouincia fines
Clauit Arelatum, validis obnoxia ventis.
Chrysopolin Dubius, reliquas prelabitur annis
Maximus Allobrogum Rhodanus dominator aquarum.*

Et libro vi.

*Wascones, Hispani, seu quos Prouincia diues
Misit, & Allobrogum contingens Gallia fines,
Chrysopolin celeres aderunt.*

Ethæc de Byzantinis dicta sint, aureis nimirum illis siue obryzatis. De reliquis enim Græcorum argenteis & æneis, Miliaresiis, Ceratiis, Diceratis, Hyperperis, Scaramangis, alibi fusiùs (Deo dante) exponemus.

VETERVM FRANCORVM GOTHORVMQVE MONETAE, DENARII, Solidi; Libra, Fertones.

CAPVT II.

NON tamen interea Franci qui Gallias & Germaniam tenebant, Gothi qui Italiam & Hispaniam, monetas nullas vernaculas habuerunt. De Francis nominatim scribit Procopius lib.3. de bello Goth. Francorum Reges ipso Iustiniano Imp. volente Galliam tenentes, Massiliæ & Arelati residentes, aureum nummum natiuo è Galliarum metallo cudisse, non Imperatoris Romani, ut cæteri solent; sed sua imagine impressa: quod nec Persarum nec aliorum Barbarorum Principi fas fuerit. Et vidi ipse aureolos eius generis, cum inscriptione CHARIBERTVS REX, quamuis rarissimos. Gothos autem Reges monetam suo vultu & nomine signasse, dubium esse non potest ex Cassiodori formulis, lib.vi.cap.7. & lib.vii.cap.32. quamuis nullam mihi videre hætenus contigit. Wisigothorū quoque Regum, qui Hispaniam & Aquitaniæ partem tenuerunt, nummos multos indicat & exponit Anton. Augustinus Dialogo vi. vii. & viii. Sed omnibus his tamen augustiores & frequentiores puto fuisse Byzantios illis, de quibus diximus: etiam cum Cæsarum Constantinopolitanorum auctoritas apud Romanos imminuta esset & penè euilisset; ex eorum decremēto Pon-

to Pontificibus suam potentiam stabilientibus. Nominatum autem Leonem III. Iconomachum dictū, quod picturas Synodicas & Sanctorum statuas imaginesq; è templis erasisset, Constantinus Papa eo nomine hæreseos condemnauerat, & cum populo Romano statuerat; *Ne nomen Imperatoris hæretici aut in chartas, aut in figuram solidi seu numismatis susciperetur*: unde nec effigies eius pro more in Ecclesiam introducta, nec nomen ad missarum solennia prolatum fuit, vt scribit Paulus Diaconus vi. Longobard. cap. 31. Anastasius Bibliothecarius, Ado, Beda, Platina, Nihemius, Massonus. Nihilominus tamen Byzantium vsus (vt paulo ante expositū) apud Germanos Francosque diu permansit.

Sanè ex quo ad Francos summa rerum peruenit, deletis non tantum Gothis & Longobardis, sed etiam Græcis Latio omniq; Hesperia exclusis, nihil ex omni illorum republica minus notum est, quàm rei nummarie ratio: propterea quod ex illorum nummis tam parum, imo nihil fere hoc æuo supersit. Habeo Caroli. Ludouici, Hlotharij Arnulfi quosdam argenteolos: sed quid fuerint aut valuerint, liquidò statuere non possum. In Carolinis legibus, diplomatis, Librarum & Solidorum perpetua est mentio: & vt Romani ad sestertios, ita hi ad solidos in negociis, comerciis, multis indicendis, omnia redegisse videntur. Et Libram quidem perviginti solidos computatam, Annales Francorum Fuldenses sub Anno 882. expressè testantur: Solidum autem quadraginta denarios continuisse cum ex Legibus Salicis, Alemanicis, Baiuariis, Ripuariisque colligi manifestè potest, tum verò ex insigni loco Hinnemari Archiepisc. Remens. quem Fr. Pithœus V. C. prodidit: *In testamento à B. Remigio condito Lector attendat, quia Solidorum quantitas numero quadraginta dena-*

viorum

riorum computatur, sicut tunc solidi habebantur, & in Francorum lege Salica continetur. Et generaliter in solutione usque ad tempora Karoli perduravit, velut in eius capitalis continetur. Vnde solidos aurci genus fuisse conicio, quomodo & apud Romanos, quod quadraginta ex illis denariis argenteis contineret. Inde apud Francos olim in contractibus, sponsalibus, libertatibus rite faciendis, mos offerre Solidum & Denarium. Fredegarius lib. IIII. cap. 18. Legato offerens solidum & denarium, ut mos erat Francorum, eam partibus Chlodouei desponsant. Et Solidorum Gallicorum aliquoties habetur etiam in Gregorij M. Epistolis mentio.

Apud Germanos superioribus ævis Marcarum ratio in usu fuit, ut omnia per marcas (argenti potissimum) computarentur: quod in Annalibus, Legibus, instrumentis omne genus apparet. Et Marca rursus in partes suas, ut olim As, diuidebatur. Ex quibus Fertones apparet quadrantem marcæ esse; ut legimus in Guntheri Parisiensis historia occupatæ à Balduino Constantinopoleos, ubi ita scribit: *Habebant MDC. piscatorias naues, quarum qualibet per totum annum ad quatuordecim dies Fisco Regio persoluebat nummum aureum, qui perperam vocari solet Ferdoni, id est quartæ parti Marca vnius æquivalens.* Ita in Aurea Bulla Caroli IIII. Imp. §. vlt. *Sexaginta sex marcas cum vno Fertone.* Et postea; sigillatori unum Fertorem, Teutonicum exemplar habet, *Einem sterling.* Iidem FARTI dicuntur in Innocentij decretali, cap. 2. De sentent. & re iudic. in 6. Posset etiam merito reprehendi, quod mille quidem Fartorum annuam pensionem, in qua pro eodem Regno ipsi Ecclesiæ Romanæ tenetur, per nouem annos & amplius soluere prætermisit.

VARIÆ VARIARVM GENTIVM.

MONETÆ ENUMERATÆ: NOMINA-
tim de Florenis, Ducatis, Taleris.

CAPVT III.

IAM vt quæque Regna, regiones, principatus, respu-
blicæ, ciuitates, suo sibi arbitrio monetas fabrefece-
rint, quæ à loco pleræque nomina sortitæ, longum fue-
rit enumerare; pro æuo autem singularum aut dignita-
te locorum disponere, prorsus impossibile. Nos in ea
rerum temporumque confusione & rei ipsius obscuri-
tate, si quæ præcipua legendo obseruauimus Monetæ-
rum genera, literario ordine effundamus potius quàm
enumeremus, abundè Lectori gratificatum putabi-
mus. Ergo sinum pande.

A MIRCVS, aureus numus Persicus, cuius memi-
nit Benjamin Tudelensis Itinerario pag. 82.

ASPERI Turcorum sunt & modernorum Græco-
rum, de quibus Leunclaius Pandect. Turc. cap. 18.
Asperi quinquaginta coronatum constituunt, vt Bus-
bequius scribit. Sed & apud Africanos Asperi in vsu,
quorum CLXX. vnciam vnā pendent, quadrata for-
ma, cudentibus Iudæis, vt Leo Africanus scribit lib. 2.
cap. de Tednesta.

BERNA, solidus vel denarius veterum Alemanno-
rum, cuius mentionem inuenio in Ordinatione B.
Adelheidis Cæsariæ, fundatricis Abbatæ Salsensis,
de villa Kilberg: *Item ordinauit, quod in festo B. An-
drea Apostoli dicti Officiales, Scultetus, Cellerarius &
Banwardus, Domino Abbati duos debeant emere porcos
bonos, ad quoddam conuiuium faciendum, ubi dimidia*

Berna.

Berna debbat expendi; & ad illud quod vulgò dicitur Vafgnat, ubi vna Berna & dimidia debbat expendi. Sed illa die qua conuiuium fieret, omnes debentes ius quod dicitur Wifungen, fcapulas & vinum debebant dare & foluere plenariè, dato fuper his bona pignora vel denariis numeratis. Hanc Bernam communem fuiſſe monetam villæ Bernæ, in aliis locis eiusdem libri, vnde hæc exſcripſi, inuenio. A qua veriſimile eſt nomen etiam deinceps fuiſſe collectam & contributionem publicam (fortaſſe in ſingula capita vnam Bernam exigentem) cuius mentio in Chronica Aulæ Regiæ (Königs ſaal hodie) apud Bohemos; à nobis edita, cap. xxvii. Interea Rex exercitum congregat, & ad bella ſe coaptat; generalem Steuram quæ Berna dicitur, ab omnibus recipit, & ſuper hoc exactiones clauſtralibus & ciuitatibus grauiffimas imponit. Æneas Syluius Hiſtor. Bohe. cap. lviii. Niſi populares in ſuntus regios pecuniam conferant, quam vocant Bernam. M. Albertus Argentinenſ. ſub Anno mccccxlviii. Collecta inibi impoſita, quæ Vrſus dicitur, & de nouo Regi creato debita apud Bohemos permanſit. Fabricius Orig. Saxon. lib. vi. fol. 663. Balthaſar Landgravius Thuringiæ imperauit in ſingula capita nummum argenteum, quem theſaurum collectum Vrſum vulgò appellarunt.

BATZIONES poſterior ætas dixit, à Bernenſibus cum Vrſi primùm ſigno introductos, quorum tota Germania jam plurimus uſus, cum quintadecima pars ſint floreni, per quos in Alemania & Sueuia omnia computantur, vt in Saxonia per Groſſos.

CABALLVCII; æneoli Neapolitani infimi generis, in quibus equus ſculptus, cum literis B Q V I T A S, quod alicubi ridet Ant. Auguſtinus.

CORONATI, qui & *Scutati*, regni Franciæ Galli-
cæ moneta aurea. *Solares* dicti à Solido, non (vt vulgò)
à Sole, vt vult Bodin. de Republ. lib. 3. cap. 6. & lib. Sing.
de augmen. & decem. monet. Quod mihi omnino
probat, qui videam post Romanos Francis solidorū
pro aureis mentionem frequentissimè vsurpatam, vt
supra attigimus. Ita Gregorius I. Pontifex epistola qua-
dam ad Dynamium *Gallicorum Solidorum* meminit: &
alia ad Fantinum, vbi c. l. *solidorum graue nomen habe-*
tur: & Candido ad regendum Ecclesiæ patrimonium
in Galliam misso mandat, vt *solidos Galliarum, qui in*
Italia expendi non possunt, vtiliter expendat in alimenta
& vestes pauperum. Mansit igitur in his nomen,
Escu Sol, apud Francogallos (quamuis non nesciam et-
iam semiargenteos illos minores *Souls* apud eos dici)
vt Ducatos etiam Hungaricos legimus *Solidos Regales*
dictos. c. vlt. De rerum permut. Et in Gallicis illis ab o-
mni antiquitate video insculptum illud, quod adhuc
vsurpari videmus: CHR. S. VINCIT. CHR. S. RE-
ENAT. planè ad imitationem Græcorum illius, ΙΗC.
ΧΡC. ΝΙΚΑ. de quo supra in Byzantinis.

DUCATI, aurei à Venetis primo & Genuensibus
percussi. Sed & ab Anglis, vt Polydor. Vergilius scribit.
Cui tamen nescio quid in mente fuerit, cum alio loco
scriberet, Ducatum quod Romæ cuderetur, dictum à
ducatu, quem magistratum Longinus primum con-
stituisse, à Iustino Imp. Narseti Italiæ præfecto succes-
sor datus: lib. 2. de inuentor. rer. cap. 21. Inter hos au-
tem insignes maximè Hungarici, qui κατ' ἐξῆς *Solidi*
Regales dicuntur in c. vlt. De rer. permut.

PARTI, *Fertones*, quadrantales, vt modo exposi-
tum. Tantum addam locum ex Jagellonis Regis Polo-
niæ

niæ constitutione Petricoricensi Anno 1451. *nisi forte aliquis de iure pro censibus & decimis ferialibus debeat exigere latos grossos monetae Pragensis*, Statut. fol. 290.

FLORENTINI, aurei primum in ea vrbe cusi, cū signo floris lilij vna, altera parte Iohannis Baptistæ; deinde ad eorum imitationem ab aliis, vt frequentissimè in contractibus vsurpati sint, *Florentzer Gulden*. Neccaliunde **FLORENI** nomen natum existimo, Quo facit locus lib. 2. Extrauagant. commun. Tit. 12. *Nonnullos esse in Lombardia superioris & Marchia Ianuensis partibus, qui presumentes illicita cudunt & fabricant Florenos auri, secundum formam & signum, iconum ac circumferentias literarum, qui in ciuitate Florentiæ cudi sunt soliti, &c.* Hi ergo vt olim erant frequentissimi, ita hodie cum rarissimi reperiantur, in quæstione reuolutionis à Camera Imperialis iudicio Spiræ taxati sunt xxv. batziis, vt annotauit D. Mynsinger. Centur. 4. Obseruat. cap. 1.

FRANCI aurei primum sunt cusi, vt Bodinus notauit: hodie argentei, trientes coronatorum, viginti solidos continentes. Sed & olim duplices, *Francs à pied, Francs à cheval*.

GROSSI monetæ vsualis genus apud Saxones, Silesios, Borussia, Polonos, Bohemos: nobis semis batzionis. Grossorum mentio etiam in Extrauag. De empt. & vendit. & Polydorus Vrbinas veteres denarios Romanos & drachmas Atticas Grossis pondere equos scribit lib. 2. de Inuent. cap. 4. Sed & *Grossorum Turonensium* meminit constitutio Iohannis xxii. Extrauag. 13. & adhuc in Gallia frequentes in vsu, *Gros Tournois*.

HALLENSIS, minutissimæ monetæ vsualis genus, apud Hallam Sueuiæ primò signatum. Olim & nunc in vsu *Libra Hallenses*.

IOACHIMICI Taleri, de quibus infrà. Suaues au-

tem Galli, qui *Iscondales* scribunt.

LEONES aurei in Belgio noti.

LVCENSES, moneta ærea vsualis, cuius mentio in c. 20. De censib.

MARAVEDINVS Hispanicus nummus, cuius mentio in c. 14. De priuileg. *duo millia Marabatinorum*. de quo multa Didacus Couarruias in collat. veter. numism. cum hodiernis. Beniaminus in Itinerario pag. 82. *Morabetinum* scribit.

MEDALIÆ numi nescio quod genus, cuius mentio in d. c. 20. De censib. Ita quidem numismata vetera hodie Italis vocantur, *Medaglie ordinarie*, *col cerchio*, *Medagliani*.

MEDINVS Africanus numus, de quo ibidem Boddin. Gallis *Medin de Barbarie*.

MILARESIOS idem ibidem nominat, vulgò *Mil-raïs*, Portugallicos aureos cruce oblonga insignitos: Nescio an non à Miliarisii Græcorum nomine retecto.

PAGATINI ancoli Venetorum, infimum pecuniæ genus, à soluendo dicti, quod paratissimi ad mercenariam operam vel res leuissimas compensandas.

PAPIENSES argentei, tribus Lucensibus olim æstimati. De quibus in c. 20. De censib.

PHILIPPEI taleri, à Philippo Caroli V. Imp. F. potentissimo Rege Hispaniæ & Indiæ cusi, qui & κατ' ἐξοχὴν Regales taleri dicuntur: non minus hodie celebres, quam olim regale numisma Philippi.

PISTOLETI, coronati aurei Italici, Hispanici, Sabaudici, Burgundici, Heluetici.

POLOMÆI numi mentio est d. Extrauag. De empt. & vendit. *vendit annuos census vnius vel plurium marcarum, aut grossorum Pragensium, numi Polomai & paga-*
menti

menti consueti. Puto accipiendum, *Empolei*, id est forensis & consueti.

REGALES Hispanici argentei.

RHENENSES Floreni, à quatuor Electoribus ad Rhenum, Moguntino, Treuerico, Colonienfi, Palatino primum percussi: de quibus mox plura.

RIDERS coronatus Burgundicus, Bodino Gall. *Riddes*, nobis *Ryder*, ab equite cataphracto impresso.

ROMANINI moneta vsualis, pro quo, dum Curia residebat Auenione, grossus Turonensis succedebat, ex constitutione Iohannis XXII. PP. Extrauag. 13. Sic dicti, vt Byzantini, Sultanini, Pagatini.

SCHILLINGS numus Germanorum, à Siliqua nomine detorto, vt videtur. Ita enim antiquitus scribebatur, SILIHHA, vt video in vetustissimo Glossario Latino-Theotisco: *Numisma, Silihha. Numi percussa, Silihha duruhslagen/das ist pfantinc*. In eodem alio loco: *Obolum dimidium scriptuli, quod facit. siliquas tres. Stucki halb scriptulus/das tot silihhun tri*. Et rursus: *Stater est nummus, vt quidam affirmant, unciam vnā, aureos sex. Waga ist silihhono / so sume Zafastinot / unce ainan / scillinga sehsi*. Siliquæ enim & Sicilici vox, à Romanis in re monetaria vsurpata, pro vnciæ quarta parte; vt L. 21. §. filium. D. de ann. legat. Auth. sed hodie. C. de Episc. & cler. Auth. ad hæc. C. de vsur. ad Longobardos etiam peruenit: vt L. 2. & 3. Tit. *De eo qui pecul. in dam. inuen.* & aliis locis.

SCVTATI, qui & *Coronati*, de quibus supra.

STERLINGI, in Anglia, Scotia, & Hibernia.

SULTANINI aurei Imperatorii Turcici.

TALENSES, vel TALERI, argentei vnciales dicti à valle Ioachimica, vbi primum cusi per Sliconos Comites.

Comites (vt Georgius Agricola lib. ii. de ponder. & mensur. notauit) in Bohemia circa annum 1320. qui adhuc non infrequentes apparent, vna parte loachimū Abbatem, & insignia Slickensia præferentes, cum literis: *AR. DOMI. SLI. STE. ET. FRA. COM. D. E.* altera leonem Bohemicum, cum literis: *LVDOVICVS. PRIM. D. GRACIA. R. BO.* Quos deinde Saxonum Duces in Misena, & alii Principes atque etiam Reges sunt imitati.

TAREN Siculorum moneta & Apulorum: cuius mentio in c. 5. De empt. & vendit. vbi Cuiac.

TESTONES siue capitati Gallorum, à vultu Regum impresso. Bodin. d. loco.

TYRONENSES argentei: Clement. 2. lib. 5. Tit. 1. & Extrauag. 13. in teloniis Rhenensib. *Turnes.*

DE *TYRCICIS* monetis, Mangunis, Aspris, Siderocapsiis, Hyperpyris, Dramis, Scachis, Sultanianis, Seraphinis, Altumleriis, doctè & eleganter Leunclauius noster Pandect. Turc. cap. 18. quo Lectorem remittere quam singula frustillatim hic infercire malui.

Ex his monetarum generibus Florentinorum maximè institutum Principibus Germaniæ arrisit, adeò vt ad eorum imitationem aureos suis nominibus pleriq; & ipsi cuderent. Itaque videre licet id genus aureos diuersis inscriptionibus, vna quidem parte florem lilii habentes, altera vero Principis sui. *LVDOVICVS REX. KAROLVS REX. ROBERTVS DVX. LVPOLDVS VIEN. 5. Item WENCESL. DVX. P.* (id est *Plocensis*) *Itē GERL. ARĒPS. WILEL. ARĒPVS. BOEMVDS ARĒPS. & similia.* Adeo vt frequentissimus horum in veterum contractibus fuerit vsus, & mentio

mentio in antiquis instrumentis perfrequens, *Florēt-
zer Gulden*: nec aliunde FLORENI nomen natum.
Qui tamen paulatim degenerarūt in Florenos Rhenen-
ses, ita dictos à quatuor Principibus Electoribus ad
Rhenum, Moguntino, Treuerensi, Colonienſi, Pala-
tino; & à ceteris deinde etiam vſurpatos, paulo ſequi-
ores primis illis Florentinis, Ducatorum bonitatem o-
mnino adæquantibus. Donec tandem Floreni & Aurei
etiam ex argento facti, tunc quidem aureis Rhenenſi-
bus pares, hodie multo inferiores. Et quia ineundis
& miſcendis inter populos & nationes commerciis ni-
hil aptius commodiusque, quàm eiſdem generis &
nominis moneta; cum Ducatos (Venetorū & Genuen-
ſium primò inſtitutum) cæteri quoque Reges Hunga-
riæ, Bohemiæ, Poloniæ, Daniæ, Sueciæ, Angliæ, Hi-
ſpaniæ imitarentur; Germani quoque Cæſares & Prin-
cipes, velut in medio illorum collocati, fecerunt: quo-
de genere Karoli IIII. Imp. & Bohemiæ Regis ducati
adhuc apparent, & deinceps Maximiliani primi, anno
1517. & 1518. cuſi, cum titulo: DVCATVS CAREN-
TANVS. Vt viciffim Taleros, quos primum Slico-
nes Comites in Valle Ioachimica cum Bohemicæ Re-
gum nomine procudiſſe diximus, primum Principes
Germaniæ plerique, deinde alij etiam vicini Reges, Su-
eciæ, Daniæ, Poloniæ, Hungariæ, commerciorum in-
ter ſubditos populos iuuandorum gratia, ſunt ſecuti.
Quo de genere talerus extat, quem SIGISMVNDVS
I. REX POLON. ET SIGISM. AVGVSTVS SE-
CVND. REX POL. anno 1533. & alius quem WLA-
DISLAVS D. G. REX. VNGARIE additis nomini-
bus ciuitatum TVRSO & KREMIZ anno 1560.
publicarunt. Quamuis antiquiores etiam Ioachimicis
in hoc genere, ſed minus frequentes, videamus ali-

quos: ut quem MAXIMILIANVS. MAGNAN-
MVS. ARCHIDVX. AVSTRIE. BVRGVND. ET
MARIA. KAROLI. FILIA. HERES. BVRGVND.
BRAB. CONIVGES. anno 1479. item quos SIGES-
MVNDVS. ARCHIDVX. AVSTRIE anno 1486.
nominis aternandi ergo formari iusserunt.

HODIERNÆ ROMANI IMPERII

APVD GERMANOS LEGES

Nummaria.

CAPVT IIII.

IGITUR cum in imperio iamdudum res monetaria,
singulis Principibus vel Ordinibus suo sibi arbitrio
modò horum modò illorum imitatione nūmo; pro-
cudentibus, mirum in modum fluctuaret; rei in Re-
publica maximè necessariæ legem & normam dari tā-
dem necesse visum est. Atque ita in Comitiiis primum
Augustanis Anno M. D. imperante Maximiliano om-
nes omnium monetæ hætenus sine lege modoque
vagantes, inhibita & suspensa fuerunt, donec noua lex
promulgaretur. Quod cum diuersis postea in Comitiiis
apud Treuiros, Colonia, Noribergā, Spiram, Augustam,
Ratisbonam, tentatum magis quàm inchoatum esset:
sub Carolo tandem V. maximo & felicissimo Impera-
tore in Comitiiis Augustæ Viud. Anno MDLI. habitis
communi Ordinum consensu ad certam perpetuamq;
formam redactum, & sequutis deinceps per annos LIX.
LXVI. LXX. LXXI. LXXVI. XCIIII. XCVIII.
Comitiiis declaratum, confirmatumq; fuit: vtinam tam
facile fideque obseruandum, quàm clarè & diffusè ver-
bis formulisque perscriptum. Eius legis Monetariæ

capita

capita præcipua breuiter digere, vt in veteri Romana lege fecimus, operæpretium fuerit.

I.

IUS CVDENDÆ MONETÆ NISI CUI AB IMP. CONCESSVM FVERIT, NEQ. ALITER QVAM SECVNDVM LEGEM NEMO VSVRPATO. Vt enim stante Rep. Romana nonnisi apud Principem & Senatum facultas monetæ fuit; ita in Germano quoque imperio inter ea habita, quæ *Regalia* vocantur, quod soli Principi competerent, vel cui Princeps ea indulgisset. Lib. II. Feud. Tit. 56. *Qua sint regalia*. Guntherus lib. VII. *Cudenda jura monetæ*. Itaque Regi Bohemiæ ceu principi Imperij ius monetæ nominatim confirmari legimus Auræ Bullæ cap. X. Et diuersa veterum Cæsarium diplomata videmus, quibus illis & illis, Comitibus, Abbatibus, Prælatibus, Ciuitatibus, ius percutiendæ monetæ conceditur. Iam verò quibus id ipsum priuilegij competit, nonnisi certâ lege & modo vti debent. Nec enim vbiuis, sed tribus duntaxat vel quatuor locis à Circulo, cui adscripti, designatis, monetam ferient: exceptis his qui proprias in suo solo habent metallifodinas, aut officinas monetarias antiquitus institutas. Iis aurum argentumque penes se natum duntaxat liberè in nummos conuertent. Comit. LXX. §. 135. & Deput. LXXI. §. 28. Deinde ipsi vti debent suo sumtu & opera: nec fas est ius monetarium alteri cedere, vendere, locare, aut monetariis redimendum transcribere: contra facientibus iuris eius priuatio, Fiscali sedulo obseruante, impendet. Conductores autem X. marcis auri multantur. Comit. LIX. §. 86. & 88. Comit. XCIII. §. 110.

II.

FORMAS NUMMORVM AVRI ARGEN-

TIVE DVNTAXAT RECEPTAS. EASQUE
 PROBAS FERIVNT. Sunt autem hæ formæ in
 Imperio nostro (quod hac quidem in parte mone-
 tarum specie & amplitudine veteri Romano etiam
 antecellit) probatæ, hisque legibus. DVCATI è Co-
 loniensi marca auri puri LXVII. cudantur, CIIII.
 cruciferos valituri. AVREI RHENENSES LXXII.
 cruciferos LX XV. valituri. Comit. LIX. §. 55. & seqq.
 Exterorum regum & Principum Coronati, Scutati,
 Nobiles, Engeleri, sua quidem æstimatione definitâ
 permissi sunt; in Imperio tamen ne cudantur. Ibid. §.
 61. & Deputat. LXXI. §. 49. TALERI Ioachimici
 olim cusi LXVIIII. cruciatis taxantur. Comit. LIX. §. 35.
 Deinde ita recepti sunt, vt markæ Coloniensis argenti
 puri octauam pendant, eorumque semisses etiam &
 quadrantes cudere liceat. Comit. LXVI. §. 157. FLO-
 RENIEX marca IX. cum semisse fiant, LX. cruciferos
 valituri: semisses eorum, quadrantes, sextantes pro ra-
 ta valeant. Nota eorum, hinc Cæsaris nomen & Aquila
 biceps, insertum pectori Imperii globum habens, glo-
 bo numerum cruciatorum inscriptum; inde nomen &
 insignia Domini monetæ. Comit. LIX. §. 3. 10. CRV-
 CIATI ipsi valent: sed horum quinarij, ternarij, bina-
 rij, donec aliud statuatur, districtè sunt prohibiti. Comit.
 LXVI. §. 160. & XC VIII. §. 56. PFENNIGI & Hal-
 lenses ad necessarium fori & annonæ vsum permittū-
 tur, cum Circulorum moderatione, non vltra: aliàs
 confiscandi. Comit. LIX. §. 12. & LXX. §. 127. & 129.
 Quod genus in dissolutionem maioris summæ accipe-
 re nemo tenetur: vt nec quinarijs minores vltra summā
 XXV. florenorum Comit. LIX. §. 11. & 32. & LXXVI. §.
 77. Extra has igitur formas nullæ aliæ procudantur,
 aut solutionis vice fungantur, sub pœna indignationis

Cæsareæ

Cæsare
 culo
 bonita
 ipsi, &
 locaue
 approb
 guntur
 missio
 136. &
 moru
 missi
 pœna
 cusati
 LIX. §.
 lator
 profec
 lis de

H
 SEM
 HAB
 los b
 Kal.
 liisu
 libra
 Con
 seq.
 gistr
 Fisc
 qua
 natu
 mit
 deb

Cæsareæ & L. marcarum auri, partim fisco, partim Circulo inferenda. Com. LIX. § 6. Et has ipsas pondere & bonitate probas monetarij dare studento. Qua causa & ipsi, & docimastæ, non solum Domino cui operam suā locauerint, sed & toti Circulo (cuius inquisitione prius approbantur) iuramento in leges nummarias obstringuntur, cum cautione omnium bonorum, & repositione se quoties exigentur sistendi. Comit. LXX §. 136. & XCIII §. 110. in fine. Falsarii autem, nummorum adulteratores, corruptoresve, pro gravitate admissi, multis, confiscatione, proscriptione, corporali poena, ignis denique supplicio acerrimè puniuntur: accusatione populo data, & Fiscali inuigilante. Comit. LIX. §. 72. & seqq. & XCIII §. 110. Denique legum violatores præter ceteras poenas, & amissionem iuris sui, proscriptionem ipso iure incurrunt, executione Circulis demandata. Com. LXVI §. 31.

III.

HIS LEGIBVS SERVANDIS CONVENTVS SEMESTRES ET EXAMINA ACCVRATE HABENTOR. Domini monetales per singulos Circulos bis quotannis conueniant, aut consilia ios mittant, Kal. Maij & Octobris: & cufos iis locis nummos à se aliis exhibeant, inspiciant; adhibito Zygo state, per libram, coticulam, caminum, ad scriptulos examinent. Comit. LIX. §. 69. Comit. LXVI. §. 177. & LXX. §. 140 & seq. Iure monetæ abutentes, legum negligentes, Magistratus fraudum vel participes vel remissos v'tores ad Fiscalem deferant. Com. LXVI. §. 175. Insuper Electores quatuor Rhenani mercatibus Francofurtensibus, Senatus oppidani adiumento, ne quid in edictum committatur, prouidere iubentur: idemque Saxo & Brandeburgicus suis emporiis facere: adeoque Cæsari in

propriis & Imperij ciuitatibus ea res curæ erit. Comit.
LXX, §. 150. & seq.

DE PRÆVARICATIONE HARVM

LEGVM, PRÆCIPVE IN MINVTÀ PE-

*cunia vsuali. Causa fluctuantis rei monetaria
detecta. & remedium unicum.*

CAPVT V.

HÆ sunt hodiernæ Imperij nostri leges Nummarie; utinam tam sanctè iureque ab omnibus seruatæ, quàm bono consilio & ad ipsam iusti æquiq; amussim excogitatæ. Cum enim in diuersa harum capita diuersis modis peccatur (quod quidem ab omni æuo legibus Nummariis fatum fuisse observare licet, vitio humani ingenii ad captanda vndecunque compendia procliuus, & in re præsertim Pecuniæ, quæ veluti finis omnium rerum vulgi opinione habetur, ingeniosi) tum in illud potissimum velut effusis habenis licentiosissimè, quod minutâ & vsualem monetam vt minimè ad legis præscriptum, ita maxima copia sine fine modoq; passim procudi videmus. Vsualem monetam pro omnis generis annonæ & foro rerum vernalium, atque etiam ad expediendas calculi excurrentis minutias necessariam; quo & propter exilitatem minutissimæ particulæ argenti cerni contrectarique posset, & vsu quotidiano minus contereretur, æris parte remixta fieri apud nos & plerasque gentes obtinuit: quamuis forte melius esset, veterum Romanorum Græcorumque, & hodierno Venetorum exemplo, puram vel ex argento vel ære fieri, vt bene viri docti disputant. * Nam pro obso-

* Bodi. Lib.
sing.

tertios, asses, dupondios, sesquialles, semisses, quadrantes, beses, octusses, sescunces, teruncios, merè æneos omnes; Græcè obolos, stateres, folles, aliosq; χαλκίαις & κέρμασι habebant. Vt de rustico ex urbe domum reuerso Vergilius dicat:

Venales holerum fascēs portabat in urbem:

Inde domum ceruice leuis, grauis ære redibat.

Et alibi: *Nonnumquam grauis ære domum mihi dextra redi-* (bat.

Quamuis non nesciam posterioribus Principibus & Imperio declinante pecuniam minorem argenteam æris parte remixta in vsu fuisse, quam *Maiorinam* vocabant, vt discimus ex L. VI. C. Th. de falsa moneta. Ex hoc genere mixtorum, semiargenteorū, aut potius semiaræorum sunt nostri halleri, pfenningi, cruciferi, semibaziones, tricruciatī, grossi, albi. Quorum ad necessarium fori & quotidianum vsum (maiores enim merces solidis integrisque aureis & argenteis pensari iustum est) cum moderatè pro qualibet regione conficere singulis Ordinibus lege concessum esset; monetarij qui eam fabricam non sine aliquo compendio esse videbant, & fraudem in eo genere admissam minus facile aut obseruari, aut in tantilla re curari: præsentem lucri faciendi occasionem auidè amplexi, toti in rauduscula illa procudenda incumbere iamdudum cœperunt, & impigrè pergunt. Quotidie plures nummulos passim ceu pullulantes & fruticantes vberrimè increbescere videmus: quotidie deteriores & dilutiores. Ad id vt deperditis ferè & exolescentibus bonæ notæ Taleris veteribus, & rarefcentibus etiā hodiernis, quos pessimo more monetarii in fabricam illam absumunt; vtatur iam Germania pleraque (vt Aristophanis Comici verbis vtat) τέρας τοῖς πονηροῖς χαλκίαις χρεῖς

πῶς

πὲρ πάλω καὶ πᾶσι τῶ κακίστῳ νόμῳ. Neque amplius locus futurus sit Plautino verbo, *nequiores quàm nummi novi*: quando nihil hisce nequius supererit.

Et miramur, si aureæ argentæque monetæ valor in prima indicatura sua non subsistit, sed excedit dudū, & quotidie magis magisque intenditur. Quod non alia causa quàm ex vsualis monetæ deprauatione contingit, & contingere necesse est, & mirarer non contingere. Cum enim maiores solidæque monetæ non aliter quàm per minores æstimationem & indicaturam suam accipiant: solidi per denarios, denarii per asses, Taleri & floreni per baziones, grossos, schillingos, albos; & omninò (vt Volusius Mærianus IC. in lib. *de Assè* scribit) omnis nummus argenteus ex numero æris potestatem accipiat; Adeoque, vt verè Ausonius dixit:

*add. L. Etiam aureos.
ly 9. D. de
verb. signif.

*Aurum magnus honos, auri precium tamen est as.**
necesse est, vt pecuniarum indicatura stabilis esse possit, proportionem quandam esse eius æris, ad aurum argentumque, non tantum pro metalli precio, quod per se vile & magis corruptibile non nisi parcissimè argento permisceri debet; sed etiam pro vsu vtriusque & instituto: quandoquidem minutiores illi nummi nō ad colligendas opes (quis enim Euclio tales pro thesauro acceruare & seruare velit?) sed tantum ad res præsentis necessitate emendas, easque minores, sint comparati, & in vna tantum regione fungibiles; ideoque minorum numero res publica opus habeat. Quæ proportio si violetur, vt ærei vel minores, leuiore sue aut inquinatiores fiant, aut nimis frequentes, adeo vt etiam in grandioribus summis passim obtrudantur; tum vero formas solidas, vt ut earum indicatura ex prima lege & origine, fuerit constituta & sancita, & paulatim à communi vsu hominum, & ob euidentem bonitatis differentiam,

rentia
norib
mirun
quesit
argent
centia
quant
afferre
quàm
luntari
niqua
dici po
sensur
gata,
scripte
casu e
tatem
que ce
tatem
quoda
Seio, p
quid o
tæ dig
videtur
eorū n
aut in
de vet
verò,
comm
Et
sus co
plis or
Quid

rentiam, precii incrementum accipere, ut plures ex minoribus illis contineant & adæquent, non tantum non mirum, sed omnino necessarium, imò iustum æquumque sit: non minus equidem, quàm cum pro nummo argenteo plura parua & semiputria quàm magna & recentia poma comparantur. Quod cum ita contingit, quantumcumque tandem incommodum Reipublicæ afferre videatur, improbari tamen facilius & deplorari quàm mutari aut inhiberi potest. Nā & consensus voluntarius contrahentium interuenit, ut volenti nulla iniqua conditio allata, aut præter fas obtrusum aliquid dici possit; quando etiam iuri publico per pacta & consensus derogari nihil vetat: & consuetudo peruulgata, quæ aliàs Tyranni instar habere dicitur, & iuri scripto derogare imò ipsa ius facere perhibetur, hoc casu eo placidiorem speciem habet, quod præter libertatem commerciorum (quandoquidem tanti res quæque censetur, quanti emtorem inuenit) etiam æqualitatem in accipiendo & erogando vtrò citròque tacito quodam cōsensu populi inducit, idemque Caio quod Seio, principibus quod priuatis concedit. Quin & (ne quid dissimulem) nulla omnino per eiusmodi monetæ dignationem aut Principibus aut legibus fieri iniuria videtur: nimirum quibus id tantum cauere videmus, ne eorū nomine & figurâ insignita pecunia aut refutetur, aut infra indicaturam suam accipiatur: ut L. I. & ult. C. de veter. num. potest. Nouella Theodosii xxv. nusquā verò, ne supra: quod etiam ipsorum nec honori nec commodis (si verum amamus) aduersari noscitur.

Et hoc ita habere, si non ipsa quam dixi ratio & sensus communis dictaret, & experientia clamaret, exemplis omnis æui cōprobare facile esset. sed pauca sufficiāt. Quid enim causæ fuit, quod Denarius apud Romanos,

argenteus drachmali pondere, pro ipso nomine decem assibus factus, paulatim ad duodecim, tandemque ad sedecim asses ascenderit? Plinium vide libro XXXIII. cap. 3. Itaque non mirum, milites legionis Pannonicæ sub initia Tiberii, Percennio duce & impulsore seditionem mouentes, conquestos: *Militiam ipsam gravem, infructuosam: denis in diem assibus animam & corpus astimari, hinc vestem, arma, tentoria, hinc senitiam centurionum & vocationes munerum redimi.* Et mox hoc eorum postulatum: *Vt singulos in diem denarios mererent, sextusdecimus stipendii annus finem afferret.* Quod ita Dio reddidit: *ὅτι πῶς ἐκκάδεκα ἐπὶ πρᾶσι δειοῦ ἡμελόν, καὶ δραχμῶν ἡμερησίαν φέρειν, τότε αὖτ' ἀπὸ λαοῦ αὐτῶν ἐν τῷ πρᾶσι πένδε λαμβάνειν ἡξίωσαν.* Aperta ratione, quia denarium & plusquam decem assibus vulgò erogare poterant, & seruare quàm illos malebant. Et hoc quod in denario argenteo accidit, idem etiam in solido aureo. Extat relatio Symmachi præfecti vrbis ad Theodosium Imp. * qua intercedit pro collectariis siue nummularijs, qui vendendis solidis, quos plerunque publicus usus exposcit, obnoxii erant. Huic hominum generi, inquit, taxationis exigua vilitate nutanti, Diuus frater Numinis vestri tantum pro singulis solidis statuit conferendum, quantum equitas illius temporis postulabat. Sed paulatim auri ENORMITATE CRESCENTE, vis remedii diualis infracta est. Et cum in foro vanalium rerum maiore summa solidus censeatur, nummularijs precia minora penduntur. Petunt igitur de Aeternitate vestra, pro ratione præsentis iustissimæ definitionis augmenta: qui iam tanto oneri sustinendo pares esse non possunt. Causam enim huius enormitatis indies crescentis non aliam fuisse existimo, quam parvæ pecuniæ prauitatem, siue ea remixta siue merè ærea fuit. Quales enim fuisse illos nummulos putamus, quorum tunc septem millia & ducenti solido

Tacitus I.
Annal.

* Lib. X.
Epist. 42.

solido vno continebantur, vt ex eiusdem Theodosii Imp. Nouella XX quæ *De pretio solidi* inscripta est, & Cassiodori epist. 10. lib. 1. discimus. Et tamen cum tanti ab ipsis nummulariis (vt ibi dicitur) solidus redimendus esset, in foro vānālium ad amplius precium paulatim ascendisse locus ille Symmachii testatur. Hoc ex Romana antiquitate exemplum sit. Iam ex media videamus. Coram Innocentio III. Pontifice conquestus est Episcopus Spo. C. XX. De letanus, Clericos plebis Rupinæ cum ipsi quotannis sex denarios Papienses (argenteos fuisse existimo) pro synodatico deberent & consueissent persolvere, à triginta sex annis iam non Papienses, sed pro illis monetam numerare, tres nimirum Lucenses vel Medalias pro singulis Papiensibus. Quod quidem cum prædecessor suus Lotharicus vt cumque tulisset, iam sibi ferendum vltra non videri, Lucensibus modernis ita deprauatis, vt tres illi qui antea soluebantur, quinque vel sex recentes bonitate & valore æquarent; atque ita Papiensis vnus senis modò Lucensibus siue Medaliis possit permutari. Pontifex Innocentius statim deprehendit, vt controuersiam hanc ex mutatione & augmento pecuniæ solidæ Papiensium, ita illud augmentum ex minoris MONETÆ (vt loquitur) DECLINATIONE, id est deterioratione & culpa monetariorum proficisci: eam tamen domino census, hoc præsertim casu quo præscriptio integra non intercessisset, fraudi esse nō debere, quin ad solutionem denariorū Papiensium in specie, aut quidem æstimationem eorum pro tempore debitores teneantur. Hoc ex media antiquitate, circa Annum MCC. De superiori æuo. patrum memoria, nostra denique tempestate dicere quid attinet? plena sunt omnia querelis, & hanc mali causam omnes denotant. Videatur Nicolai Oresmij Lexouiensis Episcopi, qui antea Caroli V. Fran-

corum Regis cognomine Sapientis præceptor fuerat; tractatus *De mutatione monetarum ac variatione facta per Reges aut Principes*, scriptus circa Annum MCCC. Videatur Gabriëlis Biel, Iohannis Aquilæ, ante centum prope annos de eodem argumento commentationes. Utinam & Iohannis Dalburgii Episcopi Wormatiensis & Palatinatus Cancellarii, de eodem liber extaret, quem ab illo scriptum Trithemius Abbas alicubi refert. Denique non in sola Germania hoc fit: sed etiam in Gallia, Sabaudia, Belgio, Italia, Anglia, Polonia, idem euenire queruntur omnes, ut moneta magis magisque inquinata, mixtura & compositione declinante, aureorum argenteorumque valor velut contra nitens assurgat. Neque verò remedium labenti hac quoque in parte reipublicæ, luxata & concordia & disciplina, afferri posse vident, nisi Billone (quem vocant) illo planè remoto, & moneta omni ad meram auri argentiq; puritatem reuocata. Qua de re elegans & acuta extat disputatio Iohannis Bodini libro singulari, *De augmento & decremento pecunie, contra Paradoxam Malestretti*, & lib. VI. de Republ. cap. 6.

Billon.

Quapropter si Cæsar Augustus, si Electores, Principes, & Ordines Imperij, aureæ argenteæque pecuniæ suæ optimæ & pulcherrimæ, indicaturam quàm lege publicâ indiderunt, constantem & perpetuam esse volunt; bonitatem primò eius à metallo integrè religioseq; conseruent. deinde verò nummulos illos minores non tantum rigidissimo examine & probos, & non supra modum à lege præfinitum procudi curent: sed verò tandem, quia eorum plus satis jam procusum est, & copiâ magis eorum respublica laborat; nullos deinceps amplius, intra aliquot saltem annos, fabrefieri permittant, & ab eo genere manus omnino abstinere mone-

tarios


tarios
fiat.
nuo h
mnia
non n
quàm
im

Vidi, u
In
Vidi, i
Q
Vsq; a
I
Simpf
O
Sed in
V

tarios sub grauissimis pœnis iubeant. Id enim nisi fiat, & quanto ocyus fiat, si in libera Republica ingenuo homini liberè loqui fas est, clarè dico, aut me omnia fallunt, aut crescentis Solidorum precii cursum non magis vlla ratione sistere & reprimere poterunt, quàm hactenus tot fixis refixisque edictis potuerunt,

imò quàm olim Romana tanta & potentia &

Grœcia in Denario Solidoque (vti dictum est) efficere potuit.



IANVS GRVTERVS.

Vidi, ut vis, legique tuum Marquarde libellum

Iura Monetæ quo moderare rei:

Vidi, inquam, legique; sed haud ibi pars fuit, atræ

Qua Theia posset commernisse notam.

Vsq; adeo fuerant aut vera, aut proxima veris:

Id nec Aristarchi lima severa neget.

Sumpsi etenim ipse eius vultum, vitæque colorem

Omni aliquem cupij prendere posse modo.

Sed tua visa Venus mihi tam est perfecta, nec ipsas

Vt crepidas posset carpere Momus iners.

Elegans descriptio
NOVI INVENTI
FABRICÆ MONETA-
RIÆ IN HALIS TERIO-

lanis, qua nummi pralis
imprimuntur.

Ex Herculeo Prodicti Stephani

Pighij Campensis. Pag. 232.



Hinc pergunt ad Archiducis fabricam mo-
netariam, uti nouum nostri saculi inuen-
tum formanda moneta uiderent: nimirū
quod aurei, argentei, aerei que nummi non
flando feriundoue fiant, aut malleis cudan-
tur, sed expeditissimè pralis imprimantur.
Aquaria rota impetu magno circumagit machinam ferream,
organo horologico non absimilem. Constat enim ex rotis den-
tatis multis sic inter se connexis, ut se mutuo impellant coacta
per rotam aquariam. Voluunt autem in medio machina iun-
ctos duos cylindros ex chalybe in summam duritiem tempera-
tos. Quorum unus alteri superpositus est, & aguntur ambo
simul rotis illis dentatis contrario motu aduersum sese, ut su-
terior deorsum, inferior sursum semper rotetur. In his cylin-
dri artifice manu sunt insculpta nummorum forma uel cha-
racteres per circuitum ea magnitudine & proportionem, qua
nummus iusto cum pondere suo debet exprimi. Habet autem
in circuitu suo cylindrus quilibet tot formas eiusdem nummi
similes, quot pro spissitudine capere potest; easque nonnihil
extantes cum marginibus acutis à reliqua cylindri superficie,
quo possint superabundans metallum è calatura separare, & è
characte-

characteribus eicere. In superioris cylindri formis calata sunt
Cruces, aut Principum imagines cum suis titulis atque parer-
gis, quæ in uno numismatis latere debent exprimi. Sic in in-
ferioris cylindri formis, quæ in altero latere: scilicet insignia
Principum aut ciuitatum, aut alia emblemata cum suis elogis
& annorum notis, in quibus illa primum moneta formatur.
Iam uerò cylindri tam aptè iunguntur inter se, ut formæ æ-
qualiter, & summa cum proportionē simul inter uoluendum
coniungantur, nummique ab utroque latere perfecti figuram
absoluant. Itaque nihil aliud ibidem agit monetarius, quàm
ut laminas auri, argenti, ærisue, iam antea pro formanda mo-
neta pondere, ac magnitudine preparatas in orbem euntibus
cylindris admoueatur, & formis se cludentibus inserat. Mox
forma laminam à fronte suis characteribus uelut dentibus ap-
prehensam attrahunt, deglutiunt, sensimque deuorant totam;
& à tergo numismata perfectissimè expressa eodem temporis
momento cum excrementis metalli superfluis euomunt, & in
peluim suppositam deiiciunt. Delectatur admodum hac consi-
deratione Carolus princeps, & gaudebat laminas ipse vel au-
reas, vel argenteas cylindris inserere, atque breuissimo spacio
decem aut duodecim perfectissima numismata perficere. Perlu-
strant deinde tabernas monetariorum omnes, & uident ubi-
que Nymphas operariorum labores quosque maximos gnauiter
subire. Mouent enim hic rotis aquariis folles, & flammæ
in fornacibus excitant, ubi metalla liquefiunt, & temperan-
tur; illic magno cum fragore plures malleos ordine & uicissim
in incudibus quatunt; uti faber artifex nil aliud habeat quod
agat, quam uti metalla calida malleis subiiciat, & extrahat,
uersandoq; in incude in eam, quam uelit formam, tenuitatemq;
reducatur. Laminas autem formis subyciendas hoc ferè modo
preparant. Certum pondus metalli puri catinis iniectum li-
quefaciunt in fornacibus, adduntq; mixturam: auro argenti
tantum, & argento tantum æris, quantum permittitur lege
mone-

monetaria imperiali, uel decreto principis, aut ciuitatis, cuius
impensis moneta formatur. Iam liquidum, ac ita temperatum
fundunt in canales ferreos, & formant in bacillos bipedales;
quos deinde (ut dixi) malleis subiiciunt, & extendunt in lami-
nas crassas, aut tenues, latas aut strictas, prout ratio, pondus
& magnitudo monetae formanda postulat. Itaque lamina fa-
cillimè formas supplet, & eo minus superflui reddit. Forma
uicissim tanta perfectionis nummos proferunt, ut correctori-
bus parum negotij fiat in ijs ad æquilibrium siue legitimum su-
um pondus per balances redigendis.



R. P. D.

NICOLAI ORES-
MII, LEXOVIENSIS EPI-
COPI, THEOLOGI PARITER
AC PHILOSOPHI ACUTISSIMI, TRA-
ctatus de Origine & iure, nec non & de
mutationibus Monetarum.

[Hic fuit praeceptor CAROLI V. cognomento Sapientis, Regis
Galliae, qui regnavit circa Annum MCCC. Eiusdemque insecta-
tionem Astrologica superstitionis peculiari commentario scriptam,
item librum de proportionibus proportionum, alicubi citat Picus Me-
randulanus. Nescio an idem, cuius Orationem habuit coram Ur-
bano PP. V. & Cardinalibus Anno MCCCXLIII. in Catalo-
go Testium Veritatis ponit Illyricus.]



INDEX CAPITVM.

- I. *Propter quid moneta sit inuenta.*
- II. *De qua materia debet esse moneta.*
- III. *De diuersitate monetarum & mixtione.*
- IV. *De forma vel figura moneta.*
- V. *Cui incumbit facere numisma.*
- VI. *Cuius sit ipsa moneta.*
- VII. *Ad cuius expensas fabricanda sit moneta.*
- VIII. *De mutationibus monetarum; in generali.*
- IX. *De mutatione moneta in figura.*
- X. *De mutatione proportionis monetarum.*
- XI. *De mutatione appellationis monetarum.*
- XII. *De mutatione ponderis monetarum.*
- XIII. *De mutatione materiae monetarum.*
- XIV. *De mutatione composita monetarum.*
- XV. *Quod lucrum proueniens Principi ex mutatione moneta sit iniustum.*
- XVI. *Quod tales mutationes monetarum, quantum est ex se, non sunt permittende.*
- XVII. *De quibusdam inconuenientibus tangentibus Principem, quae sequuntur ex mutationibus monetarum.*
- XVIII. *De aliis inconuenientibus totam communitatem tangentibus.*
- XIX. *De aliis inconuenientibus partem communitatis tangentibus.*
- XX. *Si communitas potest facere tales mutationes moneta.*
- XXI. *Responsio ad praedicta, & conclusio principalis.*
- XXII. *Quod tyrannis non potest diu durare.*
- XXIII. *Quod capere lucrum ex mutationibus monetarum praesudat toti regali potestati.*



PROLOGVS.



QVIBVS DAM videtur, quod aliquis Rex aut Princeps, auctoritate propria possit de iure aut priuilegio liberè mutare monetas in suo regno. currètes, & de eis ad libitum ordinare, ac super hoc capere lucrum aut emolumentum quantumlibet: aliis autem videtur oppositum. Propter quod intendo in presenti tractatu de hoc scribere, quod secundum philosophiam Aristotélis principaliter videtur mihi esse dicendum, incipiens ab origine monetarum: nihil temerè asserendo, sed totum submitto correctioni maiorum, qui forsan ex eis quæ dicturus sum, poterunt excitari ad determinandum veritatè super isto, ita vt omni cessante scrupulo omnes in vnâ possint sententiam pariter conuenire, & circa hoc inuenire, quod principibus & subiectis, immò toti Reipublicæ proficiat in futurum.

Propter quid Moneta sit inuenta.

CAPVT I.

QVando diuidebat Altissimus gentes, quando separabat filios Adam, constituit terminos populorum. Inde multiplicati sunt homines super terram, & possessiones pro vt expediebat diuisæ sunt. Ex hoc autem contigit, quod vnus habuit de vna re vltra suam necessitatem: alius verò de eadem re habuit parum aut nihil: & de alia re fuit è contrario. Sicut forsan quis abundauit ouibus, & pane indiguit; & agricola è conuerso. Vna etiam regio superabundauit in vno, & defecit in alio. Cœperunt ergo homines mercari sine moneta, & dabat vnus alteri ouem pro frumento, & alius de labore suo panem vel lanam, & sic de aliis rebus: quod adhuc longo

Deutero. 32.

s.

Midas.

tempore postea fuit institutum, vt narrat Iustinus. Sed tamen in huiusmodi permutatione & transportatione rerum, multæ difficultates acciderunt. Subtilisati homines vsum monetæ inuenere, quæ esset instrumentum permutandi ad inuitem naturales diuitias, quibus de per se subuenitur naturaliter humanæ necessitati. Nam ipsæ pecuniæ dicuntur *Artificiales diuitiæ*: contingit enim his abundantem mori fame, sicut exemplificat Aristoteles de Rege cupido, qui orauit, vt quidquid ipse tangeret, aurum esset: quod Dii annuerunt, & sic fame periit, vt dicunt Poetæ. Quoniam per pecuniam non immediatè succurratur indigentæ vitæ, sed est instrumentum artificialiter adinuentum pro naturalibus diuitiis leuiter permutandis. Et absque alia probatione clarè potest patere, quod numisma est valde vtile bonæ Communitati ciuili, & Reipublicæ vsibus opportunum, imo necessarium: vt dicit Aristoteles V. Ethicorum. Quanquam de hoc dicat Ouidius:

Effodiuntur opes irritamenta malorum,

Famque nocens ferrum ferroque nocentius aurum.

2. Variar. 10.

Hoc enim facit peruersa malorum cupiditas, non ipsa pecunia; quæ est humano conuictui multum accommodata, & cuius vsus per se bonus est. Inde ait Cassiodorus: *Pecunia ipsa quamuis vsu creberrimo viles esse videantur, animaduertendum est tamen, quanta à veteribus ratione collecta sunt.* Et in alio loco dicit, quod constat *Monetarios in vsum publicum specialiter esse inuentos.*

De qua materia debeat esse Moneta.

CAPVT II.

ET quoniam moneta est instrumentum permutandi diuitias naturales, vt patet ex capitulo præcedenti: conueniens fuit, quod ad hoc tale instrumentum fuerit aptum: quod sit, si sit atrectabile seu palpabile, & leuiter portabile, & quod pro modica eius portione habeantur diuitiæ naturales in quantitate maiori, cum aliis conditionibus, quæ postea videbuntur. Oportuit igitur, quod numisma fieret de materia preciosa & cara, cuiusmodi est aurum. Sed talis materia debet esse in competenti abundantia. propter quod vbi au-

rum

rum non sufficeret, moneta sit cum hoc de argento: vbi autem ista duo metalla non sufficerent, vel non haberentur, debet fieri mixtio, aut simplex moneta de alio puro metallo. Sicut antiquitus fiebat ex ære, vt narrat Ouidius i. Fastorum dicens,

Aera dabant olim, melius nunc omen in auro est.

Victaque concessit prisca moneta noua.

Similem etiam mutationem promisit Dominus per Esaiam, Esa. 60, 17. dicens: *Pro ære offeram aurum, & pro ferro offeram argentum.* Hæc enim metalla sunt ad monetam aptissima. Et vt Cassiodorus inquit, *Primus dicitur aurum & argentum Indus rex Scythia recepisse, & humano vsui summa laude tradidisse.* Et ideo non debet permitti, quod tantum ex eis in vsus alios applicetur, quod residuum non sufficiat pro moneta. Quod Theodoricus Rex Italiæ rectè aduertens, aurum & argentum, quod more gentium in sepulchris mortuorum erat reconditum, iussit depromi, & vsui monetæ ad vtilitatem publicam fecit Cassiodor. lib. 4. cap. 34. afferri, dicens, *Culpa genus esse inutiliter in abditis relinquere mortuorum, unde se vitæ potest sustentare viuendum.* Rursum nec expedit politiæ, quod talis materia sit nimis abundans: hac enim de causa moneta area recessit ab vsu, vt ait Ouidius. Forsan etiam ob hoc humano generi prouisum est, vt aurum & argentum, quæ sunt ad hoc aptissima, non facilè habeantur in copia, & vt non possint per Alchimiam faciliter fieri, Alchimia. sicut aliqui tentant: quibus (vt ita dicam) iustè obuiat ipsa natura, cuius opera frustra nituntur excedere.

De diuersitate Monetarum & mixtione.

CAPVT. III.

Moneta (vt dicit primum Capitulum) est instrumentum mercaturæ: Et quoniam contingit, quod cuilibet expedit mercaturam fieri, aliquotiens magnam seu grossam, quandoque vero minorem, & plerumque de paruis vel paruum: inde est quod conueniens fuit habere monetam Moneta maior & minor. preciosam, quæ facilius portaretur & enumeraretur, & quæ magis esset habilis ad mercaturas maiores. Expedit etiam habere argenteam, minus scilicet preciosam, quæ apta est ad recompensationes & æquiparantias faciendas, & pro em-

Nigra moneta.
24.

ptione mercimoniorum minorum. Et quoniam aliquoties in aliqua regione non satis competenter habetur de argento, secundum portionem diuitiarum naturalium: imo portiuncula argenti, quæ iustè dari deberet pro libra panis vel aliquo tali, esset minus bene palpabilis propter nimiam parvitatem: ideo facta fuit mixtio de minus bona materia cum argento. Et inde habuit ortum nigra moneta, quæ est congrua pro minutis mercaturis. Et sic convenientissimè, ubi non abundat argentum, sunt tres materiæ monetarum, prima aurea, secunda argentea, & tertia nigra mixta. Sed aduertendum est & notandum pro regula generali, quod nunquàm debet fieri mixtio, nisi tantummodo in minus precioso metallo, de quo confuevit fieri minus preciofa moneta. Verbi gratia, ubi haberetur moneta ex auro & argento, mixtio nunquam facienda est in moneta aurea: si tamen aurum talis naturæ fuerit, quod monetari possit in mixtum. Et est causa, quoniam omnis talis mixtio de se suspecta est, nec facile possunt auri substantia, & eius quantitas in mixtione cognosci. Propter quod nulla mixtio debet in monetis fieri, nisi propter necessitatem iam tactam: & tunc facienda est, ubi suspicio est minor, vel deceptionis minoris, & hoc est de metallo minus precioso. Rursum nulla talis mixtio facienda est, nisi duntaxat pro utilitate communi, ratione cuius moneta est inuenta, & ad quam naturaliter ordinatur, ut patet ex prius dictis. Sed nunquam est necessitas, nec apparet communis utilitas, faciendi mixtionem in moneta aurea, ubi habetur argentea: nec videtur posse bona intentione fieri, neque vnquam facta est in cõmunitate prospere gubernata.

De forma seu figura Moneta.

CAPVT IV.

Cum primum cõpissent homines mercari siue comparare diuitias mediante moneta, nondum erat in ea aliqua impressio vel imago, sed vna portio argenti vel æris dabatur pro potu vel cibo, quæ quidem portio mensurabatur ad pondus. Et quoniam tædiosum erat ita crebrò ad trutinam recurrere, nec bene poterat pecunia mercatoris æquiparari per pondus: cum hoc etiam, venditor (ut in pluribus) non poterat cognoscere metalli substantiam siue modum mixtionis,

nis,

nis
est, qu
minu
cunct
& por
netæ
stitur
nobis
lium
Solid
deris
clus
pond
impr
ab au
quæ
habib
num
siue t
ut fiat
hoc a
supra

A
mone
suo p
ris im
plure
sume
no co
publ
proc
impr
lis, &
etiam

nis: ideo per sapientes illius temporis prudenter prouisum est, quod portiones monetæ fierent de certa materia & determinati ponderis, & quod in eis imprimeretur figura, quæ cunctis notior significaret qualitatem materiæ numismatis, & ponderis veritatem, vt amota suspitione posset valor monetæ sine labore cognosci. Quod autem impressio talis instituta, sit nuntius & in signum veritatis materiæ & ponderis; nobis ostendunt antiqua nomina monetarum cognoscibulum ex impressionibus vel figuris, cuiusmodi sunt *Libra*, *Solidus*, *Denarius*, *Obolus*, & similia, quæ sunt nomina ponderis appropriata monetis, vt ait Cassiodorus. Similiter *Siclus* est nomen monetæ, vt patet in Genesi; & est nomen ponderis, vt patet ibidem. Alia verò monetæ nomina sunt impropria, accidentalialia, seu denominatiua à loco, à figura, ab auctore, vel aliquo tali modo, portiones autem monetæ quæ dicuntur *numisma*, deberent esse figuræ & quantitatis habilis ad contrectandum & ad numerandum, & de materia numerabili, ac etiam ductibili ac receptibili impressionis siue tenaci. Et inde est quod non omnis preciosa res apta est, vt fiat numisma: gemmæ enim, piper, & talia non sunt ad hoc apta nata, sed præcipuè aurum & argentum, sicut fuit supra tactum.

Libra.
Solidus.
Denarius.
Obolus.
Genes. 25. 15.

Cui incumbit facere numisma.

CAPVT. V.

ADhuc autem fuit antiquitus ordinatum, & propter deceptionem cauendam; quod non licet cui libet facere monetam, aut huiusmodi figuram vel imaginem imprimere in suo proprio argento vel auro: sed quod moneta vel characteris impressio fieret per vnā personam publicam, seu per plures à communitate ad hoc deputatas. Quia (sicut præmissum est) moneta de natura sua instituta est & inuenta pro bono communitatis. Et quoniam Princeps est persona magis publica, & maioris auctoritatis; conueniens est, quod ipse pro communitate faciat fabricare monetam, & eam congrua impressione signare. Hæc autem impressio debet esse subtilis, & ad effigendum seu contrafaciendum difficilis. Debet etiam prohiberi, ne aliquis extraneus princeps vel alter, fa-

Forma publica.

bricaret--

bricaret monetam similem in figura & minoris valoris, ita quod vulgus nesciret distinguere inter istam & illam. Hoc esset male factum, nec aliquis potest de hoc habere priuilegium; quia falsitas est, & causa iuste bellandi contra talem extraneum.

Cuius sit ipsa Moneta.

CAPVT VI.

Matth. 22.

Quamuis pro vtilitate communi Princeps habeat signare numisma, non tamen ipse dominus seu propriarius est monetæ currentis in suo principatu. Moneta siquidem est instrumentum æquiualeus permutandi diuitias naturales, vt patet ex primo Capitulo. Ipsa igitur est ipsorum possessio, quorum sunt huiusmodi diuitiæ. Nam si quis dat panem suum, vel laborem proprii corporis, pro pecunia, cum ipse eam recipit, ipsa est sua, sicut erat panis vel labor corporis, qui erat in eius potestate libera, supposito quod non sit seruus. Deus enim à principio non dedit solum principibus libertatem ad dominium rerum: sed primis parentibus & toti posteritati, vt habetur in Genesi. Moneta igitur non est solius principis. Si quis autem vellet opponere per hoc, quod Saluator noster, ostenso sibi quodam denario, ininterrogauit dicens, *Cuius est imago & superscriptio hac?* & cum responsum est, *Cæsaris*, ipse sententiauit dicens: *Reddite igitur quæ sunt Cæsari, Cæsari; & quæ Dei sunt, Deo.* Ac si diceret: Cæsaris est numisma, ex quo imago Regis in eo est impressa. Sed inspicienti seriem Euangelii patet facillè, quod non ideo dicitur Cæsari deberi denarius, quia erat Cæsaris imagine superscriptus, sed quoniam erat tributum. Nam vt ait Apostolus: *Cui tributum, tributum; & cui vectigal, vectigal.* Christus itaque signauit, per hoc posse cognosci cui debeat tributum: quod illi debebatur, qui pro Republica militabat, & qui ratione Imperii poterat fabricare monetam. Est igitur pecunia communis & singularium personarum: & ita dicit Aristoteles VII. Politicæ, & Tullius circa finem veteris Rhetoricæ.

Ad

DE MUTATIONE MONET.

7

Ad cuius expensas fabricanda sit moneta.

CAPYT. VII.

Sicut ipsa moneta est communis, ita debet fabricari expensis communis. Hoc autem conuenientissimè, si huiusmodi expensæ accipiantur supra totam monetam, per hunc modum; quod materia monetabilis, sicut aurum, quando traditur ad monetandum, vel venditur pro moneta, detur pro minori pecunia, quam possit ex ea sub certo precio taxato haberi. Verbi gratia, si ex marca argenti fieri possint L. XII. solidi, & pro labore & necessariis ad monetandum eam requirantur duo solidi, erunt pro monetatione L. XIV. Hæc autem portio taxata debet esse tanta, quod sufficiat abundanter omni tempore pro fabricatione monetæ. Et si moneta possit fieri pro minori precio, satis congruum est, quod residuum est distributori vel ordinatori, scilicet Principi vel magistro Monetarum, & sic sicut quædam pensio. Sed tamen huiusmodi portio debet esse moderata, & sufficienter satis parua, si monetæ sufficeret debito modo, ut dicitur postea. Et si talis portio vel pensio esset excessiua, hoc foret in damnum & præiudicium totius communis, sicut potest unicuique faciliter apparere.

Summus monetationis.

De mutationibus monetarum in generali.

CAPYT. VIII.

Ante omnia sciendum est, quod nunquam sine euidenti necessitate mutandæ sunt priores leges, statuta, consuetudines seu ordinationes quæcunque, tangentes communis. Imo secundum Aristotelem in II. Politicæ, Lex antiqua positiua non est abroganda pro meliore noua, nisi sit multum notabilis differentia in bonitate earum, quoniam mutationes huiusmodi diminuunt ipsarum legum auctoritatem & reuerentiam, & multo magis si frequenter fiant. Ex hoc enim oritur scandalum & murmur in populo, & periculum inobedientiæ. Maxime si tales mutationes essent in peius; nam tunc forent intolerabiles & iniustæ. Nunc autem ita est, quod cursus ipsarum monetarum in regno debet esse quasi quædam lex & quædam ordinatio firma. Cuius signum est,

Legum mutatio cauenda.

B quod

quod quædam pensiones & quidam redditus annuales taxati sunt ad precium pecuniæ, scilicet ad certum numerum librarum vel solidorum. Ex quo patet, quod nunquam debet fieri mutatio monetarum, nisi fortè emerget necessitas, aut fortè evidens utilitas pro tota communitate. Vnde Aristoteles V. Ethicorum, loquens de numismate, *Verumtamen*, inquit, *vult manere magis*. Mutatio autem monetæ (pro ut in generali possum perpendere) potest imaginari fieri multipliciter. Vno modo in forma seu figura præcisè, alio modo proportionè, alio modo in appellatione vel nomine, alio modo in quâtitare vel pondere, & alio modo in substantia materiæ. In quolibet enim istorum quinque modorum, sigillatim aut pluribus simul, potest mutari moneta. Bonum est igitur istos modos discurrendo declarare, & per rationem inquirere, si aliquo eorum potest iustè mutari moneta: & quando, & per quem, & qualiter, & propter quid.

De mutatione Monetæ in figura.

CAPVT IX.

Figura impressa seu Character Monetæ potest dupliciter innouari. Vno modo, non prohibendo cursum monetæ prioris, ut si princeps in mōneta, quæ sit suo tempore, inscriberet nomen suum, permittendo super cursum præcedentis. Et hæc non est propriè mutatio, nec est magna vis si hoc fiat, dum tamen non implicetur cum hoc alia mutatio. Alio modo potest innouari figura, faciendo nouam monetam cum prohibitione cursus antiquæ. Et est propriè mutatio: & potest fieri iustè propter alteram duarum causarum. Vna est si aliquis Princeps extraneus, vel aliqui falsarii malitiosè effigiarint vel contrafecerint modulos seu cuneos monetarum, & inueniatur in regno moneta sophistica, falsa & similis bonæ in colore & figura: tunc qui non posset aliter remedium apponere, expediret mutare modulos & figuram impressionis monetæ. Alia causa posset esse, si forsitan antiqua moneta esset vetustate nimia impeiorata vel in pondere diminuta: tunc cursus deberet prohiberi, & in noua meliore esset facienda impressio differens, ut vulgus sciret per hoc distinguere inter istam & illam. Sed non videtur mihi

mihi, quod Princeps posset inhibere cursum prioris monetæ sine altera istarum causarum: alias enim talis mutatio esset præter necessaria, scandalosa, & communitati damnosa. Nec apparet, quod princeps ad talem mutationem posset moueri, nisi altero istorum modorum; videlicet, aut quod vult ut in quolibet numismate, inscribatur nomen suum, & non aliud: & hoc esset facere irreuerentiam prædecessoribus suis, & ambitio vana. Aut quod vult plus * fabricare de moneta, * f. peius. ut ex hoc habeat plus de lucro, iuxta illud quod tactum est supra cap. VII. & hæc est, praua cupiditas, in præiudicium & damnum totius communitatis.

De mutatione proportionis Monetarum.

CAPITULUM X.

Proportio est rei ad rem comparatio, vel habitudo: sicut in proposito, monetæ aureæ ad monetam argenteam debet esse certa habitudo in valore & precio. Nam secundum hoc, quod aurum est de natura sua preciosius & rarius argento, & ad inueniendum vel habendum difficilius, ipsum aurum æqualis ponderis debet præualere: sicut forsitan esset proportio viginti ad vnum, & sic vna libra auri valeret viginti libras argenti, & vna marcha xx. marchas, & vna vncia xx. vncias, & sic semper conformiter. Et possibile est quod sit vna alia proportio, sicut forte xxv. ad tria, & quæuis alia. Verum tamen ista proportio debet sequi naturalem habitudinem auri ad argentum in preciositate, & secundum hoc instituenda est huiusmodi proportio. Quam non licet voluntariè transmutare, nec potest iure variari, nisi propter causam realem, & variationem ex parte ipsius materiæ: quæ causa rarè contingit. Ut si forsitan notabiliter minus inueniretur de auro, quam ante: tunc oporteret quod esset carius in proportionem ad argentum, & quod mutaretur in precio & valore. Si parum aut nihil sit mutatum in re, tunc hoc nullo modo posset licere Principi. Nam si huiusmodi proportionem ad libitum immutaret, ipse per hoc posset attrahere sibi indebitè pecunias subditorum: ut si taxaret aurum ad paruum precium, & illud emeret pro argento, & inde augmentatè precio rursus venderet aurum suum vel mone-

Genes. 41.

tam auream, vel conformiter de argento: illud esset similiter, sicut si poneret precium in toto frumento regni sui, & emeret, & postea venderet pro maiori precio. Quisque certe potest clare videre, quod ista esset iniusta exactio, & vera tyrannis: immo, videretur violentior & peior, quam illa fuerit quam fecit Pharaon in Aegypto: de qua Cassiodorus ait: *Joseph legimus contra famem funestam, emendi quidem tritici dedisse licentiam, sed tale paluisse precium, ut sua subiectionis avidus populus se venderet, potius alimoniam mercaturus. Quale fuit rogo tunc miserum vivere, quibus acerba subuentio libertatem suam videbatur adimere; ubi non minus ingemit liber alius quam potuit scire captivus. Credo virum sanctum hac necessitate constrictum, ut & avaro principi satis facere, & periclitanti populo subvenire.* hæc ille. Istud autem monopolium monetarum adhuc esset verius tyrannicum, eo quod foret magis involuntarium, & communitati non necessarium, sed præcise damnosum. Si quis autem dicit, quod non est simile de frumento, quod aliqua spectant specialiter ad principem, tu quibus potest statuere precium prout placet: sicut dicunt aliqui de sale, & fortiori ratione de moneta. Istud autem monopolium seu gabella salis, aut cuiuscunque rei necessariae Communitati, iniusta est. Et si qui Principes statuerent leges hoc eis concedentes, ipsi sunt de quibus Dominus per Isaiam Prophetam dicit, *Us qui condunt leges iniquas & scribunt & iniustitias scripserunt.* Rursum ex primo & sexto capitulis satis patet, quod pecunia est ipsius Communitatis. Ideoque & ne Princeps possit malitiose fingere causam mutationis proportionis monetarum in presenti capitulo assignatam, ipsi soli Communitati spectat discernere, si & quando, & qualiter, & usquequo immutanda est huiusmodi proportio: nec Princeps hoc debet sibi quomodo libet vsuppare.

Isai. 10. 1.

De mutatione appellationis Monetarum.

CAPITULUM XI.

Sicut fuit dictum capitulo IIII. quædam sunt appellationes seu necessaria accidentalia monetarum, denominationa-
tiua ab auctore, vel à loco: & ista quasi nihil vel modicum faciunt ad propositum. Sed alia sunt magis essentialia & appropriata

propriata numismati, sicut Denarius, Solidus, Libra, & similia, quæ denotant precium, siue pondus, & quæ fuerunt alta consideratione & magno mysterio ab antiquis imposita. Vnde Cassiodorus, *Animaduertendum est, inquit, quanta ratione ipsa pecunia à veteribus collecta sunt. Sex millia denariorum solidum esse volebant, scilicet ut radiantis metalli formata rotunditas ætæ emundi, quasi sol aureus, conuenienter includeret. Senarium vero (quem non immerito perfectum antiquitas docta definiuit) Vncia, qui mensura primus gradus est, appellatione significauit: quia duodecies si similitudine mensuram computamus in libra plenitudinem ab anni circulo colligerunt. O inuenta præsentium. O prouisa maiorum. Exquisita res est, quæ & usui humano necessaria distingueret, & tot arcana natura figuratiter contineret. Merito igitur dicitur Libra, quæ tanta rerum est consideratione trutinata.* Hæc ille. Si autem alio modo utamur pro nunc istis nominibus & nummis, nunquam tamen immutanda sunt frustra. Sunt igitur (gratia exempli) tres modi numismatis, Primum valeat vnum denarium, secundum vnum solidum, & tertium vnā libram. Si igitur appellatio vnus immutetur, & non alterius, iam variabitur proportio. Sicut qui vocaret vel faceret valere primum numisma duos denarios, aliis non mutatis, proportio esset variata: quod non licet fieri (vt patet ex capitulo præcedenti) nisi forte rarissime, & hoc ad præsens non curo. Oportet igitur si proportio remaneat immutata, & vnum numisma mutaret appellationem, quod aliud etiam proportionabiliter immutetur: vt si primum vocetur duo denarii, secundum vocetur duo solidi, & tertium duæ libræ. Si autem non fieret alia mutatio, oporteret mercimonia ad maius precium comparare proportionabiliter seu appellare. Sed talis mutatio non fieret frustra, & non est faciendā: quia scandalosa esset, & appellatio falsa. Illud enim appellaretur libra, quod in veritate non esset libra: quod est inconueniens, vt nunc dictum est. Verumtamen nullum aliud inconueniens sequeretur, vbi non essent pensiones vel aliqui redditus pecuniæ assignati: vbi vero essent, statim patet, quod cum inconuenientibus prædictis huiusmodi redditus ex tali mutatione proportionaliter minuerentur, aut crescerent irrationabiliter & iniuste, ac etiam in præiudicium multorum. Nam vbi pensiones vel re-

ditus aliquorum essent minus parui, deberent per alium modum specialem augeri, & non isto modo præiudiciali & damnofo. Hæc igitur appellationis mutatio præcisè nunquam est faciendâ, & maxime Princeps in nullo casu debet hoc attemptare.

De mutatione ponderis Monetarum.

CAPVT XII.

SI pondus numismatis mutaretur, & cum hoc variaretur proportionabiliter precium, & appellatio cum figura; hoc esset facere aliud genus monetæ; sicut qui faceret de vno denario duos, vel aliquid tale, sine perditione vel lucro. Et istud posset licitè aliquoties fieri propter aliquam transformationem realem in materia monetabili, quæ non potest nisi rarissimè contingere; sicut in quadam alia mutatione dictum est Cap. XI. Nunc autem volo dicere de præcisa mutatione ponderis seu quantitatis monetæ, quæ fieret appellatione & precio non mutatis. Et videtur mihi, quod talis mutatio est simpliciter illicita, potissimè Principi, qui nullo modo potest hoc facere, nisi turpiter & iniuste. Primo namque superscriptio in numismate per principem ponitur ad designandam certitudinem ponderis, & materiæ qualitatem, sicut fuit ostensum supra cap. IIII. Igitur si non responderet veritas in pondere, patet statim, quod esset falsitas vilissima & deceptio fraudulenta. Sæpe enim mensuræ bladi & vini, & aliæ signatæ sunt publico signo Regis, & si quis in istis fraudem committeret, reputaretur falsarius. Omnino autem consimiliter superscriptio numismatis significat mensuram ponderis, & materiæ veritatem. Quam igitur sit iniquum, quam detestabile, præcipuè in Principe, sub eodem signo pondus minuere, quis sufficeret explicare? De hoc enim ad istud propositum Cassiodorus libro Variarum inquit: *Quid enim tam nepharium, quam ut præscriptionibus liceat etiam in ipsa certi aequalitate peccare, utque proprium datum, hoc per fraudes noscatur esse corruptum.* Idemque lib. I. cap. X. *Talia igitur secreta violare, sive certissima velle confundere, nonne veritatis ipsius videtur esse crudelis ac foeda laceratio? Exerceantur negotiatores in mercibus:*

*mercibus: emanent late quæ vendantur angustius. Constat populis pondus ac mensura probabilis: quia cuncta turbantur, si integritas cum fraudibus misceatur. Da ceriè solidum, & aufer inde, si præuales. Trade libram, & aliquid inde, si potes, imminue. Cuncta ista (nominibus ipsis constat esse prouisum) aut integra tribuis, aut non ipsa quæ dicuntur, exsoluis. Non potestis omnino, non potestis nomina integritatum dare & scelestasi, imminutiones efficere. Adhuc autem Princeps per hunc modum sibi posset acquirere pecuniam aliam, & pecunia aliena potest mouere ad mutationem huiusmodi faciendam. Recipit enim numismata boni ponderis, & ex eis acciperet & fabricaret numismata cum tempore mutilato pondere. Et hoc non est aliud, quam quod in multis locis sacræ scripturæ prohibetur à Deo: Vide (ait Sapiens) pondus & *Proverb. 10. 10* pondus, mensura & mensura, utrumque abominabile apud Deum. Et in Deuteronomio dicitur, quod Deus abominatur eum qui facit *Deuter. 25. 15* hoc. Et ideo diuitiæ taliter congregatæ in malum Domini sui, consumuntur in breui, quia (sicut ait Tullius) male parca male delabuntur.*

De mutatione materiae Monetarum.

CAPVT XIII.

Aut materia numismatis est simplex, aut mixta, ut patuit ex capitulo tertio. Si simplex, ipsa potest propter defectum dimitti: ut si nihil aut modicum auri possit inueniri, oportet ipsum desinere monetari; & si de nouo reperiretur sufficiens abundantia eius, incipiendum esset facere monetam ex ipso, sicut aliquotiens fuit factum. Rursus aliqua materia deberet dimitti monetari propter abundantiam excessiuam. Propter hoc enim ærea moneta olim recessit ab usu, ut dictum fuit in eodem Capitulo tertio. Sed huiusmodi causæ eueniunt rarissimè: & in nullo alio relinquenda est, vel assumenda nouiter pura siue simplex materia monetarum. Si autem in tali materia sit mixtio, ipsa debet fieri solum in minus precioso metallo per se monetabili (ut probatum fuit in eodem capitulo tertio) & in nigra moneta, ut cognoscatur purum à mixto. Hæc etiam mixtio debet esse secundum certam proportionem, sicut decem de argento contra unum, vel contra tria de alio metallo, vel aliquo modo, sicut expedit, secundum

secundum prius dicta in capitulo tertio. Et ista proportio potest mutari propter aliquam proportionem seu variationem realem in natura materiae vel æquivalentis: & dupliciter. Aut propter defectum materiae, sicut qui non haberet argentum, nisi multum notabiliter minus quam ante, tunc posset diminui proportio argenti ad reliquum metallum in nigra moneta: aut si haberetur de argento abundanter plus quam ante, tunc plus de eo deberet poni in illa mixtione. Sed (sicut prædictum est) istæ causæ valde raro contingunt, & si forsan talis casus aliquotiens euenerit, adhuc huiusmodi proportionis siue mixtionis mutatio facienda est per Communitatem ad maiorem securitatem habendam, & deceptionis malitiam euitandam: sicut de mutatione proportionis monetarum dictum est in capitulo X. In nullo vero alio casu debet mutari mixtio talis siue proportio mixtionis, potissime nunquam potest hoc licere Principi, propter rationes tactas in capitulo præcedenti, quæ de directo faciunt ad propositum. Quoniam impressio monetae est signum veritatis materiae, & huiusmodi mixtionis. Hanc igitur mutare, esset monetam falsificare. Propter quod in quibusdam nummis inscribitur nomen Dei, vel B. Virginis, vel alicuius Sancti, & signum Crucis: quod fuit inuentum & antiquitus institutum in testimonium veritatis monetae in materia & pondere. Si igitur Princeps sub ista inscriptione immutet materiam siue pondus, ipse videtur tacite mendacium & perurium committere, falsum testimonium perhibere, ac etiam præuicator fieri illius præcepti legalis quo dicitur, *Noli assumere nomen Dei in vanum*. Etiam ipse abutitur hoc vocando monetam. Nam secundum Hugutionem, *Moneta dicitur à mōnec*, quia monet ne fraus in metallo vel pondere fiat. Rursum Princeps per hunc modum ad se posset trahere populi substantiam indebitè, sicut fuit dictum de mutatione ponderis in priori capitulo, & multa alia inconuenientia sequerentur. Immo pro certo ista falsitas esset peior quam in mutatione ponderis: quia magis est sophistica, & minus perceptibilis, & magis posset nocere & plus ledere communitatem. Et propter hoc, ubi sit talis mutatio vel nigra moneta, *Communitas debet custodire penes se, in loco, vel locis publicis,*

Exod. 20. 7.

Moneta sty-
mon.

publ
nis, p
vel N
Sicut
aliar

M
propo
etiam
nes p
Et qu
reales
scien
vera
si for
ci, tal
fieri,
per ip
cibus
etum
positi
dere,
braba
argen
muta
non o
rios ad
tas co
igitur
mone
ritate
lume

publicis, exemplar istius proportionis, & qualitates mixtionis, pro vitandis periculis; ne videlicet Princeps (quod absit) vel Monetarii mixtionem huiusmodi occultè falsificarent. Sicut etiam apud Communitatem seruantur quandoque aliarum mensurarum exemplaria.

De mutatione composita Monetarum.

CAPVT XIII.

MVtatio composita est, quando plures mutationes simplices implicantur in vnam, sicut qui mutaret simul proportionem monetæ vel mixtionem materiæ, vel cum hoc etiam pondus. Et hic quandoq; multiplicantur combinationes possibiles mutationum simplicium superius positarum. Et quoniam nulla mutatio simplex debet fieri, nisi propter reales & naturales causas iam dictas, quæ rarissimè accidunt; sciendum quod adhuc rarius, imò fortè nunquam, contingit vera occasio faciendi mutationem monetæ compositam. Et si forsan contingeret, adhuc fortiori ratione quam de simplici, talis mutatio composita nunquam debet per Principem fieri, propter pericula & inconuenientia prius tacta: sed per ipsam Communitatem. Nam si ex mutationibus simplicibus indebitè factis tot abusiones sequuntur, sicut prædictum est ante; multo maiores & peiores sequerentur ex compositis. Namque debet esse vera & iusta in substantia & pondere, quod nobis signatum est in sacra scriptura, vbi de Abraham dicitur, *Quod ipse emit agrum, pro quo dedit siclos cccc. argenti probata moneta publica.* Si igitur ipsa foret bona, & non mutaretur indebitè, cum ipsa sit longo tempore durabilis, non oporteret de ea multum fabricare, nec plures monetarios ad expensas Communitatis habere. Et in hoc esset utilitas communis, sicut tactum fuit capitulo vii. Vniuersaliter igitur ex præmissis concludendum est, quod nulla mutatio monetæ, siue simplex, siue composita est sola Principis auctoritate facienda: & maximè vbi hoc vellet facere propter emolumentum & lucrum ex tali mutatione sumendum.

Quod lucrum quod prouenit Principi ex mutatione monetæ, sit iniustum.

CAPVT XV.

C Videtur

Videtur mihi, quod principalis & finalis causa, propter quam princeps vult sibi assumere potestatem mutandi monetas, est emolumentum vel lucrum, quod inde potest habere: aliter enim frustra faceret tot & tantas mutationes. Volo igitur adhuc plenius ostendere, quod talis acquisitio est iniusta. Omnis enim mutatio monetæ, præterquam in rarissimis, accipit simpliciter involuntariè pecuniam subditorum, quod prohibet cursum prioris monetæ, melioris forte, & quam quilibet plus vellet habere quàm aliam: deinde præter necessitatem absque utilitate, quæ ex hoc posset provenire subditis, ipse reddit eis pecuniam minus bonam. Et si faciat meliorem quam ante, hoc tamen est, ut deteriores in posterum, & tribuat eis minus æquivalenter de bona quàm receperat de alia. Et qualitercunque sit, ipse retinet profecto partem pro se. In hoc igitur quod ipse supra pecuniam recipit incrementum, contra & præter naturalem ipsius usum, ipsa acquisitio par est ipsi usuræ, & peior quàm usura: eo quod est minus voluntaria vel magis contra voluntatem subditorum, & absque hoc quod possit eis proficere, & præter necessitatem penitus. Et quoniam lucrum foeneratoris non tantum excedit, nec ita præiudiciabile generaliter multis, sicut istud quod contra & supra totam Communitatem impositum, non minus tyrannicè quam dolosè, ita ut sit mihi dubium, an potius debeat dici violenta prædatio, vel actio fraudulenta.

*Quod tales mutationes monetarum, quantum est ex se,
non sunt permittenda.*

C A P V T . X V I .

Aliquotiens ne peius eueniat, & pro scandalo euitandò, permittuntur in Communitate aliqua inhonesta & mala, sicut lupanaria publica. Aliquando etiam pro aliqua necessitate vel oportunitate permittitur aliqua negotiatio vilis, sicut est ars Campforis, vel etiam prava, sicut est usura. Sed de tali mutatione monetæ pro lucro accipiendo, non apparet aliqua causa mundi, quare tantum lucrum debeat an possit admitti. Quoniam per istud non euitatur scandalum,

sed.

sed potius generatur (vt patet satis ex octauo Capitulo) & multa inconuenientia inde sequuntur, quorum aliqua iam tacta sunt, & adhuc aliqua postea videbuntur, nec est aliqua necessitas siue oportunitas hoc faciendi, neque potest reipublicæ expedire. Cuius rei manifestum signum est, quod mutationes huiusmodi sunt nouiter adinuentæ, sicut iam tactum est in Capitulo præcedenti. Nunquam enim sic factum est in ciuitatibus aut regnis olim prosperè gubernatis, nec vnquam reperi historiam quæ de hoc faceret mentionem, hoc excepto, quod in quadam epistola Cassiodori scripta nomine Theodorici Regis Italiæ, vna parua mutatio in pondere facta, durissimè repræhenditur, & multum efficaciter reprobat, quam quidam Arcarius fecerat pro quibusdam stipendiariis persoluedis. Vnde prædictus Rex Boëtio de hoc scribens, inter cætera dicit: *Quapropter prudentia vestra lectionibus erudita dogmaticis scelestam falsitatem à consortio veritatis euiciat, ne cui sit appetibile de illa integritate subducere.* Et quibusdam interpositis rursum inquit: *Mutilari cerè non debet, quod laborantibus datur, sed à quo actus fidelis exigitur, compensatio immutata præstetur.* Si verò Italici seu Romani tales mutationes finaliter fecerunt, sicut videtur ex quadam praua moneta veteri, quæ quandoque reperitur in campis; hoc fuit fortè vna de causis, quare eorum nobile dominium deuenit ad nihilum. Sic igitur patet, quod istæ mutationes tam malæ sunt, quod de natura sua non sunt aliquatenus permittendæ.

Lib. 1. Epist. 10.

*De quibusdam inconuenientibus tangentibus Principem,
qua sequuntur ex permutationibus
monetarum.*

C A P V T . X V I I .

Multa & magna inconuenientia oriuntur ex taliter mutando monetas, quorū aliqua principalius respiciunt Principem, alia totā Communitatē, & alia magis partes ipsius Communitatis. Vnde breui tempore nuper transacto quam plurima talia in regno Franciæ visa sunt euenire, aliqua etiā iam tacta sunt ante, quæ tamen expedit recitare. Primo namque nimis turpe & nimis detestabile est Principi, fraudem

C 2 com-

committere, monetam falsificare, aurum vocare, quod non est aurum, & libram quod non est libra, & sic de talibus prius positis XII. & XIII. capitulis, Præterea sibi incumbit falsos monetarios condemnare. Quomodo igitur potest satis erubescere, si reperiatur in eo, quod in alio deberet turpissima morte punire. Rursum magnum scandalum est (sicut dicebatur VIII. capitulo) & vile Principi, quod moneta regni sui nunquam in eodem statu permanet, sed de die in diem variatur: & quandoque in vno loco plus valet quam in alio pro eodem tempore. Item sapissimè ignoratur, his durantibus temporibus vel mutationibus, quantum valeat hoc numisma vel illud, & hoc mercari seu emere vel vendere monetam, seu altercari de precio, quod est contra eius naturam: & sic rei quæ debet esse certissima, nulla est certitudo, sed potius incerta & inordinata confusio, in vituperium principatus. Item absurdum est, & penitus alienum à regia nobilitate, prohibere cursum veræ & bonæ monetæ regni, & ex cupiditate præcipere, imò cogere subditos ad utendum minus bona moneta, quasi velit dicere, quod bona est mala, & è conuerso: cum tamen talibus dictum est à Domino per Prophetam, *Va vobis, qui bonum dicitis malum, & malum bonum.* Et iterum dedecus est principi, irreuereri prædecessores suos, nam quisque tenetur ex Dominico præcepto *honorare parentes suos.* Ipse autem progenitorum videtur detrahare honori, quando bonam monetam eorum abrogat, & facit eam cum eorum imagine scindere: & loco monetæ aureæ, quam ipsi fabricauerunt, facit monetam æneam in parte. Quod videtur fuisse figuratum in Libris Regum, ubi legitur, quod Rex Roboam abstulit scuta aurea, quæ fecerat pater eius Salomon, pro quibus fecit scuta ænea. Idem quoque Roboam perdidit bis quinque partes populi sui, pro eo quod ipse voluit in principio nimis gravare subditos aut subiectos. Adhuc autem Rex debet nimis abhorre tyranlica facta, cuiusmodi est mutatio talis, ut prædictum est sæpe; quæ etiam est præiudiciabilis & periculosa pro tota posteritate regali, sicut in sequentibus diffusius ostendetur.

De

Isai 5. 20.

3. Reg 14.

Inte
tota
tange
hoc p
tis, &
quæd
sunt n
pitur
uame
etam.
nerali
tales
quia
locan
ad loc
tur di
extra
lem n
Rex
ta m
dend
centu
tur o
sunt,
neret
Princ
na m
seu d
ferri
teris
piun
in ta
per
tatio

*De aliis inconuenientibus totam Communitatem
tangentibus.*

CAPVT XVIII.

INter multa inconuenientia ex mutatione monetæ, quæ totam communitatem respiciunt, vnum est quod prius tangebatur principaliter Cap. xviii. quod Princeps per hoc posset ad se trahere quasi totam pecuniam Communitatis, & nimis depauperare subiectos. Et quemadmodum quædam ægitudines chronicæ sunt aliis periculosiores, & sunt minus sensibiles: ita talis exactio, quanto minus percipitur, tanto periculosius exercetur: non enim ita citò grauamen ipsius sentitur à populo, sicut per vnā aliam collectam. Et tamen nulla ferè talia potest esse grauior, nulla generalior, nulla maior. Rursum aurum & argentum propter tales mutationes & impeiorationes minorantur in regno: quia non obstante custodia defertur ad extra, vbi carius collocantur. Homines enim conantur suam monetam portare ad loca, vbi eam credunt magis valere. Ex hoc igitur sequitur diminutio monetarum materiæ in regno. Item illi de extra regnum alioquoties contrafaciunt & afferunt similem monetam in regno, & sic attrahunt sibi lucrum, quod Rex ille credit habere. Adhuc etiam forsitan ipsa monetæ materia in parte consumitur, fundendo eam & refundendo totiens, quotiens solet fieri, vbi mutationes exercentur. Sic igitur materia monetabilis tripliciter minuitur occasione mutationum prædictarum. Igitur non possunt, vt videtur, longo tempore permanere, vbi non permaneret materia monetabilis muneris ab aliunde: & sic tandem Princeps non haberet vnde facere posset sufficienter de bona moneta. Item propter istas mutationes, bona mercimonia seu diuitiæ naturales de extraneis regnis cessant ad illud afferri, in quo moneta sic mutatur: quoniam mercatores cæteris paribus prædiligunt ad ea loca transire, in quibus recipiant monetam certam & bonam. Adhuc autem intrinsecus in tali regno negotiatio mercatorum per tales mutationes perturbatur & multipliciter impeditur. Præterea his mutationibus durantibus, redditus pecuniæ, pensiones annua-

les, locagia, censuræ, & huiusmodi similia, non possunt bene & iuste taxari seu appreciari, ut notum est. Item nec pecunia potest securè mutuo dari seu tradi, & sic de talibus: imo multi nolunt ista charitatiua subsidia facere, propter tales mutationes. Et tamē sufficientia materiæ monstabilis, mercatores, & omnia prædicta alia sunt necessaria, aut valde bona & utilia naturæ humanæ: & opposita sunt præiudiciabilia, & nociua toti Communitati civili.

*De aliis inconuenientibus partem Communitatis
tangentibus.*

CAPVT XIX.

Quædam partes Communitatis occupatæ sunt in negociis honorabilibus, aut utilibus toti Reipublicæ, ut in diuitiis naturalibus, ad crescendum vel tractandum pro necessitate Communitatis, cuiusmodi sunt viri Ecclesiastici, iudices, milites, agricolæ, mercatores, artifices, & similes. Sed alia pars auget diuitias proprias vili quæstu, sicut Campfores, mercatores monetæ, siue Billonatores: quæ quidem negotiatio turpis est, prout dictum est supra Cap. xv. Isti igitur qui sunt quasi præternecessarii reipublicæ, & quidam alii, sicut receptores & tractatores pecuniæ, & tales, capiunt magnam partem emolumentum siue lucrum prouenientis ex mutationibus monetarum, & maliciosè aut fortuito ditantur inde contra Deum & iustitiam: quoniam ipsi sunt tot diuitiis immeriti & tantis bonis indigni. Alii verò depauperantur ex hoc, qui sunt optimæ partes illius Communitatis. Ita quod Princeps plures & meliores subditos per istud damnificat, & sic nimium grauat, & tamē non totum lucrum venit ad ipsum, sed magnam partem habent isti prædicti, quorum negotiatio vilis est, & admixta cum fraude. Rursum quando Princeps non facit præscire populo tempus & modum futuræ mutationis monetæ, quam intendit facere; aliqui per cautelas aut amicos hoc secretè prouident, & tunc emunt mercimonia pro moneta debili, & postea vendunt pro forti, & subito fiunt diuites, & nimium lucentur indebite contra naturalis mercationis legitimum cursum. Et videtur esse quodammodo genus monopolii,

lii, in præiudicium & damnum totius Communitatis residuæ. Adhuc per tales mutationes necesse est redditus taxatos ad numerum pecuniæ, aut iniuste minui, aut iniuste saltem augeri, sicut tactum fuit ante Capitulo de mutatione appellationis monetæ. Item Princeps per tales diuersificationes & sophisticationes monetarum dat malis occasionem faciendi falsam monetam, aut quia nō nimis est contra conscientiam eorum ipsam falsificare, ex quo apparet eis quod ista facit Princeps, aut quia nimis est contra conscientiam ipsorum, quod falsitas non ita citò apprehenditur, & possunt facilius, & plura mala his statibus perpetrare, quàm si semper curre-
ret bona moneta. Præterea istis stantibus quam innumera-
biles perplexitates, obscuritates, errores & inextricabiles
difficultates accidunt in computis, de missis & receptis. Ori-
untur etiam inde materiæ litigiorum, & variæ quæstiones:
malæ per solutiones debitorum, fraudes, inordinationes, ab-
usionem quam plurimam, & inconuenientia multa, quæ nesci-
rem explicare; forsan quibusdam enumeratis prius maiora
& deteriora, & hoc est difficile videre.

*Si Communitas potest facere tales mutationes.
monetæ.*

CAPVT XX.

CUm moneta sit Cōmunitatis, vt ostensum est Capitulo sexto, videtur quod ipsa Communitas possit de ea ad libitum ordinare. Igitur etiam eam potest quomodo libet variare, & super hoc capere quantum placeat, & de ea facere sibi potestatem mutandi monetas. Sed hoc est contra honorem regni, attentare principem exhæreditare, ipsum depauperare, & statu magnificentie destituere, non tam iniuste, quàm etiam vituperabiliter pro tota Communitate, quam non decet habere Principem, nisi excellenti statu pollentem.

Responsio

Responsio ad prædicta & conclusio principalis.

CAPVT XXI.

Quamuis in solutione primi argumenti forsan multæ difficultates possent occurrere: vetumtamen breuiter transeundo pronunc occurrit mihi, quod ne Princeps fingeret talem necessitatem esse, quando non est, sicut fingunt tyranni, vt dicit Aristoteles; determinandum est per Communitatem vel per valentio rem eius partem expresse vel tacite, quando qualis vel quanta necessitas imminet. Expresse dico, quod ad hoc debet congregari communitas; si ad sit facultas. Tacite verò, si fuerit tam festina necessitas, quod populus vocari non possit, & tam euident quod postea appareat notorie; tunc non licet principi aliquid recipere de facultatibus subditorum per mutationem monetæ, sed per modum mutui, de quo postea faciend a est restitutio plenaria: Ad aliud cum dicitur, quod Princeps potest habere priuilegium mutandi monetas, primò non intromitto me de potentia Papæ: sed puto quod nunquam hoc concesserit, nec concederet: quoniam sic ipse daret licentiam malefaciendi, quam nullus bene operando meretur accipere. De Imperatore autem Romano dico, quod ipse nulli Principi potuit vnquam priuilegium dare faciendi illud, quod sibi met non liceret: sicut est talis mutatio monetæ, vt patet ex prædictis. De Communitate etiam dictum est in capitulo secundo, quod ipsa non potest mutare monetas, nisi in certo casu: & tunc si ipsa hoc committeret Principi cum limitatione rationabili, quæ eodem capitulo potest & aliis apparere, iam hoc non faceret Princeps tanquam principalis auctor, sed tanquam ordinationis publicæ executor. Ad aliud autem cum dicitur, quod cõmunitas cuius est moneta, potest se spoliare suo iure, & illud totum Principi tradere, & sic totum ius monetæ deuolueretur ad principem; Primo videtur mihi, quod hoc nunquam faceret Communitas bene consulta: nec etiam sibi licet quomodo libet mutare monetas, aut male vti re sua, vt dictum est Capitulo xxi. Item communitas ciuim, quæ naturaliter est libera, nunquam scienter se redigeret in seruitutem, aut se subiceret iugo tyrannicæ potestatis.

Si

Si igitur ipsa decepta, vel minis territa vel coacta, concedat Principi tales mutationes, non aduertens inconuenientia quæ sequuntur, & ex hoc seruiliter se fore subiectam; ipsa potest hoc statim vel quomodo libet reuocare. Item res quæ spectat alicui quasi de iure naturali, non potest ad alterum iuste transferri. Si autem pertinet moneta ipsi liberæ Communitati, (vt satis patet ex Capitulis primo & sexto) sicut igitur communitas non potest cōcedere Principi, quod ipse habeat auctoritatem abutendi vxoribus ciuium quibuscunque voluerit; ita non potest ei dare tale priuilegium monetarum, quo ipse non posset nisi male vti, exigendo tale lucrum, supra mutationem earum: vt satis patet ex multis capitulis. Per hoc etiam patet illud, quod addebatur vltterius de communitate non concordi in ordinatione monetæ, quod potest condescendere, quantum ad hoc, in Principis arbitrio. Dico quod sic potest quantū ad aliqua, & ad tempus, sed non sibi concedendo potestatem tanti lucri sumendi super indebitis mutationibus supradictis. Ad aliud argumentum sumptum ex Capitulo septimo, de hoc quod Princeps potest aliquod emolumentum habere super monetam: respondeatur faciliter, quod hoc est quasi quædam parua pensio & limitata, quæ non potest quantumlibet augeri per mutationes prædictas, sed stat sine mutatione quacunque. Ad aliud conceditur, quod Princeps potest habere redditus, & debet habere magnificum & honestissimum statum: sed isti redditus possunt & debent alibi assignari, & aliter sumi, quàm per tales immutationes indebitas, ex quibus tanta mala & tot inconuenientia oriuntur. Sicut est ante ostensum. Posito etiam, quod aliqua istorum reddituum essent supra monetam: ipsa tamen debent esse certæ & determinatæ quantitatis, sicut supra quamlibet marcham quæ monetaretur, duo solidi, vel sic & tunc istud esset absque quacunque mutatione, siue lucri augmento irrationabili & enormi, quod potest prouenire ex detestabilibus mutationibus sæpe dictis. De quibus finaliter concludendum est: quod Princeps non potest eas facere aut taliter lucrum accipere, nec de iure communi seu

Conclusio

D potest

potest esse de suo dominio, nec sibi quomodo libet pertinere. Imo illud sibi denegare, non est ipsum exhereditare, aut maiestati Regiæ contraire: sicut mentiuntur falsiloqui adulatores sophistici, & reipublicæ proditores. Rursum cum Princeps teneatur hoc non facere, ipse non meretur habere aliquam pensionem seu dominium pro abstinendo à tali abusu sua exactione: hoc enim aliud non videtur esse, nisi pretium redemptionis à servitute, quod nullus Rex aut bonus Princeps debet à subditis exigere. Item supposito & non concessio, quod ipse haberet privilegium capiendi aliquid supra monetam pro faciendo eam bonam, & pro tenendo eam in eodem statu: adhuc etiam ipse deberet tale privilegium perdere in casu, in quo tantum abuteretur, quod ipse mutaret & falsificaret monetam pro suo lucro, non minus cupidè quam turpiter agendo.

Quod Tyrannis non potest diu durare.

CAPVT XXII.

IN istis duobus Capitulis intendo probare, quod exigere pecuniam per tales mutationes monetæ, est contra honorem regium, & in præiudicium totalis regalis posteritatis. Sciendum est igitur, quod inter principatum regium & tyrannicum hoc interest, quod tyrannis plus diligit & querit proprium bonum quam commune conferens subditorum, & hoc nititur, ut populum teneat sibi serviliter subiugatum: Rex autem è contrario, utilitati privatz publicam præfert, & super omnia, post Deum & animam suam, diligit bonum & libertatem publicam subditorum. Et hæc est vera utilitas & nobilitas principatus: cuius dominium tanto est nobilius, tanto melius, quanto est magis liberorum siue meliorum, ut ait Aristoteles, & eo diuturnius, quo in tali proposito intentio regis perseverat, dicente Cassiodoro, *disciplina imperandi est amare, quod multis expedit*. Quotiens enim regnum in tyrannidem vertitur, non longo tempore post custoditur: quia per hoc ad diminutionem, translationem aut perditionem omnimodè properatur: maxime in regione temperata & remota à servili barbaria, ubi sunt homines conuersatione, moribus & natura liberi, non serui, nec sub tyrannide per consuetudinem indurati, quibus servitus foret

retinexpediens, inuoluntaria, & oppressio tyrannica simpliciter violenta, igitur nō diu permanſura. Quia ſicut ait Ariſtoteles. *Violenta ciuiſſimē corrumpuntur.* ideo dicit Tullius, *quod nulla vis imperii tanta eſt, quod premente metu poſſit eſſe diuturna.* Et Seneca in Tragediis inquit, *Violenta imperia nemo continuat diu, moderata durant.* Vnde principibus deſtitutis improperebat Dominus per Prophetam dicens, *quod imperabant ſubaiis cum aſtēritate & potentia.* Adhuc autem propoſitum declaratur aliter: ait enim Plutarchus ad Traianum Imperatorem, *quod Reſpublica eſt corpus quodammodo, quod deus in numinis beneficio velut animatur, & ſumma æquitatis agitur natu, & regitur quodam moderamine rationis.* Eſt igitur reſpublica ſiue regnum, ſicut quoddam corpus humanum, & ita vult Ariſtoteles V. Politicæ. Sicut igitur corpus malè diſponitur, quando humores exceſſiuè fluunt in vnum eius membrum, quod ſæpe ex hoc inflammatur, & nimium ingroſſatur, reliquis exſiccatis & nimis attenuatis, tolliturque debita proportio, neque tale corpus poteſt diu viuere. Ita conformiter eſt de communitate vel regno, quando diuitiæ ab vna eius parte attrahuntur vltra modum. Communitas namque vel regnum, cuius partes principantes, in comparatione ad ſubditos, quantum ad diuitias, potentiam & ſtatum, enormiter creſcunt, eſt ſicut monſtrum vnum aut vnus homo, cuius caput eſt ita magnū & tam groſſum, quod non poteſt à reliquo corpore ſuſtēnari. Quemadmodum igitur talis homo non poteſt ſe iuuare, neque ſic diu viuere: ita neque regnum permanere poterit, cuius princeps trahit ad ſe diuitias in exceſſu, ſicut fit per mutationes monetæ, vt patuit Capitulo xx. Rurſum ſicut in mixtione vocum non placet aut delectat æqualitas nimia vel indebita, quæ totam conſonantiam deſtruit & deturpat: imo requiritur proportionata inæqualitas & commenſurata, qua perſeuerante eminent læti blanda modulamina chori. Sic etiam vtiliter, quo ad omnes partes communitatis, æqualitas poſſeſſionum vel potentia non conuenit nec conſonat, ſed & nimia diſparitas harmoniam reipublicæ diſſipat & corrumpit, vt patet per Ariſtotelem v. Politicæ. Potiſſimè vero ipſe Princeps, qui eſt in regno veluti tenor & vox principalis in cantu, ſi magnitudine excedat, & à reliqua communitate

Violenta non durant.

Ex eccl. 34.

discordat, regalis politiz melos tunc erit turbarum. Propter quod secundum Aristotelem adhuc est alia differentia inter Regem & Tyrannum. Tyrannus enim vult esse potentior tota eommunitate, cui præsudet violenter: Regis verò temperantia est tali moderamine moderata, quod ipse est maior atque potentior, quàm aliquis eius subditus, & tamen tota eommunitate inferior viribus & opibus, & sic in medio constitutus. Sed quia potestas regia communiter & leuiter tendit in maius: idèd maxima cautela adhibenda est & per uigil custodia, imò altissima & principalis prudentia requiritur ad eam præseruandam, ne labatur ad tyrannidem: præcipuè propter adulatorum fallacias, qui semper Principes ad tyranniam impulerunt, vt ait Aristoteles. Ipsi enim (vt in libro Hæster legitur) aures principum simplices, & ex sua natura alios existimantes, callida fraude decipiunt, & eorum suggestionibus regum studia deprauantur. Sed quoniam eos euitare aut extirpare difficile est, ipse Aristoteles dat aliam regulam, per quam regnum potest longo tempore conseruari. Et est, quod Princeps non multum amplificet dominium supra subditos, exactiones, captiones non faciat, libertates eis dimittat aut concedat, nec eas impediât, neque vtatur plenitudine potestatis, sed potentia iure & consuetudinibus limitata vel regulata. Pauca enim (vt ait Aristoteles) sunt iudicis vel principis arbitrio relinquenda. Aristoteles enim adducit exemplum de Theopompo Lacedæmoniorum Rege, qui cum multas potestates atque tributa populo remisisset, ab antecessoribus imposita, ipse quidem vxori ploranti & impropèranti, *Turpe esse regnum minori emolumento filius tradere, quàm suscepisset à patre*, Respondit dicens: *Trado diuturnius*. O diuinum oraculum, O quanti ponderis verbum, & in palatiis regis literis aureis depingendum: *Trado*, inquit, *diuturnius*, ac si diceret: *Plus auxi regnum duratione temporis, quàm si diminuium moderatione potestatis*. Ecce plusquàm Salomon hic. Nam si Roboam (de quo supra memini) à patre suo Salomone regnum sic compositum recepisset, & tenuisset, nunquam decem de duodecim tribus perdidisset, nec sibi impropèratum fuisset: *Propheta si semen tuum inducere iracundiam ad liberos tuos, & ceteris stulticiam tuam, vt faceres imperium bipertitum*. Sic

Ecclesi. 47--

igitur


igitur ostensum est, quod dominium quod ex regno in tyrannidem vertitur, oportet ut celeriter finiatur.

Quod capere lucrum ex mutatione monetarum, præiudicat toti regali potestati.

CAPUT XXIII.

Decларare propono, quod mutationes prædictæ sunt contra honorem Regis, & generi regio præiudicant. Pro quo tria præmitto. Primo quod illud est in Rege vituperabile, & successoribus eius præiudiciabile, per quod regnum disponitur perditioni, aut ut ad alienigenas transferatur: nec Rex posset satis dicere vel flere, quam esset infelix & miserabilis, qui per negligentiam suam aut per malum regimen eius aliquid faceret, unde ipse vel hæredes sui perderent regnum tot virtutibus auctum, tanto tempore gloriosè servatum. Necnon in periculo animæ suæ gloriosæ foret, si ex defectu sui populus pateretur tot pestilentias & calamitates & tantas, quot & quantæ solent accidere in dissipatione siue in translatione regnorum. Secundo suppono, quod per tyrannisationem regnum perditioni exponitur, sicut declaratum est in capitulo præcedenti. Et quoniam (sicut in Eccle- *Eccles. 10. 8.* siastico scribitur) *Regnam à gente in gentem transfertur propter iniustitias & iniurias, & contumelias, & diuersos dolos:* Tyrannis autem iniuriosa est & iniusta. Cum hoc etiam (ut ad specialia descendam) absit, quod in tantum degenerarent Francigenarum corda libera, quod voluntariè serui fiant; ideoque seruitus eis imposita durare non potest. Quoniam si magna sit tyrannorum potentia, est tamen liberis subditorum cordibus violenta, & aduersus alienos inualida. Quicunque igitur dominos Franciæ ad huiusmodi regimen tyrannicum quocunque modo traherent, ipsi regnum magno discrimini exponerent, & ad terminum præpararent. Neque enim regnum Franciæ generosa propago tyrannificare didicit, nec seruiliter subiici populus Gallicus consuevit. Ideo si regia proles à pristina virtute degenerat, procul dubio regnum perdet. Tertio suppono, tanquam iam probatum & sæpius repetitum, quod capere vel augere lucrum super mutatione monetæ, est factum tyrannicum, dolosum & iniustum, cum


etiam non possit continuari in regno, quod quidem regnum non sit iam, quo ad alia multa, in tyrannidē versum. Vnde nō solum inconuenientia sequuntur ex isto, sed oportet quādam mala alia esse prauia, alia concomitantia, quia hoc non potest à viris consuli, qui non sunt in intentione corrupti, atq; ad omnem fraudem & nequitiam tyrannicam consulendam parati, vbi viderent principem ad hoc inclinari vel posse flecti. Dico itaque recolligendo, quod res per quam regnum perditioni disponitur, turpis est, & praiudiciabilis regi: sed hoc est protrahi vel conuerti & hæredibus suis praiudicabile, & hoc fuit primum suppositum in tyrannide, & hoc fuit dictum, & ad hoc vergitur per mutationes monetæ, vt dicitur tertium. Igitur exactio quæ fit per tales mutationes, est contra honorem Regis, & praiudiciabilis toti potestati regali, quod erat probandum. Hæc igitur, vt præmissi, sine assertionē dicta sint cum correctione prudentum. Nam secundum Aristotelem, ciuilia negotia plerunque dubia & incerta. Si quis igitur amore veritatis inueniendæ his dictis voluerit contradicere vel contra scribere, bene faciet: & si male locutus sum, perhibeat testimonium de malo, sed cum ratione: ne ipse videatur gratis & voluntariè condemnare, quod non potest efficaciter impugnare.



105


M. G A B R I E L I S
B Y E L S P I R E N S I S , S.
T H E O L . L I C E N T I A T I E T
I N S C H O L A T V B I N G E N S I L E C T O R I S
ordinarii, Tractatus

D E M O N E T I S .



T R I T H E M I V S A B B A S S P A N H E I -
M E N S . I N C A T A L O G O I L L V S T R I V M
virorum Germaniæ, qui ingenio præstan-
tes varia scripserunt.

G A B R I E L B Y E L ex Spira, ordinis Clericorum in communi vi-
uentium, vir in diuinis scripturis longo studio exercitatus, & in secu-
lari philosophia (quam Aristotelicam vocant) egregie doctus, inge-
nio clarus, sermone compositus, vita & conuersatione deuotus: qui
Gymnasio Tubingensi ab exordio institutionis sue multis annis præ-
fuit, ubi tam in Philosophia quam in sacris Literis claros discipulos
erudiuit. Scripsit quadam non spernenda opuscula, quibus neminem
suum notificauit. E quibus ordinarie legit in præfata Academia,
in Canonem Missæ volumen grande lib. i. De passione Domini lib. i.
Sermo quodq; multos, lib. i. Iam scribere dicitur super Sententias
opus singulare & utile, quod suis modo discipulis legit. Viuit adhuc
prope septuagenarius, & capto fortiter perstat in studio. Sub Maxi-
miliano Rege Romanorum, anno Domini MCCCCXCV. Indi-
cione XIII.



SVMMARIA FIGVRATIO
huius Tractatus.

*Decisio clara & tuta Questionis. Virum monetam falsificans; mutans;
falsam pro vera, vel minus valentem pro bona expendens;
aut de loco ubi minus aestimatur, ad locum ubi plus valet
transferens, mortaliter peccet, & teneatur ad restitutio-*
nem.

Et dubiorum, I. Quis habeat cudere monetam.

II. In quo casu Princeps monetam vel eius valorem pro lu-
cro suo mutare possit.

III. An eligens ad partem denarios meliores, eosq, consilari
faciens, peccet & teneatur ad restitutionem.



Ro dicendorum intelligentia primum omnium animaduertendum venit, quod secundum Philosophum v. Ethicor. cap. ix. & i. Politicæ; numismatis vsus est ex necessitate inuentus. Cum enim res ad inuicem immediatè commutari non possent, homines autem sine earum commutatione (pro eo quod non omnibus omnia necessaria abundant) sustentari non possent, præsertim in tanta multitudine hominum; tum propter distantiam locorum in quibus consistunt res commutandæ, & difficilem eorum transportationem; tum propter distantiam temporum fututorum, quo res sine sui corruptione seruari non possunt; tum ex multiplici hominum indigentia, propter quam necesse est rem commutandam esse in multa diuisibilem, vt multa necessaria per eam à diuersis comparentur; tum ex quorundam commutabilium indiuisibilium ad hominum vtilitatem magnum valorem, vt sunt equi, domus, & ita de pluribus aliis: ideo necesse fuit inuenire medium aliquod quantitate paruum, vt eius detractio siue diminutio facile perpendatur, & de loco ad locum transferatur: caractere Principis vel auctoritatem habentis insignitum; ne si quilibet monetaret, valor eius variaretur, nec dinosceretur aut falsificaretur, & per hoc æqualitas in commutationibus non seruaretur: pondere certum, vt precium eius sit certum: sine corruptione permansuum, vt sit futuræ prouisioni aptum: materia pretiosum, vt multus valor posset in paruo loco reponi, & facile de loco ad locum transportari: in plura minora secundum valorem diuisibile, propter indigentes multis rebus parui precii. Tale autem est numisma, vel ex sui natura, vel hominum instituto ad humanam indigentiam relato. Quanto enim re aliqua plus indiget humana necessitas, tanto plus valet, & valor precii crescit. Et ideo secundum relationem numismatis & commutabilium ad indigentiam humanam, numisma est certa mensura omnium commutabilium & vernalium.

Secundo notandum, quod moneta tribus modis falsari potest, secundum quod tria sunt de substantia monetæ, scilicet materia metallata, quantitas ponderis, & publica forma,

E vt di-

Liga.
L' alloy.

vt dicit gl. & Panormit. in c. quanto. de iureiur. Et in quolibet horum committi potest falsitas: in substantia, quia non seruetur liga legitima (Liga, id est species mixtura, vel gradus metalli) propter admixtionem materiae vilioris cum materia consueta in quantitate excessiua. In pondere, quia non habet legitimum pondus. Pro quo notandum, quod tantum debet esse pondus in numismate, quantum fuit in materia de qua moneta est fabricata, saltem deductis expensis & labore, secundum Innocent. licet non secundum Bart. secundum quem expensae debet solui de publico. Motium Innocentii est, quia nemo suis expensis tenetur eam facere: & haec opinio Innocentii tenetur communiter, vt vult Angelus in summa, in verbo Falsarius. Quod sic intelligo. Pondus legitimum est pondus consequens quantitatem substantiae pro tali numismate iuste determinatum. Gratia exempli, si pro Floreno determinetur aurum ponderans dragmam, quae est octaua pars viciae; tunc florenus falsus est ex pondere, si non habet quantitatem auri ponderantem dragmam. Vnde cum pondus sequatur naturaliter quantitatem substantiae rei, & quantitas substantiae non distinguatur a substantia; falsificatio ponderis est diminutio substantiae, siue haec fiat per rasuram monetae, siue subtilius per aquam artificialem corrosiuam, aut alio modo difficili visui apprehensibili. Est autem determinatio ponderis iusta, quando determinatur pondus tanti valoris pro moneta, quanti est pondus materiae eius non monetatae: ita quod tantum debet valere moneta ex pondere, quantum valeret sua materia non monetata, & non plus, saltem deductis expensis monetandi, vt supra dictum est. In forma committitur falsitas, quando mutatur nomen, signum aut imago eius qui monetauit. Vnde habens auctoritatem monetandi praefigit certam formam monetae, imaginem aliquam, circumscriptionem, aut aliquod signum. Et si aliquid huius formae praefinitae omittitur, aut aliquid additur, moneta in forma falsificatur. Est autem forma monetae quaedam testificatio veritatis & iustitiae ipsius monetae, quod scilicet sit verae substantiae & iusti ponderis, vt dicit Nicolaus Orem. in suo Tractatu de moneta. Vnde frequenter in moneta Christianorum Principum vel Communitarum ponitur imago Dei vel alicuius Sancti, & nomen eius, aut signum.

gnum Crucis: quod antiquitus fuit institutum in testimonium veritatis monetæ in materia & pondere. Et subdit: Si ergo Princeps sub ista inscriptione mutet materiam siue pondus, ipse videtur tacite mendacium & periurium committere, ac falsum testimonium perhibere. Ipse enim abutitur hoc vocabulo Moneta: nam dicitur Moneta secundum Hugutionem à moneo, quia monet ne fit fraus in metallo vel pondere. Hæc ille.

Tertio notandum circa mutationem monetæ, quod huiusmodi mutatio multipliciter potest fieri, quandoque in materia, quandoque in forma, quandoque in valore, quandoque in nomine. In materia, vt quando propter defectum materiæ aut nimiam abundantiam fieret noua moneta in alia materia, aut in alia mixtione seu liga prioris materiæ. In forma, vt quando mutatur impressio figuræ in imagine aut caractere, aut circumscriptione. In valore, vt quando mutatur substantia, mixtio vel pondus; aut his manentibus statuitur alius valor; vt si hactenus florenus valuit xx. grossos, & statuatut vt de cætero valere debeat xviii. aut xxiiii. In nomine, vt si nomina mutantur, vel accidentalialia, puta quæ non important pondus vel valorem monetæ, vt sunt nomina auctoris aut loci in quo moneta facta est, & huiusmodi; vel essentialialia, puta quæ imposita sunt determinato valori aut ponderi, vt sunt Obolus, Denarius, Solidus, Libra, Florenus. Et hæ mutationes fieri quandoque possunt corrente priori moneta in suo valore, quandoque reprobata priore ac prohibita. Item quandoque ex rationabili causa propter necessitatem & vtilitatem reipublicæ. Et secundum hæc mutatio quandoque fieri potest licite, quandoque culpabiliter & illicite.

CONCLUSIO. I.

Falsificans monetam in substantia, forma vel pondere, peccat mortaliter, si illud faciat in damnum proximi vel reipublicæ. Hæc conclusio est Hostiens. & Doctorum communiter; & satis patet ex tex. c. quanto. De iureiur. vbi dicitur quod iuramentum de obseruatione falsæ monetæ factum non ligat; cum iuramentum non debeat esse vinculum iniquitatis. Ergo seruare falsam monetam est iniquum, & multo magis falsificare

erit iniquum. Quod autem sit mortale peccatum, patet quia est furtum, quia ablatio rei alienæ inuito domino, ut infra dicitur. Patet etiam per Extravagantem Iohannis xxii. qui excommunicat omnes tales in regno Franciæ. Quod autem autem teneatur restituere, probatur per commune medium: quia omnis iniuste damnificans tenetur restituere damnificato, si habere potest. Sed fraudulenter falsificans numisma damnificauit proximum aut rempublicam iniuste. Ergo tenetur restituere damnificato, si haberi potest, aut pauperibus si damnificatus haberi non potest. Maior patet per c. si culpa. de iniur. & dam. da. Minor autem satis patet. Et dicitur notanter in conclusione, *In damnum proximi*. Quia si quis falsificaret in forma tantum, unde non minueretur valor, quia sic non damnificaret, non peccaret. Sic si numisma non exponendum rumpendo aut radendo falsificaret.

CONCLUSIO. II.

Mutans monetam in damnum reipublicæ, tenetur damnum illatum restituendo compensare. Probatur, quia talis iniuste damnificat. Ergo &c. Antecedens probatur, quia inferens damnum in re non sua iniuste damnificat. Sed mutans numisma in damnum reipublicæ infert damnum in re non sua, quia in re publica quæ non est sua. Dicitur notanter, *in damnum reipublicæ*: quia si mutaretur ex rationabili causa ad utilitatem reipublicæ, restitutio non haberet locum. Sunt autem tres causæ, propter quas licite mutatur moneta. Prima est falsitas introducta, ut si aliquis extraneus Princeps aut falsarius malitiosè effigiaret vel contrafaceret formulária seu modulos, per quos introducere niteretur monetam sophisticam minoris valoris quàm sit moneta vetus, cuius tamen differentia à vera moneta cognosci à populo non posset; & alio modo conuenienti moneta falsa exterminari non posset: expediret mutare formam monetæ veræ, seruato tamen iusto valore, ut sic discerni posset ab introducta falsa. Secunda causa, si antiqua moneta nimia vetustate esset peiorata, ac in substantia & pondere imminuta per continuam attractionem: tunc cuedenda esset moneta noua cum differentia à priore in iusto pondere, & prohiberi posset cursus prioris monetæ vetustæ sic

sic diminutæ. Tertia causa est raritas materiæ, propter quam materia haberi non posset tali precio quo prius solita est haberi. Tunc mutanda esset moneta, vel constituendo alium eius valorem respectu monetæ alterius materiæ, vel fabricando nouam minoris ponderis & æqualis precii cum priore. Exempli causa, si drachma auri non monetati ex aliqua causa ascenderet in precio, ita quod tunc valeret xx. grossos argenti, quæ prius valuit xx. tunc aut florenus habens drachmam etiam mutandus est in valore; ita vt etiam si prius valuit xxi. grossos, tunc statueretur vt valeret xx x i. grossos: aut cudenda esset noua moneta auri minoris ponderis, tanti tamen vt valeret iusto precio xx. grossos, & hoc cum differentia aliqua in forma à priori, vt nosci posset. Et hoc forsan magis expediret reipublicæ, vt precia in cæteris rebus constituta ac redditus & pecuniarii census manerent non mutata, & sic nemo fraudaretur. Et parum referret, vtrum veteris monetæ cursus maneret, vel prohiberetur, seruata tamen debita proportionem ad alias monetas inferiores, & ad precium rerum vernalium ac reddituum siue censuum. Posset addi quarta, causa, lucrum ex noua moneta consequens; non monetarii, sed Reipublicæ expediens vel necessarium: de quo infra in dubiis dicetur. Extra hos casus mutatio monetæ in valore reprobata est & iniusta, quia Reipublicæ damnosa & spoliatina subditorum, siue hæc mutatio fiat in materia, pondere, voluntariæ constitutionis, valoris, aut nominum essentialium. Si verò mutatio fieret in sola forma, aut nominibus accidentalibus, & non in valore; hoc sine præiudicio reipublicæ tolerari posset. Et quamuis si fieret ex superbia, pompa, vel aliorum contemptu, aut alia sinistra intentione, non careret peccato; tamen non requireretur alia restitutio. Vnde consilium est; quod non fiat mutatio monetæ nisi ex magna & rationabili necessitate.

CONCLUSIO III.

Expendens scienter monetam falsam pro vera & iusta, falsarius est, & tenetur restituere illata damna. Probatur quod sit falsarius, quia falsitatem inducit ad proximi deceptionem. Ergo &c. Consequentia tenet ex genere nominis falsarii. Antecedens

Est 3) est ma-

est manifestum. Quod teneatur restituere, probatur quia infert damnum personæ & reipublicæ: ergo tenetur ad restitutionem. Consequentia tenet ex communi medio, & præallegato c. si culpa. de iniur. & dam. da.

CONCLUSIO IV.

Expendens scienter monetam non currentem, aut al'as minus valentem pro bona & currente, fraudat proximum, & tenetur restituere. Hæc conclusio in sententia est Angeli in summa, & Antonini, & probatur eisdem modis quibus prior. Talis enim decipit proximum, dando sibi malum pro bono. Et dicitur notanter in duabus præcedentibus conclusionibus, *Scienter*: quoniam si ignoranter fieret, ut quia ignoraret valorem monetæ quam expendit, excusaretur saltem à peccato, & etiam à restitutione, durante ignorantia. Si tamen postea sciuerit, tenebitur ad restitutionem: quia siue scienter siue ignoranter damifico proximum, teneor eum releuare indemnem, postquam mihi innotuerit illatum damnum. Nec excusatur expendens in casu vtriusque conclusionis, per hoc quod huiusmodi moneta falsa vel minus valens data est sibi pro bona: quia culpa alterius & error proprius non debet alteri nocere. Culpa enim suos debet tenere auctores, & non alios. Imputet ergo sibi recipiens monetam falsam, contractam, vel integram, sed minus valentem pro bona, quod non cautè prospexit. Si verò scienter recepit malam, ut expenderet pro bona, aggrauatur peccatum & restitutionis debitum.

CONCLUSIO V.

Transferens monetam de certo loco, vbi minoris valoris aestimatur, ad locum vbi magis valet, non peccat, si non al'as fraudem committat. Hæc est Antonini: probatur secundum eum, quia licet cuilibet ex industria sine alterius damno lucrum quærere, sed transferens in casu conclusionis monetam, eam emendo vbi minus valet, ad locum vbi plus valet, utitur sua industria sine damno alicuius: dum tamen eam non radit, aut diminuit. Ergo &c.

SEQVUNTUR

SECVNTVR TRIA DVBIA.

Circa prædicta dubitatur primò; *Quis habeat cudere monetam?* Ad quod respondet Panormit. in d. c. quanto, Quod solus Princeps, id est Imperator, nemo alius, sine concessione Principis. Quod tamen intelligit, nisi Princeps inferior, aut ciuitas, aut generaliter inferior potestas hoc præscripsisset per tantum tempus, de cuius initio non extaret memoria, ut in c. super quibusdam. De verb. signif. vel nisi esset talis qui præscripsisset iura Imperii, sicut Reges Hispaniæ, qui dicuntur non subiungere Imperio, quia regnum à faucibus Barbarorum eruerunt. Concordat D. Anton. Et est ratio principalis responsionis: quia cum moneta (ut præmissum est) inuenta est & instituta pro bono communitalis, congruum est, ut ab eo fabricetur, à quo regenda est Communitas. Talis autem est Princeps, aut qui à Principe habent auctoritatem.

Licet autem sit Principis fabricare, ac sua imagine & nomine signare monetam; tamen propter hoc moneta dispersa in populum non est sua, nec ipse est dominus monetæ currentis in suo principatu. Nam moneta medium est permutandi diuitias naturales, æquiualens eis. Ideo illorum est possessio monetæ, quorum sunt naturales diuitiæ. Nam cum quis dat panem suum, vel proprii corporis laborem pecunia; cum eam receperit, sua est, sicut panis & labor suus fuit, & in eius libera potestate. Dicit etiam Nicolaus Orem. quod licet facere monetam pertineat ad Principem, tamen constituere valorem monetæ seu proportionem vnius monetæ ad aliam, gratia exempli floreni ad grossum, aut grossi ad obolum, puta quod florenus valeat tot grossos & grossus tot obolos, non debet esse in potestate Principis, sed communitalis cuius est moneta. Quod sic intelligendum puto, quod non est in potestate Principis constituere valorem monetæ secundum suam voluntatem, sed iustam & naturalem proportionem auri ad argentum, & argenti puri ad talem ligam. Et discretio huius pertinet ad Communitatem.

Ex quo sequitur quod Princeps reprobans monetam aliquam valentem, ut eam remissius emat & conslet, & inde aliam minus valentem fabricet, ei priorem valorem consti-

constituendo, monetam fraudet & ad restitutionem teneatur. Hæc est sententia Hostiens. & Panorm. & patet manifestè, quia vilius vendit carius, quod est contra iusticiam. Item sic posset sibi attrahere indebitè pecunias omnes subditorum: vt si attraheret aurum ad paruum precium, & illud emeret pro argento; ac deinde augmentato precio rursus venderet monetam auream pro maiori precio argenti. Simile esset, si poneret precium in toto frumento sui principatus, & emeret; ac postea venderet pro maiori precio etiam per eum constituto: quæ vtique esset iniustissima & tyrannica exactio populi. Nec est simile de venditione frumentorum à sancto Ioseph sub ditione Pharaonis: quoniam ex eo quod non creuerunt frumenta, ipsa facta sunt cariora & maioris precii, quàm ante dum collegerat in horreis, cum copia eorum exuberabat. Nam precium rei humana indigentia mensurat, vt vult Philosophus v. Ethic. Et si forte excessum est in precio, dicit Calliodorus, *Credo virum sanctum tali necessitate constrictum, vt avaro principi satisfacere, & periclitanti populo subueniret.*

D V B I V M . I I .

Dubitatur secundo, *Virum in aliqua casu Princeps possit mutare monetam propter lucrum suum; vel generalius, An Princeps possit habere lucrum ex moneta, constituendo maiorem valorem moneta quàm valeat eius materia non monetata, deductis necessariis expensis; vel minuendo pondus aut ligam sub priori valore?* Respondetur breuiter, quod in vno solo casu Princeps potest sentire lucrum ex moneta, scilicet dum lucrum illud redundat in vtilitatem Reipublicæ, vt tactum est conclusionem secundam. Puta quando Princeps indiget subsidio pro defensione Reipublicæ, ad quod præstandum subditi obligantur; tunc posset fieri aliqua mutatio in moneta, vt pondus vel materia sub eodem valore minueretur, vt sic populus minus sentiret se grauari; dum tamen non extendatur lucrum vltra necessariam Principis indigentiam supradictam. Sed hæc mutatio fieri non debet sine consensu subditorum, quorum (vt dictum fuit) est moneta. Potest enim quilibet renunciare iuri suo. VII. q. 1. Quam periculosum. Sic & communitas. Et vult

vult Innocentius, quod sufficit consensus maioris partis magnatum. Sed de hoc dubitat Panorm. loco allegato, cum tractetur de negotio singulorum. Ideo dicit Angelus, requiri consensum singulorum. Non tamen sufficit consensus populi ad dispergendum huiusmodi monetam minoris ponderis extra tale dominium: quia cum damno non subditorum non potest suas indigentias subleuare. In quo satis omnes concordant.

Videtur etiam quibusdam, quod in casu quo colligenda est magna pecunia pro redemptione Principis aut defensione, facilius sit modus & expeditior per mutationem monetæ: tum quia hic modus facilius est ad congregandum pecuniam necessariam citius, sine fraude, & ex facultatibus subditorum: tum quia minus sensibilis, & per hoc magis portabilis sine murmure & periculo rebellionis populi: tum quia est generalissima, comprehendens omnes tam clericos quàm laicos, nobiles & plebeios, diuites & pauperes. Verum an hæc ita se habeant, committo diligenti lectori. Duo tamen necessariò hic attendenda sunt. Primum quod moneta illa tantum currat inter subditos illius domini, qui tenentur subuenire domino & suæ reipublicæ: quoniam si dispergeretur ad alios, isti per hoc iniuste grauarentur. Secundum quod collecta necessaria pecunia, moneta reducatur ad priorem statum: quia cessante causa cessare debet & effectus.

DUBIVM III.

Tertio dubitatur, *Virum eligens ad partem meliores ac magis ponderantes, & conflare faciens, peccet & ad restitutionem teneatur?* Respondet Angelus in summa, sequens Hostiensem, Iohan. Andream & alios sub hac distinctione. Si illi qui cudent pecuniam, eo quod non possunt omnes æqualiter sculpere vel perficere, alii denarii sunt quandoque minus ponderantes, propter hoc permittunt alios in maiore pondere, ut sic fiat adæquatio iusti ponderis in multitudine, quæ non potest fieri in singulis denariis: tunc tales eligentes meliores sunt falsarii, & tenentur ad restitutionem communitati: quia corpus pecuniæ damnificauerunt. Si verò omnes denarii sunt

F

rii sunt

rii sunt iusti ponderis, sed aliqui sunt amplioris, & illos radunt, dummodo remaneant iusti ponderis, seu constant; non credo falsarios, licet male faciant, & nullo modo sit eis consulendum. Si tamen noluerint abstinere, non credo quod sint propter hoc extra statum salutis. Videtur itaque sentire, quod talis non peccet mortaliter, licet peccet venialiter. Quod non satis intelligo: nisi modicitas huius electionis, quia raro vel paucos eligit, excuset. Quoniam si hoc frequenter facit, damnificat grauiter monetarium, qui ex improvidentia excessit in pondere, vel eum cuius nomine monetat: & ita teneretur ad restitutionem ei. Sicut qui rem remissius emit, ubi forum certum est, & vendens in numero vel pondere errauit: sic monetarius in pondere errauit. Si tamen raro fiet, modicitas excusaret: sicut furtum minimæ rei, ut pomi vnus, excusatur.

IN NIC. ORESMIUM

Notæ.

PAG. I. *Quibusdam videtur*) quibus maior utilis quam honesti ratio quibusq; dulcis lucri odor è re qualibet. Quorum bellæ rationes infra recensentur & refelluntur cap. XXI.

Dabat unus alteri) quale Achiuorum *δινιζόντων* exemplum ex Homero referunt Sabinus & Cassius. Et quidem potissimum tunc pecorum in permutationibus vsus fuit. Vnde Homerus cum Glauci & Diomedis arma comparat, illa quidem *ἐκατόμβοια*, hæc verò *ἑνεάβοια* vocauit. Et pretiosa *πὶ πολυμήλη*, *πολύβοια*. Quin & verba Græca emendi vendendique ferè à pecore ducta videntur: *πολεῖν*, vendere, *ἀπὸ τῶν πώλων*, à pullis equinis: *ἀνείσθαι*, emere, *ἀπὸ τῶν ὄνων*, mutata litera breui in longam: *ἀρνέσθαι*, redimere, *ἀπὸ τῶν ἀρνῶν*, ab agnis. Et similiter tandem Romanis *Pecunia* à pecudibus nomen inuenit.

Pag. 2. *Vsum moneta inuenire*) De quo Polydor. Vergilius Lib. II. cap. 20.

Pag. 3. *mixtio, aut simplex*) Quod quidem posterius præstat. Ita Romani veteres ex auro, argento, ære stabant feriebantq; monetas, absque mixtione vnus cum altero. Quæ mixtio olim le-

lim legibus Cornelia nummaria & Iulia de peculatu distri-
ctè prohibita, & postea iterum edicto Taciti Imp. apud Vo-
piscum, *Ut si quis argento publicè priuatimue as miscuisset, si quis au-
ro argentū, si quis æri plumbū, capitale esset cum bonorum proscriptione.*
Quod & Gothus Rex probat apud Cassiodorū VII. Variar. 32.
*Auri flamma nulla iniuria permixtionis albescat, argenti color gratia
candoris arrideat, æris rubor in natua qualitate permaneat.* Quod si
adhuc ab omnibus peræquè gentibus seruaretur, vt benè fit
à Venetis; nā multo integriorem certiolemq; rem numma-
riam, & à fraudatoribus tutiorem haberemus, vt singulari
libello eleganter disputat Bodinus.

in alios vsus applicetur) præsertim in deauraturam, non tan-
tum argenti esculenti aut poculenti, sed etiam æris ferrique,
imo ligni, lapidum, corii, rei publicæ plusquam putemus no-
xiam.

Sunt nimis abundans) Tunc enim valorem suum, ob materiæ
vilitem è copia prouenientem, retinere moneta non potest.
Itaque vanum fuit Lycurgi institutum, qui suo quodam cō-
silio, vt ciues sui pecuniæ cumulandæ studio minus dediti es-
sent, pecuniam non nisi ferream, eamque immensa magnitu-
dine & pondere, sed exiguo interim valore in republica suā
signari voluit, Plutarcho auctore.

ærea recessit ab usu) Æs graue olim Populo Romano in vsu
fuit, vt Festus notat, cum asses ipsi librales essent, & Pondo vo-
carentur, Plinio auctore & Dionysio, qui Assē interpreta-
tur χαλκεὸν νόμισμα ἄριστος λιτειαῖον. Quod ideo, vbi de maiori
summa agebatur, plaustris conuehi necesse erat, vt apud Li-
uium legimus. Sed & postea ad istam æream pecuniam feren-
dam non tantum loculos, sacculos, fiscos, bulgas, sed etiam
fiscellas & sportas adhiberi solitas, Tullius & Asconius in
Verrinis meminerunt. Hoc igitur genus pecuniæ etiam si ad
honorem principum & memoriam rerum (vt alibi exposui-
mus) inuentum esset, tamen propter copiā vilis metalli pau-
latim exoleuit apud ipsos Romanos, auro & argento rerum
potiente. Itaque bellos illos asses & sestertios, ex vario ære,
Cyprio, Mariano, Corinthio conflatos, & (vt quidam ait)
pondere ipso pretiosiores; apud Byzantinos postea, Gothos, Lon-
gobardos, Francos, Germanos, quo in precio fuisse putamus?
Eodem forte quo apud Turcas, quos Busbequius Orator

Cæsareus scribit numismatis illis pro pondusculis, drachmalibus puta aut similibus, uti: quæ ipsi *Guar Manguri*, id est nummos paganorum vocent. Et fabrum ærarium ipso eiusmodi numismata requirentē, ingentem aulam paulo ante talibus plenam in lebetes æneos conflasse, quod nullum eorum aut vsum aut precium putasset.

Sicut aliqui tentant) Themistius Euphrades Oratione VII. *νῦν δὲ τῶ χαλκῶν μὲν εἰς ἀργύρεον μεταβαλεῖν, καὶ τῶ τὸ δῶργυρον εἰς χρύσειον, ἀσμενῶς αὖ πᾶσι ἐξέυρομεν, τεχνίῳ.* Diocletianum Suidas scribit Ægyptios asperè tractantem, veterum etiam scripta de fusione argenti atq; auri conquista combussisse; ne ex illa arte ditati Ægyptii, & pecuniæ freri copiis in posterum rebellarent. De Alchimistis Africanis in vrbe Fessa, multa memorat Leo Africanus lib. III. pag. 136. Mendacem & perniciosam artem damnant lēges publicæ, & constitutio Iohannis XXII. Extrauag. Lib. V. Tit. 6. *Spondent, ait, quas non exhibent, diuitias pauperes Alchimista, &c.*

P. 4. *f. cta f. ai mixto*) Posteriores ipsi Principes Romani, imperio præcipitante & fisco pauperato, monetam argentæ æris portione remixta fecerunt, quam aliquis *vena secunda* nominat. Apparet id ex ipsis nummis Gordianorum, Philpporū, Gallieni, Probi, & sequentium: & *Maionnam* eā pecuniam dictam discimus ex L. VI. C. Th. de falsa mone. *Comperimus nonnullos flaturarios maiori: a pecuniam, non minus criminose quàm crebrè, separato argento ab ære purgare.*

Nigra mixta moneta) Ita Galli vocant, *Sols nere's*, ad differentiam quorum sunt *Grands blancs*, ut Pithœus alicubi notauit. Sed & Romani æneam pecuniam, siue quod ferrugine manus inficeret, siue quod tempore nigresceret, *nigrati* dixerunt. Martialis:

Vt conuicia sumptuosiora

Nigra sordibus explicis moneta:

Et centum veteres tui sodales

Constemus tibi plimbea selibra.

Monetari inmixtum) Quod non dubium est: sed propter nimiam eius mollietiem, quo minus vfu & tritura minueretur, visum est aliquid durioris metalli modicum addi. Vid. Georg. Agricol. de precio metallor.

Mixto suspecta) Quippe in qua compendium captari potest

test à monetariis, dum ultra modum legis de villiori metallo indunt meliori, idque ferè impunè, dum aut non facile fraus illa à quouis apprehenditur, aut in re modica (vno forte atq; altero nummo) non admodum attenditur.

necessitatem tactam) nimirum ad mercimonia rerum minorum, in foro puta holitorio aut macello.

P. 5. *Nomina ponderis*) Nam & apud maiores nostros, Germanos inquam, per quantitatem ponderis, libras nimirum & marcas auri argentique, omnia negòcia contrahi solebant: & apud Francogallos hodieque per libras Turonenses.

Non onlibet) Aded vt nec permissum sit vlli priuato in moneta publica metallum suum proprium signandum subiicere: quod olim grauissime constitutionibus erat interdictum. L. VII. & VIII. C. Th. de falsa mone.

Seu per plures) vt olim per Triumuiros, A. A. A. F. F.

Princeps persona magis publica) Ideoque ius monetæ refertur inter Regalia, sic dicta, quod soli Principi competant, vel cui Princeps ea indulerit, Lib. II. Feudor. Tit. 56. Quæ sint regalia. Guntherus lib. VIII. *causenda iura monetæ*. Quod quamuis in Germania nostra omnibus ferè ordinibus iam sit commune; tamen Imperatoris præcipuè, ceu capitis, auctoritatem & numen in ipsa moneta obtendit, impressa Aquila cum globo Imperii, & addita epigraphe, RVDOLPHI IMP. A. V. G. P. F. DECRETO, ex Comit. 1559. §. 10.

Impressio subtilis) Ided Romani veteres tatum artificii & industriæ in monetæ fabricam contulisse videntur: neque tamen falsariorum insidias omninò euitare potuerunt: aded vt Plinius scribat suo tempore, cum alii æs admiscerent falsæ monetæ, alii è pondere subtraherent, artem factam denarios probandi: *Mirumque in hac artem sola* (pro quo schola alii legerunt, indeq; nouam quandam huius gnomonices scholam à Mario Gratidiano erectam commenti sunt Balduinus, Budelius, alii) *via a. scuntur, & falsum denari spectatur exemplar, pluribusque veris denariis adulterinus emitur.*

P. 6. *Quoniam erat tributum*) Dominus enim non simpliciter iussit sibi exhiberi nummum vel monetam à Phariseis, sed signanter *Numisma census, νόμισμα τῆς κλήσεως*, id est, genus monetæ huic functioni proprium, quo satisfacerent censui à Cæsare suæ prouinciæ indicto. Id enim est *Census*, toto Pan-

de Astarum titulo *De censibus*. Suidas : Κῶσος, νόμισμα ἐπὶ τῶν τέ-
λεσιν. Et iterum : Κῶσος, οὕτω τῇ ὀπῇ ὡς ἡ γλῶσσα Ρωμαῖοι τὴν ἐξέ-
τησιν τῆς Ρωμαϊκῆς πλῆθους θεωροῦσιν. Et Hesychius : Κῶσος, εἶδος
νομίσματος ὀπῆς Φαλαῶν. Sed de hac quæstione peculiarem o-
lim commentariolum scripsimus ad verba Domini; *Dote Ca-*
sari, qua Casaris. &c. vbi & hunc ipsum Oresmii locum enu-
cleauimus, pag. 26.

ratione imperii fabricare) Ita Fridericus Aenobarbus apud Li-
gurinum lib. III.

Rege figuratam, Regis patet esse monetam :

Casaris & Domino sub Casare fulget imago.

P. 7. *Sicut quedam pensio*) Vulgò *Schlag schatz* dicitur, voce vtri-
nam vnà cum re nobis ignorata. Bodinus lib. VI. de Republ.
cap. 3. *Vetigal etiam monetale* (ita vocat) quod Principes graui sub-
ditorum incommodo de nummorum precio detrahunt, tolli; ac potius eo
nomine *vetigal nouum*, tum etiam ad monetalem mercedem imperari
equius est, ut olim Normanni Principes, & non ita pridem Polonia
Reges sanxerunt: ut nummorum vis ac potestas ubique sit eadem sine
ullo permutationis detrimento.

Debet esse satis parua) Omnino enim tenendum est, si qui-
dem ex fide bona, & ad aliarum gentium consensum, mone-
tam curare velimus, parem esse debere metalli & monetæ ra-
tionem; ut moneta ipsa rudis metalli precium aut non su-
peret, aut certè quàm minimo, solis nimirum fabricæ expen-
sis deductis, quæ magnæ esse non possunt. Atq; ita apud Ro-
manos, iusti æquique tenacissimos, seruatum fuit, ut par ea-
demque prope monetæ & metalli ratio, nec electioni ferè lo-
cûs esset: ut colligere licet ex L. I. L. X. L. cum aurum, §. I. D. de
auro & arg. leg. L. planè §. sed si pondus. D. de legat. I. L. XXXV.
in princ. C. de donat. Sed omnium planissimè ex L. I. C. de
ponderatorib. vbi ita statuitur: *Aurum quod infertur à collato-*
ribus, si quis vel solidos voluerit, vel materiam appendere, aqua lance
& libramenti paribus suscipiatur. Quid quod de Africanis Leo
scribit, in Fessa antiqua nec aurum nec argentum cudi, nec
Mahumetanis eam exercere artem licere: quod fœneratores
habeant qui opus aliquod argenteum vel aureum carius re-
uendant, quàm pro ratione ponderis: quod quidem solis Iu-
dæis ab urbium rectoribus concedatur. Porro nec annulum,
nec aliud quidquam ex auro vel argento fabricari posse, nisi
metal-

metallo prius publicè sigillato verum ita sigillato, quidquid inde conficitur, ac si moneta esset, expendi. Hæc ille lib. III. pag. 141.

Si esset excessiva) vel etiam si posita in arbitrio monetam facientis, qui ea abuti pro libidine & monetam subinde variare posset. Quare certa & determinata esse debet, ut benè monet infra cap. xxi. pag. 23. & vicissim certa etiam debet esse Lex bonitatis monetæ, certus modus compositionis seu ligæ metallorum, quam imminuere nefas sit, ut infra docet cap. XIII circ. fin.

Monetarum quasi quadam lex) Inde νόμισμα ἀπὸ τῶ νόμου siue Lege dictum tradit Aristoteles, ὅτι ἐ φύσει ἀλλὰ νόμῳ ἐστὶ. Vnde & hoc consequens est, posse homines illius usum non minus mutare quàm ab initio instituere, quippe qui sit merè ἐκ τοῦ νόμου. Quod fieri non posset, si naturalis esset vis ac potestas nummi; quod genus hominum arbitrio neque tolli neque mutari potest. Idque ipse Aristoteles ibidem fatetur: ἐ γὰρ δεῖ πᾶν διναῖται τὸ νόμισμα: καὶ ἐφ' ὅτι τὸ μεταβάλλειν καὶ πρὶν αὐτὸ εἶναι. Ut diuersos nummos (ait ibi Muretus) videmus aut edictis Principum aut etiam tacito populi consensu modo pluris modo minoris esse: multorum etiam usus aut vetustate aut legum constitutionibus planè sublati sunt. Quomodo Lycurgus aureos & argenteos nummos Lacedæmoniis prorsus inutiles reddidit, cum instituit ut ferreo tantum nummo vterentur.

P. 8. *Vult manere magis*) Οὕτως δὲ βέλεται μένειν μάλλον: non enim alias facere officium suum potest, cum sit δῖον ἐργασιῆς ἡμῶν, ut ibidem ait. Et certam debet æstimationem habere, id quo omnes res aliæ taxantur, ait Vlp. L. 3. D. de in lit. iur. Itaque nisi ob magnam necessitatem aut euentem utilitatem publicam mutari non potest aut debet, siue notâ malitiæ aut τῶν ἐκ τῆς πόλεως, ut infra docetur cap. xv.

Implicetur alia mutatio) Patet hoc in exemplo Nicephori Phocæ Imp. sæpius allegato, qui si tantum nomisma suæ figuræ post priores Principes eadem lege publicasset, nihil fecisset autâ more aut ab æquo alienum. Sed addidit duplicem mutationem. primò in pondere, quod cum antea numisma aureum hexagium penderet, ipse tetartero excogitato (verba sunt Zonaræ & Cedreni) pondus imminuit: cumque eo modo du-

do duplex esset nummus. pensiones publicæ grauiorem exigebant, minor impendiis aulicis erogabatur. Deinde etiam in valore seu proportionem, quod sua insignes imagine præferri, aliorum depresso præciis, voluit. Quo utroque haud leue cum subditis attulisse incommodum eius ævi scriptores, Zonaras & Cedrenus scribunt, & ex his Bonefid. Iuris Oriental. lib. I. pag. 21.

Pag. 8. *Expediret mutare modulos*) Andreas Fricius Modreuius Polonus lib. I. de Republ. emendanda, cap. 15. *Quia nonnulli externi populi figuram nostrorum nummorum imitati sunt, atque hac ratione suos ad nos inuexerunt, videndum est num sit e republica, formam nostræ monete mutari: aliter enim externa vix exigi potest.*

P. 9. *facere irreuerentiam*) Contra quàm Romani, qui præcessorum suorum monetas & memoriam religiosè conseruabant, vt apparet ex L. I. & ult. C. de veter. numism. potest. Theodos. Nouel. 25. Leon. Nouel. 52. & al.

Vna alia proportio) Quæ ipsa pro ratione locorum & temporum inter populos variat. Herodotus scribit, auri pondus argenti libris tredecim æquatum fuisse. Apud Liuium in fœdere cum Ætolis vno capite, auri libra decem argenti libris æstimatur. Lege Constantini auri libra ex æquatur argenti libris x. iij. & paulo supra, vt colligitur ex L. ult. C. de argenti precio. At hodie auri ad argentum rationem toto fere terrarum orbe esse duodecuplam pro certo adstruit Bodinus lib. vi. de Republ. cap. 13. In nostro verò imperio & sæculo vnde cuplam cum quarta parte constituit intelligens huius rei æstimator R. Budelius lib. i. de Monet. cap. 23. num. 12.

Pag. 10. *Sicut dicunt de sale*) Cancellarius Henrici vi. Regis Angliæ nomine Fortescue in libello quo commendat leges regni Anglici, cap. 35. *Præterea in regno Francia non patitur Rex quemquam regni sui sale vendere, quem non emat ab ipso Rege, precio eius solum arbitrio assensu. Et si in iulsi. m. pauper quibus manu edere, quàm sale excessiuo precio comparare; mox compellitur ille tantum de sale Regis ad eius precium emere, quantum congruet tot personis, quot ipse in domo sua fouet. Subiicit cap. seq. At non in regno Angliæ præpeditur aliquis sibi de sale aut quibuscumque mercimoniis aliis, ad proprium arbitrium, & de quocumque venditore providere.*

P. 11. *Sex millia denarii*) Theodosius Nouella sua xxv. *Quo præcepit etiam illud in perpetuum volumus contineri, ne vnquam intra*

septem

Septem millia nummorum solidus distrabatur, emptus à collectario septem millibus ducentis. Denatorum nimirum, non illorum veterum ex probò argèto, sed aneorū infimæ sortis raudusculorum, quorum adhuc sub Theodosii & aliorum Cæsarum nominibus magna copia passim eruitur, adeo viliū simul & exilium, vt non iam mirer septem millia vnum solidum continuisse obryzatum, ducentis nummulario pro collybo cedentibus, tricesima quinta parte totius summæ. Quod notandum censeo.

Si alio modo pro nunc) Temporum certè lapsu nomina ista monetarum in prouinciis quondam Romanis sunt mutata. Solidus olim aureus, hodie in Gallia monetæ nigræ (quam vocari supra notauimus) species, sexagesima aurei portio. Denarius olim solidi vicesima & quinta pars, ex superiori Theodosii constitutione septies millesima, hodie in Gallia solidi vulgaris duodecima, aurei septingentesima & vicesima. Idem de aliis.

P. 12. *Supra cap. i v.) & latius infra cap. seq.*

Mensura bladi & vini) Aridorum & siccorum mensuræ, & pondera quoque, vt de eorum sinceritate constet, signo Principis aut Reipublicæ confirmari hodieque passim solent.

P. 13. *Pecunia aliena potest mouere*) Iuuenalis:

Quas habeat Veneres aliena pecunia, nescis.

Secundum certam proportionem) Eaque proportio strictissime debet seruari, propter lubricissimā occasionem compendii inde captandi, quod vix curatur aut deprehenditur, nisi seuerissima inquisitio & animaduersio adhibeatur. Sed neque hoc satis est, nisi & aliud accedat, nimirum vt moneta illa nigra siue vsualis (quippe qua ad res tantum minores, aut operas mercenarias, aut alias calculi excurrentis minutias opus est, & reuerā non tam pro genere pecuniæ aut diuitiarū, quàm mero instrumento fori & macelli habendæ sunt, & plerumque in sua tantum regione noti & fungibiles habentur) non nisi ad certum modum in quaque republica admittantur, tam ad cudendum, quàm ad solutiones faciendas. Pro ut vtrumque hodierna Imperii Lege sancitum est: & apud Lusitanos quoque non nisi quartam debiti partem eiusmodi viliori moneta soluere permittitur, Pinello teste. Id enim vtrumque nisi strictè seruetur, plura incommoda eueniunt, &

quasi catenatim se consequuntur: nimirum ut monetarii hæc potissimum ob præsens lucrum sine fine modoque cudent, conflatis & in hanc fabricam absumptis solidis bonisq; monetis argenteis; & iura monetæ quavis conditione à Principibus in suas manus transferant. Deinde ut ob horum copiam, dum data electione nemo non solidas monetas potius cum aliquo dispendio accipere mauult, earum valor supra suam indicaturam paulatim augeatur, imo in infinitum excrescat: quando illæ solæ & precium metalli in se habent, & conservari possunt, & in commerciis cum extraneis usum obtinent. Et vicissim ut præcia rerum omnium, ob illam monetæ iniquationem, indies scandant & intendantur. Quæ omnia quantum Reipublicæ incommodi afferant, quis non videt?

P. 14. *Propter defectum materie*) Præsertim in extremæ necessitatis casu, quem Auctor hic quidem non attingit, sed ratio concedit, & exempla omnium ætatum & populorum, etiam Romani. C. Manlius apud Salustium ita loquitur: *Sæpe maiores vestri miseri plebis Romanæ, decretis suis inopia eius opitulati sunt: ac nouissime memoria nostra propter magnitudinem æris alieni, volentibus omnibus bonis argentum ære solutum est.* Eadem necessitatis ratio prius coegerat pondus assium mutare, (quod ad præcedens caput XIII. pertinebat) & maiorem quidem in modum imminuere, de quo ita Plinius: *Libra pondus æris imminutum bello Punico, cum impensis respublica non susiceret, constitutumque ut asses sextantario ponderis ferirentur. Ita quinque partes facta lucra dissolutumque æs alienum.* Idemque Festus Pompeius in *Sextantarii*. Eademque causa difficillimis bellorum, obsidionum, calamitatum temporibus non tantum æneos aut stanneos, sed etiam scorteos, ligneos, chartaceos nummos ad tempus facere compulit.

Moneta à monendo) Alludit Theodericus Rex apud Cassiodor. lib. VI. cap. VII. *monetamque facis de nostris temporibus futura sæcula commonere.* Sed & Panegyristes ad Theodosium Imp. *Hæc ebore reddantur, hæc marmore, hæc in coloribus uiuant, hæc in ære moneantur* (ita legere placet) *hæc gemmis augeantur precium.* id est, hæc in ærea moneta diuulgandæ & æternandæ memoriæ causa repræsentetur, ut apud Romanos fieri solebat. Porro Monetæ nomen unde Iunoni factum, ex Ro-

manis.

manis scriptoribus notū est. Cudit denarium T. CARISIVS. qui sub Augusto triumviratum monetæ gessit, in quo caput Iunonis vna parte visitur, cum litteris MONETA: in altero Vulcania instrumenta, incus, malleus, forceps. Quæ quidem incus in Triumvirorum ipsorum nummis frequens conspicitur: si non arapotius fuit, nam aliquando & coronata apparet. Aram enim in moneta fuisse, Ammianus meminit lib. XXI. vbi Dracontius monetæ præpositus seditione Alexandrinorum interfectus, quod aram in Moneta, quam regebat, recens locatam (zelo quodam) evertisset.

P. 15. *Custodire exemplar*) Leo Africanus de Fessa vrbe scribens: *Monetariorum adibus confines sunt aurifabrorum officina, quorum Consul sigillum et typos monetarum conseruat.*

Mensurarum exemplaria) Hygenus Gromaticus in lib. De limitib. pag. 152. *pedis Monetale* aliquoties meminit, sic dicti, quod vt moneta publicè definitus & receptus esset, & fortè etiam in æde Monetæ custodiretur. *Et Capitolina amphora* apud Capitolinum, quæ iustæ & legitimæ mensuræ, qualis in Capitolio proposita, ad quam omnes exigerentur. Quo facit veteris congii inscriptio: IMP. CÆS. VESPASIANO. VI. T. CÆS. AVG. F. IV. COS. MENSURÆ. EXACTÆ. IN. CAPITOLIO. Remmius Fannius de amphora,

----- *Quam ne violare liceret,*

Sacranere Ioni Tarpeio in monte Quirites.

P. 16. *Emolumentum vel lucrum*) Quæ sanè (si verum amamus) sola & vnica causa corruptæ & fluctuantis hodie rei monetariæ, dum sublime & augustum istud regale in quæstū à nonnullis indignè conuertitur, redemptorumque libidini precio prostituitur: & quod nil nisi attestatio veritatis esse debebat (vt benè hic Oresmius docet) ad quædam vt nouū ita illegitimū adquirendi modū vsurpatur. Sed manū ab vlcere.

Præter naturalem ipsius usum) Quandoquidem pecunia res per se sterilis fructum naturæ ordine producere nullum potest. Vnde non nisi improprie à Græcis *τόκος*, à nobis *Wnocher* dicitur, quod vtrumque fructum sonat.

Par est ipsi usura) Quo omnino loco vel apud Fessanos in Africa haberi supra retulimus. Quid apud nos Christianos par foret?

Violentia prædatio) Ferè vt M. Cato aliquando interrogatus,

Quid esset fœnerari? replicauit, Imò quid occidere: Horatius similiter: quos usura trucidat.

P. 17. *Romani tales fecerunt*) Nec illi in arceilla & templo virtutum omninò ab hac cupiditate intacti fuerunt. Miscebat denario triumphum Antonius ferrum, ait Plinius. Alii aliter: grauissimè ferè omnium Scuerus denarios corruptit, vt ipsi loquuntur, & Dion notauit. De posteriorum Imperatorum pecunia maiorina, & raudusculis inquinatissimis vilissimisque, non repeto quæ scripsi alibi.

Quadam praua moneta veteri) Inuenitur & bona veteris notæ, aurea, argentea, ænea: sed plus illius inquinatæ posteriorum principum. Sed totum illud genus Oresmii huius æuo idoneos æstimatores non habebat, quos cultiori hoc sæculo & patrum memoria reperit.

Reperitur in campis) per prouincias olim à Romanis possessas, in locis vbi aut veterum urbium villarumue sunt reliquiae, aut olim ab avaris pecunia fuit defossa, aut in sepulchris vel etiam sub limitibus condita. Quæ de re & quidquid omnino circa antiquitatis illam partem (Numismata dico) dici quæriue poterit, ex professo ager Pomponius noster, vbi Persica tandem cœptis fauerit.

Nimis turpe Principi) Huc pertinet grauissima commonefactio Boleslai Pii Bohemæ regis, apud Cosmam Pragensem lib. II. quam ille moriturus ad filium suum Boleslaum III. habuit (decessit autem anno DCCCXCIX) inter alia capita hoc etiam habens: Dilige denarium, sed parce, dilige famam. Res enim publica licet sit nimis adaucta per formam numismatis falsam, cito erit ad nihilum redacta. Est aliquid, fili mi, quod Carolus Rex sapientissimus & manu potentissimus, haud equiparandus nobis hominibus valde humilibus, cum filium suum Pipinum post se in solo sublimandum dispo-neret, eum terribili cum sacramento constrinxit. Ne in regno suo subdola & praua taxato ponderis aut moneta fieret. Certè nulla clades, nulla pestilentia, nec mortalitas, nec non hostes totam terram rapinis incendiisque deuastantes, magis populo Dei nocerent, quàm frequens mutatio & fraudulenta peioratio nummi. Quæ pestis aut quæ infernalis Erynnis inclementius spoliat, perdit, attenuat Christicolæ, quàm fraus in nummo herilis? Atqui post hæc senescente iustitia & inualecente nequitia surgent, non Duces, sed fures; non rectores populi Dei, sed nequam exactores, auarissimi sine misericordia homines, Deum omnia cernentem non metucentes, qui ter vel quater in anno monetam mutando eunt in laqueum Diaboli.

Diaboli ad perditionem populi Dei. Talibus enim nequam artibus & per legum insipientiam coangustabunt huius regni terminos, quos ego dilatavi usque ad montes, qui sunt ultra Krakou nomine triti, per Dei gratiam & populi opulentiam. Nam

Diuitia plebis sunt laus & gloria Regis.

Nec sibi sed Domino grauis est, quem grauat egestas.

P.18. *Monetam falsificare*) Quam flagitii notam impingit Philippo Pulchro Galliae Regi Dantes Poeta Florentinus, sui seculi censor liberrimus, Paradisi Canto XIX.

Li si vedrai il duol, che sopra Senna

Induce falseggiando la moneta

Quei, che morrà di colpo di cotenna.

Quia primus monetam argenteam in regno Franciae dimidia parte ligae debilitasset: quae res subditis occasionem magnorum tumultuum dedit, & Principibus extraneis perniciosissimum exemplum praeiuit Cuius cum ipsum tandem poeniteret, filio suo Ludouico Hutino testamento iniunxit, ut caueret à deprauatione monetarum, ut Bodinus refert. Postea tamen Carolus etiam Pulcher suscepto Aquitanico bello, urgente aeris inopia argentei numi bonitatem admodum imminuit. paterno exemplo, ut ex Villaneo Massonus refert. Eoque pertinet constitutio illa Iohannis XXII. PP. sub Tit. *De crimine falsi*, ubi queritur sub vero signo Caroli Regis Francorum & Nauarræ monetam data opera deprauari, cadereque à suo recto pondere: quae spicula non obscure in Regem ipsum cuius auctoritate nummi bonitas imminuta fuerat, iaculatus videtur. Eamque rem postea Oresinio occasionem huius libri scribendi dedisse apparet: cuius idem Massonus nominatim meminit in Carolo V. Rege.

Incumbit condemnare) addo, ipsam antea omnia monetam improbam condemnare, prohibere edictis & reprobare, deprehensam scindere & abolere. Scauola in l. 102. D. de solution. *Mox pecunia quae illa Respublica utebatur, quasi arofa iussu Praesidis sublata est.* Idemque D. Epiphanius in lib. De ponderibus & mensuris testatur, & Etymologici auctor: *Διέκοπται, αἰὸν ἀδόκιμαζόν ἐστι. Διέκοπτον γὰρ τὸ ἀδόκιμον νόμισμα οἱ παλαιοί.*

Turpissima morte) Flammarum exustionibus, seu competentis supplicio pro eius elementi abusu. L. V. C. Th. de falsa monet.

mouet. Exemplum ponit Dantes de quodam magistro Adamo Brixienſi, qui cum eſſet inſignis monetarius, auaritia ta-ctus ſecretò falſificauit florenos aureos (qui Florentini dicebantur, vna parte S. Iohannem Baptiſtam, altera Liliū habentes) quo detecto comprehenſus & exuſtus fuit: quem apud inferos ita miſeriam ſuam deplorantem inducit. Cantu
x x.

Iui é Romena lá, don' io falſai

La lega ſug gillata del Baſteſta.

Perch' io il corpo ſuſo arſo laſciai.

vel alio vltimo ſupplicio, cum bonorum publicatione: aut vt mitiſſimè, manus amputatione, vt ſcripſi in Legib. nummar. cap. i. Quod & apud Feſſanos fieri Leo Africanus ſcribit, & apud Venetos hodie fieri audio, & ita quidem vt miſeri illi truncatis manibus quotidie certis horis diſſerto foro per medias menſas & tabernas ſpectaculi exemplique ergo traducantur.

Rei qua diſbet eſſe certiffima) Cum velut ſponſor & expoſſor quidam ſit humanis neceſſitatibus & commerciis, vt Philoſophus ait, οἷον ἐγγυητής ἐς τὴν ἡμίαν. Et hoc tralaticium eſt apud iuris auctores, *Numorum certam eſſe aſtimationem*. L. iii. D. de in litem iuran. Videſis Dominicum Soto Lib. iii. De iuſtit. & iure. Quæſt 5 Artic. 3.

Irreuereri præceſſores ſuos) Quanto laudabilius inſtitutum Regum Arragoniæ, qui ad coronam venientes more à maioribus accepto, ſolemne iuſiurandum dant, inter alia hoc continens, *ſe antiquas monetæ leges non infringere*, nec curſum nec pedem monetæ approbatæ mutare velle, auctore Petro Beluga in Speculo Principum Ann. 1245. & 1337. Quo pertinet reſcriptum Innocentii iii ad Regem Arragoniæ in c. Quanto. 18. De iureiur. qui conſiliariorum ſuaſu iuraſſet, *Vſque ad certum tempus patris ſui conſeruare monetam*. Eandemque ob cauſam Petrus i v. Rex Arragonum ditionem Regis Maioriciæ & Minoriciæ, quem vaſallum ſuum eſſe aſſerebat, inuaſam fiſco ſuo addixit, quod monetam deterioraſſet.

P. 19. *Deſertur ad extra*) Hoc eſt in quo falluntur illi harum fraudum aut variationum artifices, quod tantum ſuæ regionis rationem habent; neque conſiderant neceſſitatē cōmerciorum

ciorum cum aliis, vt intelligant rem monetariam ex iure gentium constituendam.

Extra regnum contrafaciant) Andreas Fricius Polonus lib. 1. De Republ. emendanda cap. 15. *Quia nonnulli externi populi figurā nostrorum nummorum imitati sunt, atque hac ratione suos ad nos inuenerunt; videndum est num sit è republica, formam nostra moneta mutari.*

Bona mercimonia cessant) Quæ autem regio est sub Sole, quæ aliarum ope & commerciis carere penitus possit? aut non saltem multum commodi & emolumentis inde capere? Quo magis (vt modo tetigi) iuris gentium hac in parte ratio est habenda.

Intrinsicus negociatio perturbatur) Cuius rei elegans exemplū suppeditat Historia Bohemica de Iohanne Rege, quem Dubrauius libro xxi. scribit, æratio per profusiones euacuato ad improbam monetam cudendam animum adiecisse, Monetariis adhibitis qui è veteribus bonis nummis novos malos recuderent, pusillo illis argento superinducto, cætera planè æreos. Sed verba adscribere iuuat Chronici Aulæ Regiæ à nobis primū editi, sub Anno mcccxxvii. & versiculos nō illepidos: *Aduocauit Rex quosdā de Florentia Lombardos, in scientia lucri valde gnaros: ad horum consilium paruos denarios Rex permittit in moneta publica monetari. Cæpit ex hoc clamor in vulgo non modicus eleuari: quoniam cuprea materia, & corrupta eorum forma, impediunt omnium venalium rerum fora.*

*Nam quinis sutor, his nummis, dixit, abutor:
Et dixit sartor, ex his nummis nimis artor.
Conqueritur pistor, meus omnis questus in his tor-
pet nummis, tristis etiam sit faber in istis
Denariis paruis, luit hoc villanus in aruis:
Artificum turba clamant super hoc & in vrbe.
Optant deleta ciuō, quod sit iniqua moneta.
Nemo stat exceptus, qui non damonum sit adeptus
Per talem fraudem: si cessat, tunc cane laudem.*

P. 20. *Iudices*) id est Iurisperitos, Doctores: quos omnes iuri dicēdo operatos ea ætas *Iudices* vocauit, vt legimus apud Petrum de Vineis, Radeuicum, Marfilium Patauinum, & in c. 17. De election. in 6.

Campse-

Campfores) permutatores monetae, & γωρομοίβες, quorum est κατὰ δόξαν καὶ κατὰ κερματισμὸν τὰ νομισματῶν, apud Pollucem.

Mercatores moneta) Qui quod omne genus pecuniae in parato haberent, & pro suo quodam luccilo (quod *St. Naturam* vocant) desiderantibus representare possent, olim *Collectarii* dicebantur, Symmacho lib. x Epist. 4. Theodosio Novella xxv. νομισματῶν πωλεῖς apud Antiphanem, & νομισματῶν πωλητὴν apud Platonem, *Venditores pecuniae* aliquoties apud Paul. Diaconum in historia Miscella. Quorum attēs & cautelas accuratè examinat Dominic. Soto lib. vi. de Iustit. & iure. Q. 8. Hisce verò subsidio esse solent ceteri mercatores, qui aureas argenteasque bonas pecunias, quas quotidie accipiūt, colludio quodam hisce collectariis & monetariis suggerunt, quod grauissimè taxat Damhouder. in Pract. crimin. cap. 65. Et de his veterem querelam inuenio in versiculis ante nostrum saeculum scriptis, corruptelas omnium ordinum deplorantibus, Tit. De mercatoribus.

Item mundi mercatores

Quid sunt heu quam truffatores?

Et postea in specie:

Quando boni nummi vadunt,

Statim eos igni tradunt:

Sicque manet pagamentum

Scoria, & non argentum.

Sic confundunt mundum totum:

Istud undique est notum.

Qui sunt optima) Quales sunt litterati & scientiis dediti, qui ista pecuniaria non intelligunt neque curant. Tullius ipse ad Atticum: *Vide ne qua lacuna sit in auro, ego ista non intelligo.*

P. 21. *Innumerabiles perplexitates*) De quibus peculiare & spinosi tractatus extant, Bruni, Aquilæ, Curtii, & aliorum, consilia verò infinita, Iac. Curtii *ἐκαστὴν*. Tom. II. lib. III. cap. 15. Car. Molynei disquisitio accurata in Tract. de commerc. Quæst. 90. vsque ad 100.

Ipsa communitas possit) & cum ea Princeps: quomodo in Imperio nostro Cæsar cum ordinibus. Idque facit etiam textus in d. c. quanto. De iureiur. per verba, *assensu populi irrequisito*, vti ibi vult Guido Papæ num. 2. & Molynæus bene notat: quid quid dicat Nicol. Boerius Decis. Burdegal. 327. num. 6. Pertinet

net

net enim hæc res nummaria magnopere ad ipsam quoque plebem & popellum, cuius consensus non est excludendus aut negligendus. Vt & olim apud Romanos Marius Gracidianus Prætor cum hanc rem agitare, collegium Prætorum Tribunos plebis adhibuit, ut res nummaria de communi sententia constitueretur, quæ tunc ita iactabatur, ut nemo scire posset quid haberet, ait Tullius in officior. Addit Plinius, ab eodem Graciliano artem introductam denarios probandi, tam iucundam plebi, ut illi vicatim totas statuas dicauerint.

*Sed hoc est contra**) Notandum est hoc loco esse insignem lacunam & defectum propemodum integri (ut mihi videtur) Capituli, quo continebantur quædam obiectiones, ad quas articulatim respondet toto capite seq. Nam quod hic sequitur, *hoc est contra honorem regni, autentare Principem exhereditare.* &c. ipsum est ad quod ultimo loco respondet infra pag. 24. in princ. dicens hanc esse vocem falsiloquorum adulatorum, & reipublicæ proditorum.

P. 22. *Papa nunquam hoc concessit*) Imo prohibuit, & conscientias Principum eo nomine adstrinxit. d. c. quanto. De iuriur. d. Extra vag. De crim. falsi.

Imp. nulla potuit dare) Neque vero usquâ aut vnquam dedit. Imo quâ religiosè & integrè Romani olim Principes per suos magistratus & officiales voluerint monetariam rem administrari, indicio esse potest vel illa Formula qua Moneta committitur apud Cassiodorum Lib. vi. cap. 7. & Lib. vii. ca. 32. ubi in fine hac clausula additur: *Nam sicut casus asperos subibis, si quid forte deliqueris; ut irremuneratum non relinquimus, si te egisse incu'pabiliter senserimus.*

P. 24. *Deberet priuilegium per d. re*) Tralaticium est, priuilegium mereri amittere, qui eo præsumit abuti. L. si quos. C. de offic. præfec. prætor. Orient. c. priuilegium. xi q. 3. Et de priuilegio monetæ in Imperio nostro nominatim constitutionibus cautum est, ut legum violatores præter priuationem eius iuris, proscriptionem quoque ipso iure incurrant. Comit. LXVI. §. 3.

NOTÆ AD GABR. BYEL.

P. 34. *Liga, d. est, species mixtura*) Vox Italica, quæ apud Dantes legitur loco supra allato: *La Lega sug gillata del Battista.* Significans

gnificans vinculum & copulam quandam, qua vt aliàs alia, ita in hac materia duo vel plura metalla certa lege & quasi fœdere inuicem iunguntur, vniuntur, & quasi colligantur. Id enim est *Lig.* apud Longobardos, fœdus, vnió, coniuratio. Stat. Mediolan. Tit. De pœnis §. *Ne fiant liga.* Vnde *Feudum Ligum*, *vasallus ligus*, *homines ligi*: *Διζῶς οἱ Λατίνοι ὀνομάζουσι*, ait Nicetas. Francogalli qui alias *Ligam Ligue* dicunt, hanc metallorum mixtionem ad differentiam illius *Aloy* vocant: & *Aloyer*, metalla ista ratione contemperare & iungere, tradit Molynæus.

Pro Florenno aurum ponderans dragmam) Non fortuitum exemplum. Verè enim Florenus eius auri Rhenensis aureus, drachmam pendebat, Ducato hodierno etiam bonitate proximus. Quæ bonitas ab eo tempore paulatim & in auri probitate & pondere decoxit.

P. 38. *Data est sibi pro bona*) Tullius III. Offic. *Querit etiam Hecaton, si sapiens adulterinos nummos acceperit imprudens pro bonis; cum id rescierit, soluturusue sit eos, si cui debeat, pro bonis.* Diogenes ait, *Antipater negat: cui potius assentior.* Sed non dubito eum cum Antipatro potius sensisse. Alia mens foret auaro & improbo danistæ, qui nollet sibi talem nummū perire. Aufonius Symmacho: *Hunc ego cum velut gallinaceus Enclionis eruissem, excussum relegi: itaque ut auidus fœnerator improbum nummum malui occupare quam perdere.* Illud extra dubium est, reprobos nummos nō parere liberationem, & actionem creditori quoad eos saluam manere L. CII. D. & solution. Sed vicissim creditorem vel venditorem eosdem, quos forte accepit, debitori reddere debere, non abolere. L. XXIII. §. 1. D. de pignor. act. *reprobis domino reddendus*, inquit: quia nimirum e ad aliquid possunt esse viles, saltem pro ipsa materia: & si precium non sunt in merce haberi, vendi palam collybistæ pro reprobis, suo qualicunque precio: imo fit, vt etiam pluribus bonis denariis vnus malus artis pernoscendæ ergo ematur, vt alibi è Plinio retulimus.

SSC

Æ


A N-

ANDREAS FRICIVS MO-
DREVIVS POLONVS. DE RE-
PVBLICA EMENDANDA

Lib. I. cap. xv.

IN re monetaria considerata videntur & materia, & pondus, & forma publica. Priora duo vulgo non satis agnoscuntur, ac ne observantur quidem in nummis parvis: tertium conspectu facile noscitur. Verum quia nonnulli externi populi figuram nostrorum nummorum imitati sunt, atque hac ratione suos ad nos inuexerunt, videndum est num sit & Repub. formam nostra mutari: aliter enim externa vix exigi potest. Qui falsam & adulterinam olim cudebant, ad bestias condemnabantur, si liberi erant: si serui, ultimo supplicio afficiebantur. Rationem etiam inuenire, ne pecunia extra fines exportetur, perutile fuerit: quod vix aliter fieri posset, quam si pluri, quam aequum sit, aestimaretur, quod tamen nescio an conduceret Reipublica. Qui vel Roma vel in aliis prouinciis res agunt, magnam vim auri à nobis efferunt. Hoc si in totum interdici non potest, tamen modum his rebus constitui optimum fuerit. Tanta licentia apud nos grassatur nummis peregrinis, tum aureis, tum argenteis aestimandis, ut nusquam maior. Singulis quadrantibus anni precium eorum crescit, cum bonitati eorum nihil interim adcreseat. Causas eius rei multe afferunt multas. Sed nos si non mouet vel publica vel privata cuiusque rei iactura, quae hanc nummorum iactationem sequitur; quid aliud mouere nos magis possit ad licentiam illam coercendam, & certam aestimandi rationem inuendam, haud sanè dictu est facile. Et hoc igitur, si placet, forensi magistratui mandetur.





oster
en re-

eiufq;
verfus

Crucis
nientes
nes fa-
ecit (vt
ali lu-

iorum
imine,
tis fuit
Hele-
nem &
& Cru-
de de-
vultu,
ir ? nisi
què ac
ana le-
ectibus
orrent.
ris fra-

